



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
320/A/2





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
320/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
320/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
320/A/2

320

Amer. Rm

ANGLER

Coloza, 1574?

Copy 2


11/10/99


19 a 4207

Ward
Shirley

CHAPITRE. Ses diverses amendes de L'Esprit d'ango Commence le
non pour amonester luy. b. d... Burdon de puer au
c'est de la mineur Car la croque d'une bue b. d. b.

19 a 4207





329

PETRVS MAR

TYR MEDIOLANEN.

DE INSVLIS NVPER INVEN-

TIS, ET DE MORIBVS INCO-

LARVM EARVNDEN.



X mearum Decadū libel-
 lis in vulgus emissis colli-
 gere licet, fugitiuos quos-
 dam ad vicina Darienis ap-
 pulsos, nostrorum libel-
 los admirantes dixisse, ter-
 ras se aliquādō incoluisse,
 quarū habitatores instru-
 mentis vterentur eiusce-
 modi, ac politicē legibus parētes viuerēt: atriaq;
 ac templa lapidibus cōstructa magnificē, plateas
 etiam, stratasq; vias ordine composito, vbi nego-
 cientur, haberēt. Eas nunc terras nostri reperēre:
 qui authores fuerint, quomodō res processerit,
 attentē audiat, quisquis peregrinarum regionū
 conditiones & populi mores scire desiderat. De
 insula Cuba, quam Fernandinam placuit appel-
 lari, Hispaniolæ occidentali proxima: septētrio-
 nali tamen adeō, vt Cancrī tropicus mediam se-
 cet Cubam: Hispaniola verō à tropico distet ad
 æquatorem gradus aliquot: pauca tetigimus hac-
 tenus. In hac insula sex iam sunt oppida erecta:
 primarium, à diuo Iacobo Hispaniarū patrono,
 nomen sumit. Natiuum est ibi aurum, & monta-
 num, & fluuiiale: auro suffodiendo inuigilatur.
 Quo anno libelli mei portas clausurunt, tres Hi-
 spani ex antiquioribus Cubæ ciuibus, Franciscus

X 5

Fer-

Fernādes Cordubēsis, Lupus Ocho, Caicedus & Christophorus Morātes, nouas q̄rere terras institunt. Est inquietus & semper magna moliēs Hispanorū animus. Tria instruūt eius generis nauigia, quæ appellat Hispanus Carauelas, proprijs impensis, habita à gubernatore Dieco Velasquen nauigādi potestate ex angulo Cubæ Occidētali, qui sancti Antonij nomē adeptus est. Altū capiūt cum centum & decē viris. Est hic angulus ad reficiēdas naues, ac aquationi, ac lignationi aptissimus. Cælo tantūm & aqua cōtenti, sex ad nauigāt inter Zephyrū & Austrū dies ac dimidiū: quo tēpore sex tantūm & sexaginta se milliaria percurrisse arbitrat̃ur. Stabāt autē in ancoris, vbicunq; sol cadens illos deprehēdebat, nē per ignotū pelagus errantes, scopulis illiderētur: aut arenosis vadis impliciti mergerētur. In insulā incidūt ingētē, noīe Lucatanā, cuius initiū incolæ Eccampi vocāt. Oppidum in littore sitū adeunt, magnū adeò, vt Cairū illud nostri dixerint: hospitaliter ab incolis nostri suscipiūtur: ingressi, summa sunt repleti admiratione: turritas domos, tēpla magnifica, vias ordine stratas ac plateas, ac nūdinaria ibi agi cōmercia reperiūt: lapideæ sunt domus, aut ex lateribus & calce, arte & industria cōfectæ. Ad prima domorū impluua, & primas habitationes, per duodecim aut decē gradus affcēditur. nō regulis tantūm, sed culmis aut herbarum fruticibus coopertæ sunt. Mutuis se muneribus afficiūt: bullas aureas & ex auro fabrefacta monilia per pulchrē formata Barbari nostris, nostri autē illis sericeas ac laneas vestes, vitreos etiā calculos, & aurichalcea tintinnabula, munera illis grata, quia peregrina, sunt impartiti. Specula floccifaciebāt nostra, q̄a illi lucidiora ex quibusdā lapillis assequūtur. Vestita est hæc

*Lucatana
insula re-
pita anno
1516*

hæc gens nō lana, quia pecudes nō habēt, sed gossipio mille modis & varijs fucato coloribus. Fœminæ à cingulo ad talū induūtur, velaminibusq; diuersis caput & pectora tegūt, & pudicè cauent, nè pes aut crus illis visatur. Tēpla frequentāt: ad quæ primarij vias ex proprijs domibus sternunt: idolorū culturæ indulgēt: sunt recutiti: summa fide negotiantur, permutando tamen sine pecunijs: crines ornāt. Vndè id habuerint, interrogati per interpretes, dicunt aliqui, transiisse aliquādō virum quēdam formosissimum per eos tractus, qui eis id insigne in suū memoriā reliquerit. Alij, obijisse lucidiorem sole hominem in eo opificio: certi nihil habetur. Aliquot ibi dies commorati, iam videbātur incolis esse molesti: nullius enim hospitis est grata mora longa: commeatum capiunt: rectā tendunt ad Occidentē per prouincias, Comi & Maiā dictas ab accolis. Præterlapsi sunt, aquam tantū & signa ex itinere capientes. Barbari littorales nostras admirabantur naues mari innatātes, ad quas visendas & fœminæ permixtæ viris cum infantibus passim prodibant. Nam ex mari nō sine stupore illorū ædificia, sed præcipuè tēpla littoribus proxima, in modum arcū erecta prospectabant. Iacere tandē ancoras placuit ad milliaria centū decem in prouincia, cui nomen Campechium, cuius oppidū est domorū trium milliū: amicè se inuicem cōplectuntur: nauticā nostrorū artē, nauigiorū magnitudinē, vela, amplustra, resq; ceteras Barbari attoniti admirabantur. Vbi excussorū tormentorū tonitrua, fumosum ac sulphureū odorēq; ignitū senserūt, à Deo fulmina mitti arbitrabātur. In atrio regulus nostros benignè magnificēq; hospitatus est. Post sumptas more illorū epulas, in quibus pauones habent

habent & altilia, volucres etiā mōtanas & nemo-
 rales, ac aquatiles, perdices, coturnices, turtures,
 anates, & anseres, cuniculos: vltra hęc lupos, leo-
 nes, tigres, vulpes: & quadrūpedes agrestes, vt
 apros, ceruos & lepores: ducti sūnt nostri cū re-
 gio comitatu ad latū cōpitū in oppidi latere sitū:
 ostēdūt nostris quadratū quatuor graduū erectū
 marmoreū, partim ex tenaci bitumine, partim
 ex lapillis, pulpitū: cui hominis inhārebat simu-
 lacrum supersculptum, adherētibus illi duobus
 quadrupedibus ignotis, qui marmorei hominis
 vterum, vtī canes rabidi, videbātur velle dilace-
 rare. Serpens bitumine ac lapillis compacta, pedū
 longa septem & xl. vtī bos magnus, marmoreum
 leonem vorans, recēti cruore irrorata, simulacro
 adstabat. Proximi solo affixi erāt tres tigni, quos
 tres alij lapidibus suffulti transuersabāt: in eo lo-
 co reos puniunt: in cuius rei argumentum, stras
 viderunt innumeras cruore illitas & confra-
 ctas sagittas, & mortuorum ossa in vicinam cor-
 tem proiecta. Domus & hīc sunt ex calce & lapi-
 dibus ædificatæ. Regulo, Lazari nomē indiderūt:
 quia Lazari die terram ceperunt. Abeunt ad mil-
 liaria indē, ad Occidentem semper, quindecim.
 Prouinciam captant nomine Aquanil, cuius op-
 pidum Mosco dicitur, regulus Capotón, vltima
 acuta. Hostiliter inspectat nostros hic regulus,
 insidias nostris struit, petentibus aquā: trans col-
 lem proximum fontes esse innuunt, quā iter erat
 per angustas semitas. Ex mutatis in fronte colo-
 ribus, & arcuum & telorum gestamine, fraudem
 sensēre: tēdere vlteriūs nostri recusant. Palantes
 & imparatos adoriuntur nostros Barbari, mille
 ampliūs sternunt fugiētes nostros: cœnoso in lit-
 tore (erat enim ibi mare cœnoso) implicantur:
 duos

duos & viginti sagittis transfuerberatos perimūt,
 reliquos maiori ex parte vulnerant. Tribus & tri-
 ginta, inquit, classis ipsum prætorem Franci-
 ſcum Fernāden vulneribus percussum. Ferè nul-
 lus euasit incolumis. Si ad monſtratos colles pro-
 ceſſiſſent, perempti fuiſſent ad vnū. Mœſti ergò
 redeūt, qui ſuperfuēre, ad Fernandinam inſulam
 vndē venerant, ac cum fletu & gemitibus, ob re-
 lictos & pſentes vulneratos, à ſocijs recipiuntur.
 His intellectis, Cubæ Fernandinæq; gubernator
 Diecus Velasquen quatuor Carauelarū claſſem
 inſtruit cum hominibus circiter trecentis. Huic
 claſſiculę præfecit nepotem ſuum Ioannem Gri-
 ſaluam, additis ſubprætoribus Alfonſo Auila,
 Franciſco Montegio, & cōmendatorio Petro Al-
 uarado, Nauclero autem eodem Antonio Alami-
 no prioris claſſiculæ rectore. Idem iter capiunt,
 ſed australius aliquāto ad millia fortè ſeptuagin-
 ta: turrim ex alto vidēt, terram minimè. Ea turri
 duce, inſulam apprehendunt nomine Cozumel-
 lam, à qua ſuaues ſe olfeciffe odores ſpatio trium
 milliariorum, vëto indē proflante, inquit. Am-
 bitu reperiunt eſſe milliariorum quinq; ac qua-
 draginta: plana eſt, gleba fortunatiſſima: aurum
 habet, ſed peregrinum, aliundē allatum: mel-
 le abundat & fructibus hortenſibus, volucribus
 etiam & quadrupedibus. Eſt horum incolarum,
 vt breuib; abſoluam, ea œconomia & politia,
 quæ de lucatana: domus, templa, viæ, cōmercia:
 virorum ac fœminarum geſtamina ex goſſipino,
 nō laneo vel ſerico: domus lapideæ, culmo con-
 tectæ, vbi ſit lapidum penuria: ſed vbi ſit lapici-
 dinarū copia, laminis lapideis conteguntur: mar-
 moreos poſtes in plerisque, velut à nos ple-
 ræq; domus habent. Turres ibi vetuſtas, dirutarū
 veſtigia

vestigia redolētes, reppererūt, vnā præ cæteris graduū octodecim, vt ad illustria tēpla cōscenditur. Nostras sunt admirati naues, & nauticā artē: noluerūt hospites primo impetu: benignè eos tandem ad miserūt: turrim cōscendunt duce primario, quem sacerdotē credūt: vexillū in cacumine sistunt, regi Castellæ imperiū adiudicant, Sanctæ crucis nomen insulæ assignant, q̃a ad Nonas Maij Sanctæ crucis festo sunt insulam ingressi. Cozumellā verò, inquiūt, appellari à regulo Cozumellao, cuius maiores ipse iactat fuisse huius insulæ habitatores. Cameras in turri reperēre: statuis tū marmoreis, tum fictilibus vrsorū simulacris instructas, quos vnifono cantu elato inuocāt: suauibus adolēt odoribus: vt penates eos colūt. Res ibi diuina celebrata est: sunt recuriti. Regulus hic eleganter ex gossipino velamine indutus, pedis vnus digitos abscissos habebat: natanti piscis vorax, qui Tuberondicitur, vno morfu digitos raptauerat. Lautè copioseq̃ nostros aluit. Post tridū abeunt ad Occidentem semper, vidēt procūl mōtes, Iucatana erat insula, q̃a Cozumella quinque tātū millibus passuū distat. Iucatanę latus meridionale capiūt, putato cōtinenti proximum cicūeunt: illā nequeunt vniuersam, ob frequētes scopulos, & ob arenosā vada. Ad iam notū latus boreale Alaminus nauclerus naues reducit. Ad idē oppidum Campechium & Lazarū regulum, ad quē priores superiori anno, pficiuntur: placidè suscepti, ad oppidū inuitantur. Inuitasse pœnituit: ad lapidis iactū ab oppido nostros sistere iubēt: accolæ abire imperāt: aquandi petunt copiam priusquā discedant nostri: puteum à tergo relictū monstrāt: licere indè aquā haurire, aliundè minimè inquiunt. Pernoctatum est in vicino
putei

putei campo. Diffidunt Barbari: armatorum tria
 circiter millia, castra locant non longè à nostris.
 Pars vtraque noctem duxit insomnem: illi no-
 strorum eruptionem in pagum, nostri Barbarorū
 impetum repentinum veriti, tubarū clāgoribus,
 & tympanorū boatu somnolētos excitabant. Vbi
 illuxit, accedunt barbari, appellant interpretes
 Cubenses nostros, quorum idioma, si nō idē, con-
 sanguineū tamē. Face thurea inter vtrunq; agmē
 accensa, minantur internecionem, nī prius abire
 pperauerint, quā fax extinguatur: nolle se ho-
 spites protestantur. Fax cōsumitur, deuenitur ad
 manus, perimunt è nostris vnum, quem sagitta
 malè scutatum reperit: multi feriuntur: ad tor-
 mēta, quæ apud puteum erant locata, se reducūt
 nostri, vt indè globos iaculentur in Barbaros: re-
 trocedunt ad oppidum Barbari: milites feruenti
 animo cupiebant illos persequi, vetuit Grifalua
 prætor. Indè procedunt ad Iucatanæ calcem vlti-
 mum: ducentorum reperiunt esse milliariū am-
 pliūs productam ab Oriente in Occidentē: por-
 tum petunt egregium, cui nomen dedēre Portus
 Desideratus. Ad terras indè transfretant alias, &
 terram prēhendūt Iucatanę vicinā ab Occidente:
 dubitant, sit insula, nō ne: continenti esse annexā
 arbitrantur. Est ibi sinus, quē suspicātur ambitū
 vtraque terra: nil certi. Caluacan, aliās Oloan ab
 accolis hæc tellus appellatur. Flumē ingēs ibi re-
 pertū, dat suo furore in pelagus potabiles aquas,
 duorū milliū spatium: à prætore Grifaluā appellā-
 rūt flumē. Admirati nostras moles mari natantes
 Barbari accolæ, vtranq; fluminis ripā ad sex mil-
 lia armatorū, scutis aureis, arcubus & sagittis, en-
 sibus etiā latis, & hastis adustis armati obsidēt, p-
 hibituri descēsum, & littus tutaturi. Stat ea nocte
 pars

pars vtraq; in alis: prima luce eccè canoas circiter centū armatis plenas: (diximus aliās, Canoas esse lēbos vniligneos.) Et hīc Cubenses interpretes, & hī sāt cōmodē conueniebant in lingua: pax oblata per interpretes admittitur: accedit vna canoa, reliquæ sistūt. Canoæ rector, qd nostri quæritēt per alienas terras, percontatur: aurū cupere respōdetur, permutatione tamē, nō gratuitō aut violenter. Redit canoa, quid actum sit, regulo referunt nautæ: accersitus regulus, venit libēs: narratu dignum: cubicularium ad se vocat regulus: cubicularia iubet asferre ornāmēta, vt prētorem nostrum Grisaluam ornet, imperat: à calceō incipit auro illū induere, ocreas, thoracē, & quicquid armorum ex ferro aut chalybe solū cataphractus noster aliquis, proditurus ad pugnam, sibi sumere, vniuersum id ex auro miris modis formato regulus Grisaluz impartitur. Compensat Grisaluā sericeis, laneis ac lineis vestibus, rebusq; alijs nostratibus. In huius Lucatanæ initio, quandō in Cozumellam traiecerunt, in canoam piscatoriam inciderunt: nouem inerāt hamis aureis piscantes incolæ inermes, capiunt omnes, nil timentes. Ex illis vnū agnouit hīc regulus, se tantundem auri missurum in crastinum pollicetur ad Grisaluam, quanti ponderis vir ille reperiretur: negauit redemptionem socijs inuitis prator, illum retinuit ac discessit, quid vltra iaceat, recogniturus. Ad millia cētum circiter, ad zephyrum semper, finem ingentē reperiunt, in quo tres paruæ insulæ sitæ erant: adeunt grandiores. Pròh crudele facinus, pròh truculētās hominum mentes: stomacho claudat portas quisq; pius, nè perturbetur: pueros puellasq; suis dijs immolant passim: sunt recutiti: simulacra quæ colunt, partim

tum sunt marmorea, quadam alia fictilia. Marmoreas inter imagines extat leo pertusa ceruice, in quam miserorum sanguinem proijciunt, ut inde fluat in lacunam marmoream. Quibus caeremonijs miserorum sanguinem litent, referamus. Non iugulis, sed pectoribus apertis ex infausta victima cor eruunt: ex cuius calido cruore idolorum labia illiniunt, reliquum fluere patiuntur in lacunam: inde in apertum, cor & exta comburunt, gratum fumum dijs fore arbitrantur. Ex idolis unum est virile, quod inflexo capite lacunam sanguinariam superinspectat, tanquam acceptans sacrificium hostiarum. Torulos brachiorum & femorum, ac surarum pulpas edunt, praecipue si hostem bello victum sacrificauerint. Riuum concreti sanguinis, veluti ex carnificina exeuntem reppererunt. Ex insulis vicinis ad id facinoris miseros transportant: capita cadaueraque ibi truncata viderunt innumera, integra etiam pleraque velaminibus connecta. Vniuersi tractus illi auro gemmisque abundant. Pererrans insulam vnus est nostris in duos semisuffusos vrceos alabastrinos perpulchre laboratos lapillis incidit, diuersorum colorum plenos. Aiunt lapillum se repperisse, qui missus est ad gubernatorem, valoris duorum millium Castellanorum auri. Sacrificij hanc insulam appellauerunt. Extant & in huius Colluacanæ lateribus alię sitę insulae, in quibus solae mulieres habitant sine virorum commercio. Putant aliqui Amazonico viuere more: qui prudentius rem ponderant, cenobitas esse virgines, secessu gaudentes, uti apud nos, & multis in locis apud veteres Vestales, aut Bonae deae sacrae. Certis anni temporibus traijciunt ad eas viri, non coitus causa, sed moti pietate, campos & hortos illis composaturi, quo cultu

Y

queant

*Cae-
remos
niam re-
tus per-
quam hor-
ridus.*

queant vitam ducere. Fama tamē viget, esse alias insulas fœminarum sedes, sed corruptarum, quæ mamillâ à teneris scindunt, quo faciliùs queât sagittariam artē exercere: ad easq; trajcere coitûs causa viros, nec retinere mares. Fabulâ puto. Ad littus ergo Colluacanæ terræ se applicant nostri: placidè negociantur: aureum regulus cacabum, armillas, torques, bullas, multaq; p̄tereà diuerforum generum monilia nostris impartitus est: nostri cōtrà nostratibus illum alacrē reddunt. Fingere hîc pedem, & coloniam deducere cupiebāt: prohibuit Grisalua prætor: desperatis animis vixerunt eo tempore cōmilitones in prætorē. Turritis constat ædificijs hæc prouincia, oppidis amplissimis quindecim: & alicubi viginti millium domorum se aliqua vidisse attestantur. Sunt non vbiq; cōnexę domus, hortis & cortibus intersecātibus: multæ distāt à seipsis: plateas habēt mœnibus circumseptas, in quibus fora nundinasq; exercēt: vias ordine stratas, furnos, fornacesq; calcem ac lateres coctos habēt: figulos, lignariosq; fabros, & artifices, mechanicarumq; artiū omnium opifices assequuntur egregios. Potanchanus hic regulus dicitur, regio Palmaria: eius oppidū regium aiunt esse domorū quindecim millium. Quandò novos hospites suscipiunt, qui pacem in illis terris admittunt, in amicitia fœdus sibiipsis cum nouacula vel gladio lapideo sanguinis parump̄er ex lingua vel manu, aut lacerto, vel alia quauis corporis parte, hospite inspectante, erunt. Sacerdotes viuūt cēlibes & incorrupti. Quid sit coire, nemo intelligit, donèc nubat. Nefas & morte piandum est aliter accidere. In fœminis mira castitas. Licet vnicuique potenti, postquàm vnam duxerit vxorem, habere pellices quotquot voluē.

voluērit: sed nupta adulterio comprāhēsa, venditur à marito, primario tamen principi, à quo licet mulieris propinquis illam redimere. Nemi-
ni non coniugato fas est iungi in mensa, vel ea-
dem lance vesci, aut poculo bibere, paremque cō-
iugato se præbere. Augusto Septembriq; mense
quinque ac triginta dies abstinent, non à carni-
bus modò, quas assequuntur optimas, sed ne-
que piscibus vescuntur, aut re aliqua, quæ san-
guinem nutriat: hortensibus ac leguminibus il-
los dies peragunt. Menses, viginti dierum nu-
mero claudunt: annum verò, mensibus viginti:
aliquot ibi dies lautos egēre. Abeunt, littus idem
secuti, regulum conueniunt alium, cui nomen
dedēre Ouandus. Regulus ubi nostros aurum
cupere intellexit, laminas conflatas attulit au-
reas: se copiam eius metalli desiderare prætor
significauit per interpretes. Postero die aureum
hominis simulacrum, pygmæum, flabellumque au-
reum, & artificio vario laruam iubet afferri, cal-
culorumque ferta, pectoralium & bullarum copi-
am, & diuersorum generum ornamenta, & vario-
rum colorum lapillos nostris est impertitus: da-
pibus quoque lautissimis persapidè conditis sa-
turauit. In littore inuitatos properanti cursu,
frondētibus ramis ex reguli mādato erectis, ilicò
scenis cōtegebant: inertes in ramis ferēdis fami-
liares regulus pcutiebat sceptro, quod manu ge-
stabat: serui demisso vultu quæcūque verbera pa-
tiēter sustinebāt. Interrogatus, vbinām auri tāta
colligeretur copia: proximos digito monstrauit
mōtes, & flumina ab illis decurrētia. Sunt hi flu-
minibus ac lacubus adeò assueti, vt idē illis sit na-
tare, qđ terra incedere. Mergūtur flumine, quādò
aurū placet colligere, manusque arenis efferūt ple-

Y 2 nas;

nas: demùm de manu in manum cribrâtes arenâ,
aurum deligunt. Spatio duarum horarum dicunt
auro implere cannulam digitalé. De suffumigijs
& harum terrarum odoribus dulcia molliaq; di-
ci queunt, quę prætermittimus, quia magis ad ef-
fœminandos animos faciūt, quàm ad bonos mo-
res. Puerum annorum duodecim oblatũ à regu-
lo recusauit prætor: puellã admisit pulchrè or-
natam, socijs inuitis puerũ abiecit. Ex lapillis ab
hoc regulo habitis, vnũ scribũt esse valoris duo-
rum millium Castellanorum auri. Discedunt tan-
dèm ab hoc regulo, auro & gemmis onusti. Gri-
salua prætor vnã è Carauelis ad patruũ guberna-
torẽ destinat ad Fernandinã, cum nuncijs & habi-
tis auro & gemmis. Littus intereà secant reliqui
Occidentẽ versũs: vna verò propiũs ferè littus
abradebat, qua Franciscus Montegius subprætor
vehebatur: duæ per altũ tendebãt in prospectu.
Admirati accolæ, rem nouã miraculo ascribunt.
Duodecim ad Montegium veniũt Canoę: per in-
terpretes colloquuntur, benignè se inuicẽ salu-
tant: supplices orant incolę, vt descẽdant: magna
pollicentur, si regulum patriæ adierint. Precibus
eorũ negat Montegius se posse annuere, quia socij
nimis à se distarẽt: cõtentos tamen dimisit, datis
quibusdam nostratibus muneribus illis grauis,
quia ignota sunt. Celebre oppidum aliud adeũt:
ad littus se applicãt vnà tres Carauelæ: prohibẽ-
tur ab accolis descendere: scutis, arcubus, plenis
pharetris, & ligneis latis ensibus atq; hastis adu-
stis armati, ad nostros prodeũt: sagittas iaculãtur
eminũs illi: tormẽtorũ globulos in Barbaros no-
stri. Machinarũ strepitũ admirati, ac furore per-
territi, aufugiunt: pacem optãt. Iam commeatus
nostris deficiebãt: iam quassatæ longis itineribus
naues

naues erant. Ad insulā igitur Fernandinā, factis & repertis antedictis cōtentus Grisalua, socij haudquaquam reuertuntur. Nunc diuertendum est parumper, & alia nauigatio pertractāda. Hinc ad has regrediemur terras, quas nostri repetierūt. Diecus idem Velasquen gubernator, eodem ferè tēpore, quo classē eam quatuor Carauelarū parauerat, aliam destinauit vnus Carauelæ tantum, & vno Bergantino comite, cum viris quinque ac quadraginta. Violentas hi manus in accolās exercuerūt. Idolorum sectatores sunt & recutiti, propterea licere eos trahere ad aurum suffodiendum putauerunt. Sunt littori, continentis in modum, proximæ paruæ insulæ multæ, vbertate soli, & fortunatissima gleba beatæ, Guanapan, Guāguan, Quitilla: ex vna istarum tercentū rapiunt vtriusque sexūs accolās: (huic insulæ posuere nomē Sanctæ Marinæ) in Carauelam hos inculcāt, & ad Fernandinam tendunt: Bergantinū cum socijs quinque ac viginti relinquunt, qui dent operā venationi hominum vltiori. Portus quem præhendit Carauela, Carenas dicitur: distat is ab angulo Cubæ primario diui Iacobi, millia ducēta quinquaginta. Hæc insula est longissima, porrecta ab Oriente in Occidentem, quam cancri tropicus interfecat. Miserorum vindictam quærente fortuna, è custodibus in terram descendūt quidam, pauci remanent. Nahti occasionem recuperandæ libertatis insulares, raptis nostrorum telis, ruunt in custodes: perimunt sex, desiliunt in mare reliqui: Carauela potiuntur insulares, regere illam didicerant, redeunt in patriam: sed primò in eandem insulam vicinam descendunt, Carauelam excurrunt, tela secum abspoliunt, lembis traijciunt ad suos: relictos nostros cum Bergatino adoriuntur,

prostrant, perimūt: qui euasēre, infelices ad Bergantinum pfugiunt. Arbor est littori proxima, crucē in eius arboris cacumine locāt, & superiorē arboris corticē his verbis inscribunt: Vannuis Aldarieci. Est Dacien fluuius, in cuius ripa situm est oppidum putati cōtinentis primarium. Re intellecta, gubernator in relictorum auxilium properē mittit naues duas bellatoribus onustas. Serō sapiunt: res iam acta erat: crucē secūti, littus adēunt: literas legunt arbori insculptas, nō ausi sunt fortunā tētare, cū desperatis egregiē armatis precipuē recedunt. Ex insula proxima isti tanq̃ lepores abducunt vtriusq; sexūs quingētos: eadē causa arbitrati iure merito posse id efficere, quia recutiti. Idē his euēnit ad Fernandinam applicatis: vnā ē nauibus ferociter aggrediuntur: acriter dimicādo, custodes Hispanos perimunt quosdā, ceteri sese ad mare proijciunt, & ad sociā, quæ proxima erat, carauelā adnatant, vnā oēs cum superstitite Carauela raptatam adoriuntur. Dubia fuit quatuor horarū spatio victoria: p̃ libertate recuperanda, tam viri q̃ foeminæ rabidē pugnabāt, nē adeptā amitterēt prædā. Hispani acrius dimicabāt: vicerūt Hispani tandem, quia pertractandis armis essent agiliores. In mare sese proijciunt victi Barbari: cum lintribus recolliguntur: tum ferro perempti in certamine, tum aquis suffocati circiter cētum. defuēre ex Hispanis pauci, ad diui Iacobi oppidum & aurifōdinas trahūtur. Ad aliā dehinc tendunt ē vicinis insulis, quæ sunt ibi frequentiores, quàm in nostro Ionio symplegades, quarum congeriē Archipelagus vulgus appellat: hostiliter suscipiuntur, quotquot ē nauibus descēderunt, perempti aut percussi sunt. Putāt hāc esse insulā, quā Ioānes quidā Pōtius, vnus classi-

culæ

culę Prefectus adiuit, & perturbatos reliquit: fugatur ab accolis: Floridãq; appellauerat, quia resurrectionis die eam insulam reppererint: vocat Hispanus Pascha floridum resurrectionis diem. Sex & viginti, inquit, se vidisse insulas, sed à Colono prius præterlapsas, tanquàm Hispaniæ Cubæq; custodes, in quibus veniētes oceani procellæ illiduntur. Natiuum in plerisque granatū aurum reperiunt: monilia & isti varia gestāt, & laruis vtuntur, tū ligneis deauratis, tum aureis perpulchrè ornatis. Opifices sunt vbiquè argutissimi. Ex laruis vnā secum attulit Frāciscus Chieręgattus. ex ea colligere licebit, quali polleāt ingenio. Nouacularum structurā mirū est videre: ex lapidibus flauis quibusdā diaphanis, vtī crystallinis, eas formant, & cum eis radunt, haud secūs ac si egregio chalybe factæ essent: sed quod spectatu dignū est, quāddò obtusam iam habent ex exercitatione aciē, non cote, nō lapide, neq; puluere illas acuunt, sed tantūm aqua imposita téperantur. Sunt & apud hos instrumētorum & elegātiū rerum mille genera, q̄ lōgum esset narrare. Redeamus ergò vndē sumus digressi. Ad Cozumellā, Iucatanam, ac Colluacanā siue Olloā, terras dites ac elysias recēter repertas, à quibus diuerterā, reuertor: vbi quanti sint momenti tractus illi, cognitum est. Cubæ insulæ habitatores Hispani, gubernatore Annuncē, nouā classē instruunt Caravelarum decem, cum viris quingentis, additis, vtī leuis armaturæ equis, duobus Bergantinis, quorū opera vtuntur ad vado sa littora, frequentū scopulorū discrimina tētanda. Equos nauibus imponunt, quinq; mares, fœmellas verò sedecim bello aptas. Fernādum Cortesium, qui tunc erat prætor vrbanus, generalem eligunt classis gubernato-

natorem & prætorem: subprætores verò Alfonso Fernādum Portucarerium, Franciscū Montegium, Alfonso Auilam, Alueradum commēdatarium Spatensem, Ioannem Velasquen, Diecum Ordassum: ventum sequuntur eundem, ab angulo Cubæ vltimo, ad Occidentem. Quamprimum Franciscus Fernādes Cordubensis, mox Ioannes Grisalua, ad prospectum insulæ sacrificiorum, de qua mentionē fecimus, deueniūt: insperatus acer turbo captare terrā vetuit: versis illos vestigijs ad Cozumellā Iucatanæ orientalem fera tempestas transportauit. Portum habet vnicum hæc insula, cui nomen Sancti Ioānis porta, Latine indiderunt. sex oppidis tantum contenta est, & aqua puteali, aut cisternali. fluminibus caret & fontibus, quia plana. quinque tantum ac quadraginta mille passuum spatio ambitur. Aufugiunt incolæ ad sylvas nemorosas, oppida deserunt præ timore: vacuas domos ingrediuntur nostri, patrijs fruuntur cibus, domorum ornatus variorum colorum, aulae, vestesq; ac lodices, amaccas appellant, ex gossipio natiuo reperiunt. Habent etiam innumeros libros. De his cum cæteris ad nouum Cæsarem nostrum aduectis latè dicemus. Perlustrant vniuersam nostri milites, compositis tamen agminibus, nè qua vis ingrueret: paucos reppererunt accolas, vna fœmina comite. Per interpretē Cubensem, & Iucatanas tres alios abductos à primis Hispanis, fœminam hortatur, vt absentes accersat regulos. Fœminæ familiares erant accolæ cum ea ducti: à fœmina vocati per nuncios veniunt reguli, fidem amicitiae præstant, domos patrias alacres repetūt, multa ex raptis su pellectilibus restituūt: idololatrias & recutitos esse reperiūt: pueros puellasq; Zemib⁹ immolāt.

Sunt

Sunt Zemes nocturnorum lemurum simulacra,
 quæ colunt. Interrogatus à me Alaminus nau-
 clerus, Franciscus Montegius, & Portucarerius
 nuncij, qui regi munera attulerunt, vnde immo-
 landos habeant pueros puellasq;. Ab insulis col-
 lateralibus, inquit, veni ducuntur permuta-
 tione auri aut aliarum mercium. Nusquam enim
 feralis monetæ dira sollicitudo in tam vasto ter-
 rarum spatio habitatores premit. Idem aiunt de
 reliquis nupèr inuentis insulis: è quibus duas
 nominant, Destam & Sestam, vbi nudi degunt: pu-
 erorum puellarumq; inopia, canibus litant. Ca-
 nes alunt comedēdos, vti cuniculos alit gens no-
 stra: nō sunt latrabiles, rostro vulpino, quos ad
 esum destināt: pullos castrāt: ad sobolē procre-
 andam foeminarū copiā, mariū numerū exiguum
 seruāt, vti de ouibus pastores nostri: pinguescunt
 castrati vsq; ad quadrimestre mirū in modū. Ab
 his sacris nostri illos deterrēt, nefas esse ostendūt:
 legē petūt quam sequantur: esse Deum vnicum,
 qui cælum creauit ac terras, bonorum omnium
 datorem, sub triplici persona vnitum in substan-
 tia, facile persuadent: Zemes perfringi patiun-
 tur: Beatæ virginis imaginem depictam à nostris
 præbitam, in sacro sui templi loco sistūt, templū
 ac eius pauimenta verrunt & abradunt: crucē ob
 ipsius Dei atque hominis laudem, ob salutē hu-
 mani generis superimpositam recordatione, ado-
 randam receperunt: in templi cacumine vnā in-
 gentem ligneam locant. Conueniunt omnes, Dei-
 paræ virginis cum tremore reuerenti figurā sup-
 pliciter veneraturi. Per interpretes significarunt
 hi accolæ, esse in Iucatana vicina insula Christi-
 anos captiuos septem, qui ad eam, tempestatibus
 raptati, appulerant. Quinq; tantum milliarium

spatio dirimitur à Iucatana hæc insula. Quinquaginta viros cum duabus carauelis prætor Cortesius ad id negocij destinat perquisitores. Cozumellanos tres secū aduehūt cum literis ad Christianos, si qui reperiantur : quàm egregiū facinus sint acturi, si aliquem adduxerint, ostendit : rem ardentè commendat, ab illis nanque sperat lucidiorem sole se tractuum illorum omniū notitiā habiturum. Abeunt bonis auibus, sex dies eis assignantur ad reditum, octo expectârunt : demissos in terram Cozumellanos nuncios, trucidatos aut detentos suspicati sunt : illis relictis, redeunt ad Cozumellam nostri. De discessu ex Cozumella, cogitabat iam vniuersa classis : opposita illam vis maris detinuit. Eccè ab Occidente Canoam inspectant venientem ab Iucatana, Christianum vnum è captiuis aduehit, septennio is vitam degerat apud Iucatanos, Hieronymū Aquilarem nomine, virum Astigetanum Vandalum. Quo gaudio seinuicem fuerint cōplexi, casus loquatur. Infelicē sortem suā, & sociorū vnā amissorum enarrat : auditur attentis mētibus : nec dissonum fore arbitror, nec tuæ Beatitudini molestum, si rē, vt accidit, recēsuero. In meis decadib. mentio facta est de nobili quodā Valdiuia, ab Darienensibus misso, sinus Vrabæ in putato continenti habitatoribus, ad Hispaniolā, Almirāto Colono, regi, & Senatui regis, (ad quos pertinet putati continentis remediū) significatū qua rerum omniū penuria vrgerentur. Sinistris auibus miser Valdiuia prouinciā suscepit : in Iamaicæ insulæ Hispaniolæ Cubæq; laterali à meridie prospectu repentinus vortex in arenosas detulit syrtes. Ea voracia cæcāq; vada Hispani vocāt viperas : & quadrāter viperas, quia ibi multę naues implicātur,

tur, vtì viperina cauda lacerti. Discinditur carauela: vix Valdiuiæ & è socijs triginta licuit in carauelæ scapham descendere: sine remis, sine velis miserè raptâtur à pelago defluëti: diximus nanq; in decadibus, esse ibi maria perpetuo fluxu labentia in Occidentem. Tredecim errârunt dies, in scij quò tenderêt, nil esui aptum repererût vnquam: septè ex eis cõsumpsit fames, fuerût ipsi marinis piscibus esca. In Lucatanâ transportantur superstites, iam inedia deficiëtes, in crudelis reguli potestatem inciderût. Valdiuiâ prætorê vnâ & socios quosdâ trucidauit, mox immolauit zemibus, demû cum inuitatis amicis comedit. Hostes aut, aut appulsos hospites, hi depascunt, de reliquo à carne humana abstinent. Hic Hieronymus Aquillaris, & socij sex in tertiû diem immolandi seruabantur: nocte, ruptis vinculis, truculëti manus tyranni euasere: ad regulum huic infensum, supplices confugiunt: admittuntur, sed in seruitutē. Admirandum auditu est de huius Aquillaris genitrice: vbì rem intellexit, ilicò insaniuit præ dolore, licet in nube tantùm audierit, filiû in potestatem carnes humanas edentiû incidisse. Hæc si quandò carnes affatas inspectat, aut verubus affixas, clamoribus domû replet, inquiens: En matrē omnium miserrimā: en filij mei frustra. Habita igitur epistola prætoris Aquillaris per Cozumellanos nūcios, corā regulo hero, qui Taxmarus dicitur, quid Cozumellani afferât, enarrat: de potētia regis eorū, qui ad eas partes appulerunt, deq; virorū fortitudine, de illorū beneficentia in amicos, de sæuitia in detrectātes, vel eorum postulata respuētes, multa edisserit: trementē reddidit Taxmarum. Det operam, nè hostes suā ditionem ingradientur, seruû rogat, sed pacato veniāt animo. Polli-

Pollicetur Aquillaris pacē, & si opus fuerit, contra hostes auxilium & fauorem. Aquillarem dimittit, tresq; illi dat familiares comites: ita iunctim traijciunt ex Cozumella in Iucatanam, ad flumen, Alamino nauclero regente, aliās reperiunt tendunt. Fauces eius arenis erant conclusæ, vt de Nilo Aegyptio legitur, flātibus Etesijs: propterea maioribus non licuit nauibus aduerso flumine procedere: quanuis sit aliās huiusmodi nauibus aptum suscipiendis. In Bergantinos & nauium lintres, ducētos viros in littus exponit prætor. Per Aquillarem pax offertur. Quid sibi velint, percontantur accolæ: Dapes, inquit Hieronymus Aquillaris. Spatium erat ingens arenosum ad latus oppidi: illuc tendant, insinuant accolæ. Eunt. Postero die afferunt gallinas octo eorum more, quæ sunt pauonibus neq; minores, neq; insipidiores, suffusci coloris, & tantū maius, quantum vix sufficeret decem famelicis. Est autē maizium frumenti granum, quo ipsi panem conficiunt, nostro panico non multum dissimile. Protestantur vnà, vt inde discedant. Properè ingens armatorum ad nostros, discedere renuentes, multitudo concurrit, iterum, quid sibi velint per alienas terras vagantes, interrogant. Pacē se cupere, per Aquillarē respondent nostri, & rerū permutatione dapes, aurumq; si aurū possidēt. Nolle se pacem aut bellū cum eis, respōdent: abeant iterum, nī mālint vsque ad vnum trucidari. Nolle abire, nostri inquit, non habita ciborū copia, quæ alendis militibus præsentibus sufficiat. In crastinum adferenda cibaria signāt. Mentiti sunt: manē sequenti nostris, qui castra locarant in arena, & fuerant pernoctati, tantundem afferunt epularū, & sui reguli nomine iubent abire.

re. Cupere se oppidum videre, & potiores dap-
pes, nostri dicunt. Recusant illi, & terga vertunt
submurmurantes. Inedia nostri vrgebantur, vi-
ctum quærere coguntur. In terram mittit sub-
prætores prætor cum viris centum quinquagin-
ta. Per diuersa tendunt ad oppidana rura. E-
turmis vnâ, obuij Barbari malè tractabant. Nō
longè aberant socij, audito strepitu, laborantibus
socijs opem ferunt. Alia ex parte prætor tormen-
ta in Bergantinos & scaphas locat: ad littus se ap-
plicat cum reliquis militibus, littus tutaturi, &
prohibitori descensum. Properanti cursu ad pu-
gnam parati, occurrunt Barbari: sagittis & iacu-
lis eminè nostros impetunt, feriunt imparatos.
Viginti circiter tormenta in hostes prætor exo-
nerat. Strage globorū & stridore, ac flammaram
eruptione perculsi, perturbantur palantes, crurū
tenus in aquas se proijciunt: & nostri hostes inse-
quuntur fugientes: vnâ cum perterritis oppidū
ingrediuntur: continuo cursu Barbari traijiūt,
oppidum & domos deserunt. Ad fluminis ripam
protentum dicunt esse oppidum, quantum non
ausim dicere: mille quingentorum passuum ait
Alaminus nauclerus, & domorū quinque ac vigin-
ti milliū: stringunt alij, ingens tamē fatentur &
celebre. Hortis interfecantur domus, quæ sunt
egregiè lapidibus & calce fabrefactæ, maxima in-
dustria & architectorum arte. Ad quarum sedes
habitabiles per decem & duodecim alicubi gra-
dus ascenditur, & spatijs interiectis secantur. Ne-
mini quidem licet vicini murum trabibus one-
rare. Sunt domus omnestrium domorum inter-
capedine separata, culmis tamē & paleis cooper-
ta maiori ex parte, lapideis laminis pleræq̃. Qua-
draginta hominū millia Barbari professi sunt eo
die

die pugnae interfuisse, victos tamen à paucis ob nouum pugnandi genus cum tormentis: & quia prætor in terram equites xvj. exposuerat, qui pugnae interfuerunt, à tergo Barbaros adorti, turmas findebant celeri cursu, non aliter quàm si greges ouium interficerent, perimendo, feriendo à dextris & à sinistris. Miraculo perculsi miseri hæsitabant, neque exercendi tela locus dabatur: idem animal arbitrabatur hominem equo annexum, vt de centauris nata est fabula. Duos & xx. dies sunt potiti oppido: laute sub tecto nostri, sub dio Barbari esuriētes degunt, neque sunt ausi nostros adoriri: munitiorem oppidi partem, velut arce tuti elegerunt, nocturnisq; freti custodijs, suspecti semper eruptionem timentes, somno vacabant. Potanchanum dicitur ab accolis oppidum: & à victoria ibi adepta, Victoriā nostri appellârunt. Mira etiam de atriorum ruralium ad delicias in prædijs ædificiorum magnificentia, magnitudine atque elegātia, cum solarijs impluijs & tabulatis egregijs more nostro: vt quatuor Hispani rurale quoddā ingressi, per horas quatuor in eo vagati fuerint, anteq̃ ipsius exitum ob magnitudinem comperire potuerint. Per interpretes tandem & captos in prælio, regulum & eius primarios accersunt, vt inermes & supplices veniāt: datur opera, pārent dicto, domus quisque suas repetit, pacem illis præstant lege proposita, vt ab horrentibus humanorum corporum ceremonijs erga manes & pñciosos dæmones, quorū simulacra venerantur, abstinerent, nostrosq; Deo Christo cæli terrarumq; satori, ex virgine mundo præstito, & ad humani generis leuamen crucifixo, dirigant mentis oculos, vtq; regi Hispaniæ se subditos fore profiteantur. Pollicetur vtrunq;

quan-

quantum breuitas temporis passa est, instruuntur: restitutos nostratibus muneribus contentos reddunt. E cælo missos arbitratur viros, qui adeo pauci numero, ausi sint contra ingentem multitudinem manum conferere: nostros & illi quibusdam aureis donis affecerunt, seruas etiam viginti donarunt. His ita relictis, alias eorundem littorum terras quæsituri, abeunt: sinum repetunt sub Grisalua repertum ab Alamino, cui nomen dedere Bian sancti Ioannis. Bian vocat Hispanus sinum. Pacatis animis veniunt accolæ. Ab littore oppidum erat distans milliare, domorum aiunt mille quingentarum, super tumulo erectum: ad oppidi hospitia inuitant nostros, dimidia oppidi partem offerunt, si perpetui velint esse habitatores secum: putant, vel Potanchanesium exemplo perterritos, ad quos iam fortè fama peruenerat, vel sub talium virorum vmbra sperasse in vicinos hostes fauorem & auxilium habituros. Perpetuis nanque mutuis se bellis conficiunt imperij cupiditate. Recusant æternam sedem, annunt tempore. Redeunt ad littus nostros sequitur populus, scenas illis & ramata mapalia summa cum diligentia erigunt, & tutissimis tegminibus à pluuia cooperiunt: castra ibi locant, nè marcescant focij. Prætor Alamino nauclero & Francisco Montegio dat negocium, vt illius terræ Occidentem vestigare intendant, fessos interim ipse recreaturus, & curaturus saucios. In Potanchano manet ergo prætor cum reliquis: Bergantinos præbet ituris duos, homines quinquaginta. Ad hunc vsque sinum lenis erat decursus aquarum: ubi paulò inferius ad Occidentem adnauigârunt, ac si ex montibus altis à torrente raperentur, ita impetus illos
æquo-

æquoris breui spatio ad quinquaginta à socijs
 transportauit milliaria. In aquarum concursum
 incidunt. A læua vasta maris planities sese osten-
 dit, quæ descendentibus ad Occidentē vndis ob-
 uiabat. Vtī duo ingentia flumina, quandō con-
 ueniunt ex aduerso, itā videbantur à meridie ve-
 nientes aquæ, tanquàm hostibus in ius alienum
 pedem inferentibus, primis possessoribus velle
 obsistere. Ex opposito terram viderunt longè, à
 læua & à dextra minimè: fluctuabāt inter eos cō-
 flictus, vorticibus agitabantur in diuersa, qui fe-
 rē illos deglutierant: sine spe vitæ diū hæsitârūt,
 flectunt proras, aduerso torrente vndē venerant,
 luctantur remis velisq; innixi, superare vix po-
 terant impetum: quandō secessisse putârunt ad
 minus passuum duo millia, vna nocte quatuor
 se fuisse retractos inuenerunt. Vicerunt tandē
 illud graue certamen Deo fauente. Duos & vi-
 ginti dies in eo paruo maris spatio consumpse-
 runt: ad socios tandē redeunt, rem aperiunt, fi-
 nem eum esse terram Colluacanæ, putatiq; con-
 tinentis adiudicârūt. Terram verò procūl visam
 à fronte, vel continenti nostro annexam, vel se-
 ptentrionalibus coniungi plagis ad Baccalaos, de
 quibus latè in decadibus. Restat adhuc res hæc in
 dubio, detegetur aliquando. Dum Alaminus &
 Franciscus Montegius hæc secreta inuestigarent
 à rege prouinciæ, qui Multoxumam dicitur, per
 vnum ex eius proceribus prædicto imperantem
 oppido, nomine Quintalbitor, multis preciosis
 mirisq; modis laboratis muneribus aureis, ar-
 genteisq; & lapillis ornatis nostri donantur. Sta-
 tuunt ad nouum Cæsarem nostrum mittere de
 colonia deducēda, gubernatore Dieco Velasquen
 inconsulto, qui eos cum mandatis miserat, vt
 pro-

prouincijs peragratis, & redempto auro, regre-
derentur. Consilium ineunt, in diuersa tendunt,
errorem fore proponunt aliqui: pars maior suf-
fragatur, nō esse de gubernatore curādum, quan-
doquidem res ad maius tribunal, ad regem scili-
cet, deduceretur: vicit populus. A benigno rege
commeatum capiunt. Ad millia indē duodecim
in gleba fortunatissima condēdæ coloniæ locum
assignant: generalem eligunt gubernatorē, præ-
torem ipsum Cortesium: non desunt qui putent
eo inuito. Is magistratus alios creat, ad conden-
dæ vrbs regimen, Portucarerium & Montegi-
um: de quibus satīs. Nuncios ad regem mitten-
dos eligunt, eodē Alamino nauclero duce. Qua-
tuor spōte sua primarij nostras visum terras ve-
niunt, regemq; adeo potentem, vt eius authori-
tas tam in infinitum protendatur. Ducuntur &
fœminæ duæ, quæ nostris more patrio pāreāt &
obsequantur. Suffusca gens est: auricularum to-
rulos vterque sexus perforat, gemmatisq; aure-
os perpēdiculos circumferunt. Sed viri, quicquid
est inter inferioris labij marginem extremum, &
dentium inferiorum radices, perturant: vtī nos
auro digitos gestando circumligamus. In eo labi-
orum foramine ampliori, lamina subtili retinen-
te interiūs prodeuntem, argenteum affigunt. Ca-
rolenum æquat eius monilis rotunditas, crassitu-
do digitum. Fœdius me vidisse nunquā recor-
dor. Putant tamen illi elegātius nihil esse sub or-
be lunæ. Quo exemplo, quā vanē ruat gens hu-
mana in suī cæcitatem, quāq; fallamur omnes,
edocemur. Existimat Aethiops nigrum colorem
candido pulchriorem: putat & candidus aliter:
detonsus capillato, barbatus imberbi se credit ef-
se spectabiliorem. Appetitu ergo vrgente, non
Z ratio-

ratione suadente, tendit gens humana ad ineptias huiusmodi, regiturque suo sensu quæque provincia, ut inquit diuus Hieronymus: Vana eligimus, à certis & commodis abhorremus. Vnde habeant aurum, satis dictum est: sed vnde argentum, nostri sunt admirati. Montes altos ostendunt, horum cacumina perpetuis canescunt niuibus, & paucis anni temporibus verticem ostendunt, ob nubium aut nebularum densitatem. Plana ergo vel mitia montana, aurum procreare videntur: asperi verò montes & gelidæ eorum valles, argentum. Aurichalcum etiam assequuntur. Secures bellicas nanque ac ligones fossorios apud hos inueniunt, ferrum aut chalybè minimè. Ad munera ergo regi allata deueniamus, & à libris ordiamur. Diximus libros habere gentes has: libros attulerunt vnà cum cæteris muneribus hi Coluacanæ noui coloni, procuratores, nuncij, multos. Scriptibilia sunt eorum folia ex interiore arborum tenui cortice, sub libro superiore creato. Rarum aiunt esse: uti videmus non in saliceo aut ulmeo, sed uti cernere fas est in palmularum esui aptarum, tela dura folia exteriora interfecante: veluti retia foraminibus & maculis angustis contexta, bitumine tenaci retiacula compingunt. Adaptatam hinc formam mollefacta conuertunt, & extendunt ad libitum, dureque facta liniunt gypso. Putandum est autem, eos aliqua gypso consanguinea materia tabellas vidisse. Credendum est, gypso in farinam cribrato superfultas, in quibus quicquid venit in mentem, scribi potest, dehinc spongia vel pânulo deleri, ut denuò reiteretur. Ex sicu tabellis fiunt libelli, quos magnarum domorum dispensatores per fora secum ferunt, styloque metallico merces emptas coaptant, delendas quâdò iam in

in computatorios codices traduxerint. Non foliatim libros concinnant, sed in longum distendunt, ad plures cubitos: materias in quadratas reducunt partes, non solutas, sed tenaci bitumine flexibili adeo coniunctas, ut ligneis compactæ tabellis, arguti librarij videantur manus subiisse. Quacumq; pateat liber apertus, duæ sese facies inscriptæ offerunt, duæ paginae apparent, totidem sub illis latent, nisi protendatur in longum. *Charactères formæ mirabilis.* Sub vno nanque folio multa cōiuncta folia consistunt. Sunt characteres à nostris valde dissimiles, taxillis, hamis, laqueis, limis, stellisq; ac formis eiusmodi, lineatim exarati nostro more, Aegyptias ferè formas æmulantur. Interlineatim hominum, animaliumq; species, regū præcipue ac procerum depingunt: quare credendum est, gesta esse ibi Maiorum cuiusque regis conscripta, quemadmodum nostra sit tempestate. Videmus sæpenumero eos generalibus historijs, fabulosis etiam codicibus, ipsius rei, quæ narratur, ad alliciendos emere cupientium animos, authorum figuras interferere. Arte quoq; grata superiores tabulas compingunt: nil differre à nostris clausi videntur. Legum quoq; & sacrificiorum, caeremoniarumq; ritus, astronomicasq; annotationes & cōputationes quasdam, seminandiq; rationes & tempora, libris commendant. Annum ab occasu heliaco Vergiliarum incipiunt, & mensibus claudunt lunaribus. Mensem autem à luna nominant Tona. Cum menses signare intendunt, Tonas inquirunt: lunam, eorum lingua tona dicunt. Dies autem à sole: vnde quot soles, tot dies. Eorum idiomate sol tonaticus dicitur: alicubi: tamen aliter. Sed nulla ratione moti, annum distribuunt in menses viginti, menses autem etiam diebus viginti

*Templorum
ornatus.*

*Sacrificiū
crudelē.*

ginti concludunt. Tempia quæ frequentant, aureis ornant aulæis, & supellecilibus gemmeis admixtis: die illucescente thurificāt templa, piasq; spargunt preces ante rerum initia. Horrendū facinus: in sacrificijs, & istorum tractuum habitatores omnes, pro victimis pueros puellasq; sacrificant, eo modo quo suprà dictum est. Quo tempore semina iacit in terrā, & quāddò iam spicātur segetes, populus seruos precio emptos, lautē depastos, & preciosis vestibus ornatos, suis Zemi- bus destinat sacrificandos: per dies viginti immolandos circunducunt, transeuntes per vicos oppidani suppliciter saluant, velut inter cælitē propediē annumerandos. Acri alia pietate Zemes venerantur: suum proprium sanguinem offerunt ē lingua, hic ē labijs, ille ex auribus, aliqui à pectore vel femore, aut cruribus: multī acutis nouaculis vulnerati emungunt sanguinem, quem manu receptum, roratim proiectum cælū versūs, per templi pauimenta conspergunt: itā placatos reddi deos arbitrantur. A villa Ricca, id est, noua colonia, distat milliaria nouē oppidum domorum quindecim millium, veteri incolarum nomine Cempoal, nouo Sibylla: regulum reperiūt clausos habentem immolādos seruos quinque: abductos regulus supplex repetit, inquit: Perniciem mihi regnoq; huic meo vniuerso adstruitis, si seruos immolandos mihi auferetis. Irati nostri Zemes fata omnia à gurgulionibus corrodi, vel grandinibus deturbari, aut siccitate consumi, vel torrentibus imbribus vastari permittent, cessantibus sacrificijs. Nē desperati desciscerent Cempoalani, minus malū elegerunt, in præsentia rati non esse tempus eis iniuris prohibere, quin veteres ritus exerceant: seruos

uos restituerunt. Licet illis sacerdotes gloriam æternam, & perpetuas delicias polliceantur, deorumq; familiaritatem post huius seculi procellosos dies: mæsti tamen hæc promissa auscultabāt, maluissentq; liberari. Sacerdotes Quines appellant: singulari numero Quin: cælibes viuūt & incorrupti. Cum timore reuerenti sacerdotes venerantur. Hostiū & in bello captorum ossa, carnibus exesis, in fasciculos ligata, ad Zemium pedes suspendunt, veluti victoriæ trophæa, victorum titulis superpositis. Notandum aliud referunt. Anniculos iam pueros puellasq; cum pijs cæremonijs, sacerdotes in templis, aqua in crucē cum vrceolo capiti superiniecta, baptizare videntur: verba non percipiunt, actus & murmura licet animaduertere. Neque illi, vt Mahumetici aut Iudæi, putant eorum templa violari, si alienigenæ legis quisquam eorum sacris intersit. De libris, templis, ac sacrorum ritibus, satis dictum putamus: ad alia regi allata munera deueniamus. Duas attulerūt molas, vt trusatiles, vnā auream, argenteam alteram, solidas, tenues tamen, circumferentia ferè pari, spithamarum octo & viginti. Ponderis castellanorum est aurea trium millium octingentorum. Diximus castellanū, esse monetam auream, quæ ducatum triente superat. Eius centrū occupat, veluti regis in throno sedentis, cubitalis imago dimidia, ad genu vsque vestita, genij similis, eo vultu quo nocturnos lemures pictores nostri pingere sunt soliti: campus ramis & floribus effigiatus. Eadem est argenteæ facies. Ferè idem pondus: vtrunque metallum purum. Aurea etiam grana rudia, nō conflata, in argumentum auri natiui, vt ciceres aut lentes attulerunt. Torques quoque aureos du-

os, quorum alter constat catenulis octo, quibus inserti sunt rubri lapilli, non pyropi tamen, duo & triginta supra ducentum: virides autem tres & octoginta supra centum, non smaragdi tamen. Eiusdem sunt existimationis illi, qua hi apud nostros nobiles. Ab eius torquis fimbria tintinnabula pendent aurea septem & viginti, figuris quatuor gemmeis auro ligatis intersecta. Dependent à singulis aurei perpendiculi. Torquis alter est quatuor catenularum aurearum, per gyros rubris ornatarum lapillis centum duobus, viridibus autem centum septuaginta duobus, sex & viginti aureorum tintinnabulorum eleganter comptorum. In ipsius torquis medio decem sunt insertæ magnæ gemmæ auro circumligatæ, à quibus centum perpendiculi suspensi egregiè laborati. Coriaceos cothurnos diuersorum colorum afferunt fortè duodecim, hos auro, argento illos, gemmis alios fultos, coloribus tum glaucis, tum viridibus: à singulis tintinnabula pendent aurea. Tiaras, mitras, varijs gemmis insutas, glaucis sapphiros æmulantibus refertas portant. De cristis, zonis, & flabellis plumeis, quid referre queam, non sentio. Si quid vnquàm honoris humana ingenia in huiusmodi artibus sunt adepta, principatum iure merito ista consequentur. Aurum gemmâsque non admiror quidem: qua industria, quo ve studio superet opus materiam, stupeo: mille figuras, & facies mille perspexi, quas scribere nequeo. Quid oculos hominum sua pulchritudine æquè possit allicere, meo iudicio, vidi nunquàm. Ignotarum nobis volucrum sunt pennæ lucidissimæ. Vt pauonum aut phasianorū caudas visas admirarentur, ita & nos illorum pennas

nas, quibus & flabella & cristas conficiunt, & elegantia ornant cuncta. Glaucos, virides, flavosq; ac rubros ac candidos, suffuscos etiā colores pen- nis inesse natiuos inspeximus: auro cūcta illa in- strumenta confingūt. Galeas attulēre duas, gem- mis glaucis coopertas: vnam tintinnabulis aure- is fimbriatam, & aureis pluribus laminis, duo- bus aureis calculis tintinnabula sustinentibus: al- tera gemmis eisdem, sed quinque ac viginti fim- briata est tintinnabulis aureis, cristata viridi vo- lucre conum occupante, cuius pedes, rostrum & oculi, aurea. Singula verò tintinnabula singu- li sustinent aurei calculi. Fuscinas quatuor tridentes pennatas varijs coloribus intextas, qua- rum dentes sunt gēmei, filis aureis colligati. Eo- dem ordine sceptrum ingens gemmatū cum duo- bus aureis tintinnabulis. Aureum etiam brachi- ale, calceos ex corio ceruino, aureo filo consu- tos, solea candida subiecta: ex lucido lapillo se- miglaucō, vnā & candido circūseptum auro spe- culum: sphingem, fortē lapidem diaphanum, auro circunligatum: magni lacerti caput, & co- chleas ingentes duas, anates aureas duas: & vari- arum volucrum species aureas. Quatuor & pi- fces cephalos aureos: & ex aurichalco virgam: pennis miris modis insuta omnia. Portārunt bel- licas peltas, & ancilia. Scuta quatuor & viginti aurea, & argentea quinque. Mitram plumis vari- js contextam, in cuius fronte media lamina in- sculpta est aurea, effigiata Zemi idolo. Figuram quatuor aliæ sepiunt in modū crucis aureæ lami- næ, variorū animalīū, leonum putā, tigrum, & luporum capita, virgis & tabellis formata anima- lia, ipsorum corijs superinsutis, aurichalceis tin- tinnabulis ornata, & diuersorum animalīū corijs

integra, & egregiè confecta. Lodices varias gossampinas, candido, nigro & flauo coloribus intextas, duas auro & gemmis dites, trèsq; alias pennis & gossampino intextas scacorū ludo: quod argumentum est, & scacorū fritillos habere eos in vsu. Aliam à fronte, nigro, candido, rubròque coloribus, intrinsecùs rasam sine varietate. Aliā eodem modo intextam, aliorum colorum, rota nigra medium tenente, radiata pennis lucentibus intermixtis. Candidas & alias lodices duas, peristromata, aulæa, & sagulum patrio more viri gestamen, & textas interiores, & capitis velamina varia tenuissima, & pleraq; alia pulchra visu magis quàm preciosa, quæ arbitrariam plurimorū lectorum ingenijs, quòd harum rerum cognitio parùm sit frugifera, tædiosa potiùs fore, quàm delectabilia narratu. Prætermitto & innumeras nauigantium particulas, de laboribus, egestate, & periculis, & de monstris, & aduersis multis, quibus interdum non absque vitæ discrimine exerciti fuerunt, quæ in suis annotationibus quisq; edisserit, in nostroq; regio rerum Indicarum senatu leguntur: ex varijs & multis eorum indicibus & priuatis literis hæc pauca collegi. Munerū tamen latores & Ferdinandus Cortesius, classis ipsius præfectus, & condendæ colonix nouæ in extremis terris author, à regio Indico senatu cōtra rectum iustumq; fecisse iudicantur, qui inconsulto Cubæ gubernatore, qui eos autoritate regia miserat, prouinciam susceperint ab eius mandato alienā, quiq; venerint, licet ad regem, se insalutato. Per procuratorē fugitiuos latrones, & lesē maiestatis reos Cubæ gubernator appellat, ac in ius vocat. Illi autem se maius multo pstitisse regi obsequium, venisseq; ad maius tribunal, argu-

guunt. Petit, capite puniantur, gubernator. Petūt magistratus isti, & sumptorū tot laborum & periculorum præmium. Præmium & multa differ- tur: vt pars vtraque audiatur, statutum & sanc- tum est. Iam ad Darienenses Vrabæ sinūs in pu- tato cōtinenti habitatores veniamus. Darienem diximus esse fluuium, in occidentale Vrabæ sinūs cadentem latus. In huius ripa Hispani coloniam, regulo Cemaco vi armorum pulso, posuerunt. Colonix nomen, ex voto pugnx tēpore promif- so, dixēre, Sancta Maria Antiqua. Ad hos diximus in calce decadum fuisse missos eo anno quo scri- bere desijmus, duce Petro Aria Abulenti, viros mille ducentos, id petente Vāscho Nunnez Bal- boa, qui primus australe pelagus latēs adhuc de- texerat, & Darienensibus præerat. Appulso ad Da- rienem Petro Aria gubernatore cum ampla regia potestate, diximus fuisse destinatos per diuersa, cum varijs peditū turmis, diuersos centuriones. Breuibz absoluiam, quia horrida omnia, suauia nulla. Ex quo nostræ decades desierunt, nil aliud actum est, nisi perimere ac perimi, trucidare ac trucidari. Ad voluntatē creauerat rex Vāschum: nequiuit diū ferre Petri Arię imperium: disside- runt animis: cōfuderunt omnia: intercessit tem- pus, Ioannes Caicedus Frāciscanæ religionis pul- pitarius Vāscho promisit filiam in vxorem Petri Arię. Ars inter rerum duces, qua conueniant, nul- la reperitur. Dissident multo acrius, & res ad ta- lem casum deducta est, vt occasionem nactus in Vāschum Petrus Arias, processu per prætores vr- banos formato, iugulari Vāschum mandauerit, & vnā primarios quinque alios: inquiēs Vāschum sociosq; defectioni studuisse in mari australi, vbi classiculam nauigiorum quatuor Vāschus ipse

Z 5

con-

*Post ex-
haustos
tot ac tan-
tos labor-
es Vas-
chus mor-
te multatus
est.*

construxerat, ad australia putati continentis lit-
tora inuestiganda: dixisse Vashum commilito-
nibus trecentis, quos secum habebat: En quid vi-
ri tot laborum & periculorum mecum partici-
pes, alieno semper subiecti imperio erimus? Quis
terre possit iam huius gubernatoris insolentiam?
littora hæc sequamur, quò sors dederit, & inter
tot elysias prouincias tam vastę telluris vnam eli-
gamus, in qua nobis ipsis, quod vitę superest, li-
beri iam tandèm viuere possimus. Quis homi-
num nos reperire poterit, aut repertis vim in-
ferre? Res ad gubernatorem delata est. Vashum
ab austro accersit Petrus Arias: paret dicto Va-
schus: in catenas conijcitur: negat Vashus tale
consilium cogitasse: testes quæruntur malefa-
ctorum, quæ patrauerat: ab initio dicta colligun-
tur: morte dignus censetur, perimitur. Ità labo-
ribus & periculis, quæ subiuit innumera miser
Vashus, quandò maiores se titulos adepturum
sperabat, finem imposuit. Classiculam Petrus
Arias ipse, vxore in Dariene relicta, conscendit,
scrutaturus littora: nondùm, an redierit, intelli-
gimus: neque ipsi deest fortuna. Iam alius est de-
signatus gubernator, dictus Lupus Sosa, ex For-
tunatis insulis, vbi extitit prorex, reuocatus ab
Dariene. quid stomachi sit habiturus, si redierit
Petrus Arias, boni iudicent: nil vnquàm gloria
dignum sub eo actum est: nimium remissum ab
initio fuisse, hinc arguitur: illinc autem nimis
indulgentem, & parum seuerum in corrigendis
erroribus. De hoc satis. Omissa quædam re-
petamus de flumine ingenti Dabaiba profun-
dissimo, quem nostri ob latitudinē ac magnitu-
dinē eius immensam, Grandē vocitârunt: qui la-
bitur in vltimū Vrabæ finis angulū, per portas
(vñ

(vti Nilus in Aegyptium mare) septē. Cuius copiosam descriptionem reperies in decadibus nostris. Quod eius mōtana sint auro ditissima, ex accolarum, quos super ijs rebus accuratē interrogauimus, relatu dixi. Dabaibæ arcana scrutaturi Valschus & prætores alij, compositis agminibus aduerso flumine cum nauibus diuersarū specierum, quater conscenderunt: quadraginta millia passuū primò, mox quinquaginta, demum octuaginta, ex transuerso aliās. O ingens facinus, ô nostram detestandam ignauiam: gens nuda vestitā, inermis armatā in omni ferē cōflictu profligauit semper, trucidauit ad vnum, aliquandō vulneribus confecit omnes. Sagittis bella gerentes venenatis, hostem laceissentem impetunt: & quā visu hostium carnes assequuntur detectas, ictum figūt certissimum. Habent & iacula, quæ pugnae tempore tam crebra iaculantur eminūs, vt more nubis solem hostibus eripiant. Habent & ligneos durefactos enses latos, quibus cominūs certant ferociter, si ad manus deueniatur: & Valschum ipsum multis vulneribus confecerunt aliquandō. Itā flumen Dabaiba propulsantium accolarum rabie inexploratum relinquitur. Restat, vt de Hispaniola, reliquarum insularum genitrice ac ceu primaria earum, de quibus narrare instituimus, pauca dicamus. Resarcitus est in ea Senatus: quinque sunt additi iudices, qui vniuersis illis tractibus leges præbeant. Sed propediēm in ea colligere aurum, licet sit auro prægnans, desinent, quia fossiores deerunt: ad exiguum miseri accollæ redacti sunt numerum, quorum opera auro legendo vti sunt. Absumpti sunt ab initio bellis acribus, fame multò plures: quo anno radicem, qua panem nobiliū conficiebant, eruērunt,

eruērunt, & à maizio grano seminando pane populari abstinerunt: reliquos varij morbi, ignoti haftenus, anno millesimo quingentesimo decimo octauo, qui tanquàm morbosas pecudes contagioso halitu eos inuaserant, & vnà, nè mentiamur, auri cupiditas: in quo effodiendo, cribrando ac legendo miseros post iacta semina, ociosis ludis ac tripudijs, & piscationi, aut parui cuniculi venationi assuetos, inhumanè nimis exagitauerunt. Iam per regium vniuersum Senatum sanctum est, vt liberi reducantur in populos, & agriculturae generationi què indulgeant. Serui autem & aliundè empti, ad id aurifodinarum opificium trahantur. De auri mortifera fame satis dictum. Auditum est mirandum, quantùm in hac insula coalescant omnia. Octo & viginti in ea sunt torcularia erecta, quibus magna saccari copia extorqueatur. Saccareas aiunt cannas altiores crassiores què in hac insula creari quàm alibi vsquàm reperiantur: ad crassitudinè lacertalè, aiunt, & virilis stature ac semis altitudinè nutriri: & quod maius, Valentia Hispanæ, vbi ingens saccari copia quotannis elicitur, vbicunquè saccareis cannis inuigilatur, quinque vel sex, aut quandò copiosius, septè phialas cannas quæque radix parturit: in Hispaniola viginti aut triginta interdum. Quadrupedum est in ea copia immensa. Auri rabida sitis à cultura Hispanos haftenus diuertit. Triticum augetur in immensum, vt centesimum aliquandò reddidisse dicatur: vbi cura sit, in collibus aut montanis iugis, ad boream præcipuè versis, tritico ferendo intendere. Coalescunt & vites in eisdè partibus. De arboribus verò cassiam fistulam gignentibus, ex insulis putato continenti vicinis absportatis, (de quibus mentionem fecimus in deca-

decadum libellis) quid dicemus? Tanta est iam copia, vt post paucos annos libram simus vnciae loco à pharmacopolis habituri. De syluis coccineis, deq; reliquis huius beatæ insulæ prærogatiuis, & naturæ in illam porrecta beneficentia, iatis multa in decadibus. Placuit tamen pleraq; repetere, quia à grandium negotiorum mole arbitror ad huiuscemodi rerum recordationem multorum lectorum ingenia diuertisse: nec labia detorquent, quæ sunt sapida, modò materia preciosa preciosis vestibus induatur.

FINIS.

SANCTISSIMO LEO-
NI DECIMO PONTIFICI
MAXIMO, PETRVS MART. S.



QVANDO QUIDEM beatissime Pater, è nostri orbis noui ternione partes sibi duas tua Sanctitas vendicauit, Ioanne Rufo Foroliuiensi Archiepiscopo Cösentino, & Galeatio Butrigario, tua sacra sedis apostolica legatis, ac Ioanne Cursio Florentino, suæ illustris Reipub. oratore, vt ea colligerẽ, tua Sanctitatis nomine, poscentibus: Accipiat vnà Legationem hanc meam Babylonicam, paululum reformatam ab ea, quæ inepto charactere, me inconsulto, cum prima decade impressa vagabatur. Quò intelligat, vtrum mihi creditum à peregrè proficiscente Domino vitale talentum, in nostra religione suffoderim, an exercuerim: & an
ego

ego de tui gregis ouibus vna, virentia tua prata depastus
impunè fuerim. Huius legationis epistolares archetypos
liuratos proieceram in angulum, tanquàm rem nudè
compactam, de ipsius editione nil penitus curans. Quia
nihil ex his quæ domi aliquandò cuderim, sine rubore ac
metu emisi vnquàm: quoniam quid ex mea officina pro-
dire queat, apertè cognosco. Multò enim magis occipi-
talem eruditorum castigationem timeo, & inuidorum
tela perhorresco, quàm amicorum applausibus erigar,
aut vlla commendatione ob sumptos labores exhilarari
animum sentiam. Dormitabat igitur iacebatq; in tene-
bris derelicta mea hac à Gadibus ad Nilū vsq; peragra-
tio, quandò Hispaniarum & Cardinalis & primas To-
letanus archiepiscopus, noster hic patronus, Franciscus
Ximenez inpresentiarum Castellæ regnorum modera-
tor, Carolo rege catholico absente, vt è latebris illā edu-
cerem, efflagitauit. Prodiit eius nomine. En illam secun-
dò chalcographorum pralis suppositam, venustioribus
tamen characteribus fucatam, magisq; verè quàm ele-
ganter scriptam. Quæ si tam sereno vultu suscipietur,
quàm nostri agelli primitiæ anno superiore, de Orbe No-
uo, ad te, qui vicarius Dei vices in terris geris, missa, cui
rerum omnium decimæ primitiæq; debentur, susceptæ
fuerunt, obtusum ac torpens ingenium meum excitabi-
tur, & multa quæ de Orbe Novo restant, literis mau-
dabit. Vale Pater beatissime, ante cuius sacros pedes
animo, si nequeo corpore, prostratus, opto dicòque feli-
citatem.

Petrus Martyr Mediolanen.

PETRI

PETRI MAR-

TYRIS MEDIOLANEN.

FERNANDO ET ELISABETH RE.

GIBVS, QVI EVM AD VENETOS

& Soldanum, oratorem miserant,

legationis Babylonicæ

LIBER PRIMVS.

REGIO à conspectu vestro, catholici principes, cum destinatus orator ad Venetos, deinde ad Soldanum Babylonicū, discessui me accingerem, ut quæ memoratu digna se se offerrent, quæ ve mihi acciderent, ut Latine retscribere, imperâstis. Quamobrēm vestri imperij memor, breuibus epistolis tribus ex itinere quædam ex ijs, quæ mihi occurrebant, vobis significauī. Nunc verò cum in hac vrbe Alexandria sim dies aliquot ociosus moraturus, ob galeaceas, quæ me aduexerunt, barbarorum cauillationibus implicitas, nullumq̃ sperem aliud posse mihi nauigiū offerri, quo me credere tutò prius queam: fuit consilium, nolle tēpus incassum tere. Præterea cum existimē accidere posse in natura, ut magnorum aliquandò regum, velut priuatorum negocia vel intercipientur, vel tempestatibus includātur, est animus scribēdis ea commiscere, quæ hastenū exarauī. Sic igitur exordiri inten-

intendo. Si memores estis, catholici principes, ex vrbe Granata, quam de Barbarorum Mahometheorum potestate bello nupèr eripuiſtis, Idibus Auguſti, anni à ſalute noſtra primi & quingenteſimi ſupra milleſimum, ad hoc munus oratoriũ mihi demandatum à vobis dimiſſus ſum. Cũ abire iam pararem, Dominicus Piſanus, qui apud vos ſuam Rempub. Venetam orator refert, vt properarem, vehementi monitu perſuaſit. Solere ſæpiũs ad Orientis oras his temporibus Venetarum galeacearum claſſem, genus nauium à piratarum incurſibus & tempeſtatum ac procellarum rabie tutiſſimum, traicere, inquiens. Huius ergò verbis impuſus, longis itineribus Hiſpaniã vtranq; Galliam vniuerſam, quæ Herculeo mari adiacet, Italiãq; totam à Liguſtico ad Adriaticũ ſinum percurri: ſed per loca inuia, per montium anfractus, per deſerta ſylvarum proficiſcens, ſub dio, ad euitandum peſtis horrendæ periculũ, quæ Laletanas ac Narbonenſes vrbes & oppida miſeranda contagione vaſtabat, ſæpè comedēs & quieſcens. Nec liber tamen ab ea cæli intemperie penitũs euafi. Tres enim ex antiquis meis familiaribus peſtifera feбри correptos à tergo mœſtus reliqui. Venetias tandèm pridie calendas Octobris circiter noctẽ intempeſtam peruēni. Poſtero die Veneti Senatores de aduentu meo certiores effecti, nobiles, qui me ad ſe comitētur, mittunt. Per nũcios enim illis, veſtro catholico nomine quẽdam me relaturum, ſignificaueram. Adiui, veſtro nomine ſalutauĩ, imperata retuli. Quibus auditis, delectatione affecti ſunt ſumma. Sed tunc precipuè, cũ qualis ſit erga eos futurus veſter animus aperui, ſi quid in ipſos quiſquã moliretur, aut ſi noui aliquid, de quo ſuſpicabantur, emergeret.

geret. Colloquijs vtrinquè iam peractis, regias vestras porrexì literas, quibus ipsos, vt de me vltèriùs ad magnum Soldanum Babylonicum processuro curam gererent, hortabamini, & summa cum diligentia dirigerent, rogabatis: gratissimū vobis facturos innuentes. Literis libenter perlectis, responderunt, se per celeres tabellarios ab oratore suo qui isthica asidet, Dominico Pisano, de mea ad Soldanum profectiōe præsciuisse. Indè vt animo sim alacri, suadent. Iter mihi tutissimum successurum prædicant. Moxq; de primarijs & senioribus vnus, his me verbis allocutus est: Ab huius nostræ vr̃bis initio, quæ, vt̃i vides, aquis vndiquè circumuallata, & intra marinos fluctus fundata, nullius rei per se copiam tenet: ità semper fuimus instituti, vt ciuium nostrorū pars maior, maritimis commercijs intenta, exterarum regionum, quacunque iter patèret, prouentus ad nos deportare curarent: cæteris, quibus vel senio cōfectis vires desunt, vel rerum experientia aut doctrina pollentibus prudentia inest, regendæ vr̃bis onus incumbit. Quarè longa nobis annorum curricula hoc genus naviū, quas nos Galeaceas appellamus, aptius, commodius, tutiusq; esse reliquis nauigijs, ostenderunt. Quibus, quicquid nobis est fortunarū, quorquor ve nobiles nostra hæc vr̃bs procreat, nos posse tutò credere arbitramur. Opportunè igitur & fausto fidere aduenisti. Nouè enim scito galeaceas commercij causa, quatuor Berytum Damasci Syriæ portum, Alexandriam autem Aegyptiam quinque, destinatas. Ex his octo dudum vela in altum dedisse, vnamq; tantummodò esse in portu tibi significamus, quæ ad colligendas aliarum sarcinulas poltergatas permansit: nihilq; aliud iam,

*Instituta
Venetorum.*

*Tuta galeacearū
nauigatio.*

Aa præter

præter aduentum tuum & secundos ventos, operitur. Reliquas octo galeaceas in Polæ vr̄bis nostræ portu in Illyrico assequêris: in quem lignandi & aquâdi gratia sese, ex veteri nostra consuetudine, recipiunt, altum ve capturæ conueniunt. Propterea te, quantocyûs poteris, accingito, nè, si fortè venti consurgant optati, diutiùs morentur. Ingruit enim iam hyems, & durû est posthàc credere se ventis: propter varias quæ ex insperato, in hoc præcipuè vadoso nostro sinu, exoriuntur tempestates. Huic ego, quacunque me hora nautæ vocauerint, præstò fore, respondi. His itaque peractis, eius galeaceæ, quæ adhuc stabat in ancoris, Præfectum Senatus ad se iubet accersiri: meq; illi summoperè commendat: utq; honorificè & commodè tractet, imperat. Domû igitur lætus reuertor: & interea loci dum per familiares meos lecti, cæteraq; ad eam nauigationē necessaria comparantur: hunc diem, qui Calendarum Octobris est, cū salutationibus eorum qui mihi in Hispania oratores noti erant, intentus, tum perquirèdo aut exarando, cōsumpsi. Ex ijs qui ad me veteres amici salutandi gratia venerunt, cū Venetos Senatores ad principē eligendum in prætorio conclusos repererim, quo ordine is deligatur, percontatus sum. Cū primū dux eorum hominem exiit, comitia, ad quæ nobiles omnes ab anno trigesimo conueniunt, per præcones conuocantur. Neque enim de populo inter eos ad imperij habenas quisquam admittitur. Nobiles autem, circiter quingentorum supra mille numerum attingūt. His aggregatis, de argentati globuli intra pyxidem clausi, numero totidem, quot ipsi adstant, afferuntur: quibus triginta tantū deaurati cōmiscentur. Ità velut agmi-

Ordo eligendi principem Venetum.

agmine benè composito pro cuiusque ætate (homo enim inter ipsos veterum Romanorum more senibus exhibetur) ad pyxidem procedunt, manuq; propria singulos globulos latètes ex obscuro singuli extrahunt. Qui in deauratos fortè incidunt, in prætorio permanent: cæteri dimittuntur. Triginta verò hi, nouem inter se, per suamet suffragia sortiuntur: reliqui abeunt. Nouem his ità electis, de quibuscunque nobilibus absentibus vel præsentibus quadraginta, per sua suffragia liberum est præponere. Ab his quadraginta, duodecim iterùm de suomet numero deliguntur. Quibus duodecim, cæteris domum redeuntibus, alios extra se quinque & viginti nominandi potestas præbetur. Hi quinque & viginti, de seipsis nouem iterùm per suffragia deligunt. Extra suum collegium hi nouem iterùm quinque & quadraginta, quoscunque libet, sortiuntur. Ex horum turba iterùm vndecim, qui cæteris discedentibus, alios vnum & quadraginta deligunt. Hi vnus & quadraginta iam tandèm, vndecim electoribus suis domum dimissis, in prætorio permanentes, post tanta ac tam varia scrutinia, de nouè sancti Marci procuratoribus eum, quem, iureiurando adhibito, ad Reipub. gubernaculum aptiorem fore crediderint, ducem sibi retinent, qui in suffragiorum vnus & quadraginta benigna cessione, quinque & viginti ad se directa suffragia habere comperietur. Ducis autè Venetorum ità electi potestas paulò maior est, mea sententia, quàm eius qui apud Romanos princeps Senatûs appellabatur. Neque enim is habet, sine decemuiratûs, qui ipsi semper assidet in rebus pertractandis, consilio, non modò vitæ aut necis, sed neque in re vlla solus aliquam potestatem.

Ducis Venetorum potestas.

Aa 2

Monetæ

Monetæ tamen huius charactere signatæ cudi-
 tur: ipsiusq; nomine literæ conscribuntur. Non
 deerunt hoc loco, arbitror, catholici reges, si ad
 aliquorum manus hæ nostræ literæ peruenerint,
 qui subsannare, & meæ huic, eorum iudicio, in-
 utili curæ detrahare præsumant, qui ad tantos ac
 tantis regnorum ponderibus pressos reges minu-
 ta quædam, & inculta oratione, ociosus enarrem.
 His ratio ipsa, catholici principes, aperta fronte
 respondebit: prudentum sibi ac sapientum no-
 mina solos eos reges peperisse, qui multarum re-
 rum scientiam continua & studiosa inquisitione
 indagârunt. Nec magnis principibus semper res
 celebres datur pertractare. Nec sola ea sunt ma-
 gna, à quibus dulce aut vtile, quæ duo vitâ ver-
 sant humanam, decerpantur: à paruis etiam ar-
 bustis fructus interdum non inutiles, & ab incultis
 rubetis odoratæ rosæ colliguntur. Propterea
 cum sitis mihi, sanctissimi duo cōsortes, non pe-
 nitius ignoti: cum à clarissimè gestis prudētia vos
 viuentes omnes antecellere sit compertissimum,
 fuit consilium hebetare aures, & quacunque vo-
 bis satisfactum iri credidero, calamum dirigere.
 Redeundum igitur est ad primum institutū. Ab
 iisdem qui apud me eo die versati sunt, quod ge-
 nus galeacea nauigij sit, adeo, vt ipsi prædicāt, tu-
 rum, quibus authoribus cōficiatur, quo ve mo-
 do regatur, sciscitatus sum. Genus aiunt esse tri-
 remium: nec alio à triremibus fabricari discrimi-
 mine, quàm magnitudine. Impēsa verò & ærario
 cōmuni ab eorummet fabris nauticis, quos habēt
 & enutriunt cōtinua exercitatione in suis nauali-
 bus innumeros, construuntur. Venetorum naua-
 lia, principes serenissimi, pulcherrimū est vide-
 re. Urbem munitissimam, velut à propinquis
 hosti-

hostibus mirificè custoditam, se ingressum arbitratitur, qui intra eorū naualia admittetur. Mœnibus enim turritis circūsepta, præsidijs & excubijs perpetuis custodiuntur: nè quis maleuolus igni supposito, vt aliquandò euenit, introëat. Ibì fabrilia omnia fiunt. Ibì malleorum strepitus vix ferre potest quisquam, cùm inter fabrorum ferrariorum officinas iter fit. Alij ancoras diducūt, alij enses, hastarum cuspides, & gladiatorum omne genus formant: alij ballistas constant & scorpiones: alij clauos, secures, ligones, & cætera quæ ex ferro fabrefieri solēt, instrumēta cudunt. Ibì etiā fœminarū nentium texētiumq; ac omne amplustre parantium multitudo ingens degit. Ibì molæ versatiles, quibus tormentarius cōficitur ac teritur puluis. Nunquàm quiescunt. Deportatas huc fabulosas Vulcanias insulas vestræ Siciliae suburbanas, cum suis Vulcano & Cyclopibus, me perambulare quasi existimabā. In his demū naualibus omnia quæ ad nauigationē, terrestrēq; bellū attinēt, cōficiuntur. Galeaceis igitur cōpactis atque etiam instructis, per præconē in compitis ac triuijs omnibus, certam galeacearum copiam ad Alexandrinam aut aliam expeditionē esse paratā, edicitur. Diuersarū enim mercium cōparandarū gratia, ad oēs has regiones Veneti quotānis quendam galeacearum numerū mittere consueuerūt. Ad Tanaim scilicet in Scythiam aliquas: alias Berytum Damasci portum in Syriam: Alexādriam Aegypti emporium alias: ad Africana littora plerasq; quasdam in Hispaniam, in Angliam Britanniam maiorem: & ad glacialis oceani incolas etiā nōnullas mittunt: Byzantium quoq; Constantinopolim in Thraciam, priusquā Turcarū bellis vrgerentur, vndē tapetum ingentem copiam

*Quāti cas
pax sit ga
leacea.*

referebant. Audito igitur sui principis & Senatūs per præconem edicto, nobiles hisce negociationibus exercitati, in prætoriū conueniunt. Ibiq; proposita ad auctiōem galeacearum locatione, singulas singuli conducunt. Facta dehinc pro ipsorum veteribus decretis diligenti inquisitione, an cuiusq; galeaceæ cōductor, idoneus sit: cū omni, vt itā dixerim, supellectili amplustriq; recēti, ad nauigandumq; paratissimas conductoribus suis nobilibus galeaceas obsignāt. Popularium nanq; galeaceam conducere nemini licet. Harumq; conductores, patronos appellant: & à patroni cōductoris cognomine, nomen sibi quæq; galeacea in posterum retinet. Galeacearū quamlibet, cuparum quingentarum sub tegmine: in detecto autem, totidem pondus deportare, inquiunt. Cupas verò singulas, ponderis mille librarum computant. Et quoniam longè secūs, atque onerariæ naues aut alia quæuis nauigia, gubernantur: non erit absurdum, quonam modo illas regāt, recensere. Galeacearum quælibet, ducentorum ferè hominum ministerio, stipendio cōductorum, indigere videtur. Ad remorū ac velorum administrationē, centū quinquaginta addicuntur: tot enim remos quælibet ipsarum (quanuis ob nauigij magnitudinē remis parū vtantur) affert. Nam solo tempore malaciarum, vt proximum aliquē portum ingrediantur & exeant, aut vt se in aliquam partem mutant & cōuoluant, remis agitur: quos habēt in quolibet transtro ternos: propterea triremes meritō appellabuntur. Hi centū quinquaginta, à remis remiges dicuntur. His digniores duodecim iuuenes agilimi assignantur: qui haud secūs, vbi opus est, per malos ac rudentes & antennarum cornua ascendūt, descenduntq; etiam rugi-


rugiente tempestate, ac si essent Tabrachæq; simiæ,
aut petauri leues: hi gagliardi, id est, viribus pol-
lentes, appellantur. Quorum humeris siue indu-
striæ & labori in fremitu tempestatû, siue in cer-
tamine nautico, si quid occurrat, totum onus in-
cumbit: & veluti decuriones, alios nautas regûnt.
Sunt præterea duo directarij: quorum consilio,
duodecim gagliardis comitibus, cura est vicif-
sim, quacumq; puppis vertenda sit, temonē rege-
re. Est & his superior gubernator generalis: cui
alius addicitur consiliarius. Omnibus autem pa-
tronus ipse galeaceæ conductor imperat. Insunt
etiam omnium artium ad rem maritimam neces-
sariarum opifices delectissimi, è publicis nauali-
bus educti, in eis à teneris educati, cum suis quis-
que ministris & fabrilibus instrumentis: vtputà
lignarij, ferrarij, stipatores, ballistarij, arcuarij,
tormētarij, & reliqui id genus. Sûnt & coci cōplu-
res, dispensatores, mensarij ministri: quatuorq;
portæ custodes vocati: qui sub vnius tabellionis
imperio, cui merces omnes assignantur, curâ ge-
runt èruendarû imponendarumq; merciû: ne ve-
quis sub tegmen per portâ, nisi sit benè notus, in-
grediatur: quoniam ibi omnia preciosa inclu-
duntur. Sed cæteris omiſſis, operæ precium est,
nouum illud institutum, ab eorum Maioribus à
prima vr̄bis origine inuentum, legeq; sancitum,
& religiosissimè apud eos ad hæc vsque tempora
seruatum, cognoscere. Vt labentibus paupertate
nobilibus consuleretur, lege cautum est, vt ga-
leaceæ cuiusque patronus octo nobilium paupe-
rum filios, ad quamcunque partem proficiscan-
tur, cum segtuaginta nummorum aureorum
stipendio, secum ducat: illisq; victui necessaria,
qualia nobiles habere decet, impartiantur: simul

*Afflictorū
nobilium
remediū.*

vt aromatum libras quater mille, sine nauli vilius solutione, & gratuito importare singulis permittat. Ità & aliena impensa hoc tempore viuunt: & multi qui egestate oppressi torpescerent, exerciti pedetentim, nì sint ignaui penitus & inertes, emergunt. Cuiq; tamen ipsorum intra galeaceam suæ stationes, ad quas tutandas vnà cum duodecim comitibus concurrant, si qua vis hostilis ingruat, obsignantur. Sed per Senatûs suffragia hi nobiles de multis pauperibus supplicantibus deliguntur. Galeacearum ex Aegypto præcipuè vel Syria redeuntium, ducentorum interdum millium ducatorum summam singulæ reportare creduntur. Indè nanq; gemmarum, aromatum, Arabicorum odorum referunt omne genus, & quicquid lasciuiæ huiusmodi est in natura ad effœmiandos homines: simul & medicamentorum copiam ingentem per totam Europam disseminandorum. Ex quarum rerum portuarijs & vectigalibus publicum ditatur ærarium, & eorû respublica per ciuium commercia indiès magis augeatur. Ad Syros autem & Aegyptios, vndè ista sibi, ocioforum & lautorum opinione, preciosa conquirunt, argenti & æris maxima ipsi pondera important: quæ ex vtraque Pannonia & Germania, aromatum, lapillorum, ac medicamētorum permutatione, exhauriunt. De galeaceis iam satis: de quibus, cùm essent mihi inter fluctus & tēpestates futuræ per vetita tempora domus, examussum me vestigare oportuit. Scio minuta quæque vos semper voluissē intelligere: hac via vobis satisfactū iri puto: de cæteris nihil mihi curæ. Quonā verò modo suæ in ciuitatis gubernatu sese habeāt Veneti, instituta Romanorū interdum imitantes, in plerisq; fugiētes, nè per licentiam suorū
ciuium

ciuium animi insolescant, dignum esset memoratu. Sed quoniam temporis breuitas pauca mihi de hisce rebus cognoscere permisit, in aliud narrationem hanc differre satius esse duxi. Operæ precium autem est & ferè miraculosum, quantum præterlabendo à fronte tantum ista conspexerim, domorum adeò nouas structuras intra aquas, vias nauigabiles, cymbarum traducentium multitudinem, ornatum & commoditatem, cernere: plateas in mari multas & ingentes miro labore impensaquæ lateribus cõstratas intueri: templa magnificētissima innumera, ditia, in modum arcium erecta atque oculos caligantia, circumspicere. Equidem sub sole visu mirabilius, hominum industria compactum, stare nihil existimo. Nec plura his, quia monebar vt sole primū exoriente præstò essem, licuit vestigare. Sexto igitur Nonarum Octobris die mare ascensurus, ex his quædam ad vestras maiestates, nocte Calendarum vrgente, ab vrbe Venetiarum retroscripsi.

PETRI MARTYRIS
MEDIOLANEN. LEGATIONIS
Babylonicæ liber secundus.



VALE mihi, catholici rex & regina, à vobis proficiscenti ex vrbe Granata iter acciderit, superuacaneum esset velle repetere. Scripsi enim ad vos quæcunquæ ad eam usquæ horam, qua Venetijs discedere parabam, occurrerunt. Nunc cum Alexandriam Aegyptiam ingressus, Soldanicum cogar mandatum expectare, sitquæ velox quoddam Venetum

Aa 5

naui-

naugium in Europam Venetias propediem rediturum, imperij vestri memor, calamū sumpsi. Sexto Nonas Octobris, vti iam significavi, Polā Illyrici maris urbem, in cuius portu galeaceæ reliquæ nostram opperiebantur, petiturus, mare conscendi. Polam, vix centum millia passuum distantem, ante diem sextum Iduum ipsius Octobris præhendere, propter aduersantes vêtos, minimè potuimus. Ibiq; vnà cum cæteris omnibus qui nos expectauerant, flantibus ex aduerso nunc euris, nunc austris furentibus, interdum etiam propter malacias, continuos egimus cum ingenti molestia septem dies ociosi. Quo tempore, à duobus theatris antiquis & vetustarum rerum plurium epitaphijs illustratarum vestigijs, nobilem fuisse urbem Polam cognoui. Quapropter cùm in mentem venisset, splendidissimam vestram curiam iuuenibus ingenio pollētibus, & antiquitatum studiosis, esse omni tempore ornatam, non absolum mihi visum fuit, ex epitaphijs aliqua colligere: quorum pleraque vetustate collapsa, alia fragmētata iam sunt. De manibus etiam Polensium quædam extorfi, aliqua & prætermisi. Est de Polæ vrbis huius portis vna, quæ Ratta dicitur, vbi triumphalis extat arcus, qui hoc epitaphio inscriptus est:

Saluia Posthumia Sergi. de Sua Pecunia.

Eodem in loco.

C. Sergius, C. F. AED. ij. Vir. Quinq. L. Sergius L. F. Lepidus. AED. TR. MIL. LEG. XXXX.

Eodem in loco.

Saluia Posthumia Sergi.

Post altare S. Matthæi extra mœnia Polæ.

SEX. Palpelio, P. F. Vel Histro. LEG. TI.
Claudij

Claudij CAES. Aug. PROcon.

Alio in loco.

Pr. Tr. PL. x. Vir. S. T. T. L. Iu. Dic. Tr.
mil. LEG. xiiij. Germaniæ Comiti. TI. CAES.

Augu. Dato Diuo. A Aug.

Alio in loco.

C. Prerius Felix Neapolitanus, Beneficij.

Apud Ecclesiam S. Germani.

I. O. M.

C. Iulius Chrysogonus Ex Voto Fecit.

In sacello Octauiani Augusti.

Romæ, & Aug. CAES. INui. F. PAT. PAT.

Aenigma in quodam tumulo.

Pater Cum Filia, Frater & Soror, Socer & Nu-
rus. Hic Tantum Duo Iacent.

In quodam sepulcro.

Sergia FLA. Lufiana, Mihi & Q. Fla. Lufiano,
Dulciff. Nepoti Ex Filio Coniugis. Q. Meo
FR Atri. AM Antiff. Fui INTEgra, Monumen-
tum Constitui.

Eodem in loco.

Euticus, & Enoria Nata, H. Sedem S. V. P.

D. M.

A. Actius CA. Archiater, S. ET Iulix P. Con-
iugi Incomparabili, V. S. P.

Ibidem.

TOciæ Nisidius Capito, Maritus Parui Téporis.

Ad sanctum Ioannem.

Marco Lurio Hialisso Patrono, & Lurix LIB.
ET M. Lurio Zosimo, M. Luri⁹ Zosimus LIB. F.

Apud sanctum Martinum.

Iulix Chrysanthidi, Ann. xxxj. Men. iij. D.
xxxix. F. Lufidienus, Nestor, Aug. POL. CON.
Incomparabili. Cum Qua Vixit Ann. xvj. Sine
Vlla Querela. B. M.

In

In quodam sepulcro.

D. M.

Papyria Prima, Viua Sibi Posuit.

Apud sanctum Vicum.

AVR. S Oter, ET AVR. Stephanus, Aur. So-
teriae matri Pientiff. Religio. lucife. metuenti.

Eodem in loco.

C. Basilides EQ. R. ET AVR. Vibia, Vibia-
nae matronae Parentes, FIL. Kariff. V. F. F.

In quodam monumento.

D. M.

Aure. Rufinae, Alumnae Pientiff. & INcompara-
bili, quae vixit An. xxvij. M. x. d. II. Fide Cogni-
ta, Memor Obsequij Eius Aurelia Soteria PIET.
Plena, P.

Iuxta amphitheatrum.

D. M.

Aurelio Timacho, Aspasia Liberta. V. F.

In quodam sepulcro.

MANilia Paula, De Patrimonio Suo Sibi & Au-
relio Paulino, Compatri SVO Domũ Aeter-
nam P.

In quodam horto apud sanctum Ste-
phanum.

Auidia Maximina, Domum Aeter. V. S. P. si quis
Aliud Corpus Superpo. Det Fisco ccc. mil.

Apud amphitheatrum.

Aur. Eripinus, Aur. Victoriae. Compater Eius
De Patrimonio Suo Domum Aeter. V. S. P.

In cathedrali ecclesia.

M. Baruius Soter, BAR. Asclepidorae Filiae Pi-
entissimae.

In sepulcro quodam.

Iulia Matrona, Aurelio AQUILINO Comp. Cum
Quo

Quo Vixit ANN. xxij. Sine Vlla Querela,
B. M. P.

Apud pratum magnum.

Donatius AVG. LIB. & Annia Primitiua, Hæc
Sedem Fructum Laboris Sui, Viui Sibi Posue-
runt.

Apud montem amphitheatri.

Vibiæ Athenai. DuL. HeRAcli. PA. SOCR.
P. B. M.

In domo Iacobi fabri.

LOC. MON. IN. FR. P. XVI. IN AG.
P. XX. H. M. HERES.

Sub campanile ædis Pontificiæ.

Imperatori CAES. Pio, Felici, Inuictæ, AVG.
RES. P. POL. DN. MER.

Eodem in loco à tergo.

MAX. TRIB. P. VI. CON. II. P. P. M.
AVREL. MENophilus. ORnatus IV Dicio
Eius Aequo. PVBL. Sacerdos. Tusculanus
AEDIL. POLEN. Cum Menophilo Patre
LIB. AVG. NN. EXPR Ocurat. Indulgen-
tiss. L. D. D. D.

Iuxta ædem diui Matthæi in tabula
marmorea.

C. HELVIVS Iulianus, IVLiæ FORTuna-
tæ, CONIugi CASTiss. ET INCOMPARA-
BILI, SPLENDIDISS. ORDO Aquil-
leienfium.

Hæc dum ita conquirerẽ, venti iam tãdẽm fa-
tis placidi, nostroq; itineri non dissoni, sese nobis
ostendunt. Ancoras igitur erui mus, portu egre-
dimur. Quatuor galeæ, Berytum in Syriam p-
fecturæ, discedunt à nobis. Inter quosdam nos
scopulos in huius portus faucibus eam noctem
egimus. Altero die vela damus, sed infausto fi-
dere:

*Ingēs ex-
orta nauis
bus tem-
pestas.*

dere: Nam vix ad inilliare trigefimum aberamus à portu, cū adeò fera tempestas exorta est, vt magistri gubernatoresq; nauium, quid consilij caperēt, penitus ignorarēt. Dum sic omnes mus-
sitant, eccē vis venti maiorem galeacea, qua ego vehebar, antennā nō longē à malo disrūpit. Vela à summo ad imum lacerat. Antennæ pars in mare à ventis deportatur. Galeaceam ferē secū trahit. Et quidem, nisi celeres illi XII iuuenes, gagliardi comites appellati, parti velorum lacerata fortiter innixi, eam summa vi adstrinxissent, nauim inuertisset. Intra galeaceam igitur illi laceratorum viribus & robore vela reducunt perditā. Ventorum fremitus furiosus augetur. Aliæ naues suum iter à ventis & ipsæ raptæ prosequuntur, nos deserunt: neque enim, etsi cuperent, laborantibus nobis opem ferre potuissent. Millia passuum circiter viginti retrò cedimus. In statione quadam sub scopulo, qui nos aliquantispēr ab vndarum incurſu tutaretur, ancoras iacimus. Ibi dies egimus duos, duasq; teterrimas noctes, aut rudentum aut ancorarū rupturam, vt intra scopulos, quibus proximi eramus, illideremur, in horas expectantes. Verebatur etiam, nè fluctuū ictibus nauis aperiretur. Toto enim tempore nauis nostræ latera non aliter vndarum tumida rabie concussa tremebant, quā ab hostibus quassata oppugnando tormētis hostiū mœnia. Votis precibusq; singulis horis Deum sanctosq; omnes fatigabamus. In nostra galeacea quatuor peregrinos ad diuersas orbis partes mittendos vouimus. Plena metu omnia, omnia horrenda: sed secunda nox formidolosissima: sæuiebant ab alto rabidi fluctus, mugiebat à profundo pelagus: vndarum eumuli spondas interdum superabant:
modò

modò à puppi, à prora modò vexabamur. Tertia die tandèm quieuit hyems aliquantulùm, iterq; nostrum Dalmatiam versùs capimus. Intra cuius prouinciæ scopulos quarta ab indè die reliquas galeaceas, quæ & ipsæ maiora passæ fuerant incommoda quàm nos, errantes assequimur. Quauis afflicti, inuicèm tamen sublatis clamoribus sese è puppibus nautæ, ciues verò nutibus alacres salutant. Aduersantibus iterùm ventis Iaderam, quam appellant Veneti Zaram, Dalmaticam urbem illustrem vnà omnes retrogradimur. Ibique cùm descendissemus è nauibus, sua quisque pericula iactitabat: hic derelictas sibi, ruptis rudentibus, ancoras, ille spondarum munitiones attritas: alius remigium cum cadis remisque abrepta cōquerebatur. Sed præter cætera ex illis quatuor, quæ nos deseruérant, fracta maiori ancora, furibundus quidam vortex in aliarum conspectu vnā detorsit ab oculis omnium: illam sēmiabsorbēdo, concutiendo, conuoluendo in horæ momento absportauit, cæteris tribus pari ferè modo laborantibus. Hi ablatos à se miseros socios, tanquàm iam voratos æquore, deflērunt. Intra vadosa enim Apuliæ littora, quibus ipsi tunc erant proximi, proiectos proculdubio arbitrabantur. Sed minoribus ancoris statim iactis, cum magna rudētum copia, præter omniū opinionem, violentiæ illi restitit, & euasit incolumis. Expurgatis iam languore & metu fatigatis afflictorum pectoribus, urbem perlustramus: vbi multis veterum monumentis illustratam Iaderam comperimus: ex quibus sculpta marmoribus hæc epitaphia annotaui: & multa præterea quæ non licuit colligere.

In

In vrbe Iadertina. In templo diui Donati.
Iunoni Augustæ Apuleia, M. FIL. Quinta, suo
& L. Turpilij Brochij nomine.

Iuxta portam, qua itur in agrum.

IMP. Cæsar. F. Aug. Parens Coloniae murum
& turris dedit. L. Iulius Optatus, turris vetu-
state consumptas, impensa sua restituit.

In exteriori parte templi diui Chrysogoni.

Q. Delius Q. F. Fuscus. vj. vir. Augusta. F. sibi
& suis. infr. P. xx. in ag. P. xx.

Ibì etiam beati Simeonis prophetæ corpus (vt
Iadertini multis testimonijs probant) honorificè
sepultum atq; adhuc integrum salutavi. Admi-
ratusq; sum tanto tempore simplex, sine myrrha
aut balsamo, cadauer, quod nullo medicamen-
to fucatum est, potuisse incorruptū seruari. Al-
tero, vbi primū eluxit, die, neque enim diutiùs
Iaderæ morati sumus, iter nostrum, claudicando
tamen, altum capere conantes prosequimur. Ea
nocte ex transuerso nauigiolum quoddam, Gri-
pus ab Adriaticis maritimis appellatus, nobis ex
Apulia obuium efficitur. A cuius nautis, qui fe-
rè latus vnus ex nostris galeaceis, inuiti tamen,
abraferunt, accepimus, galeaceas Beryteas, quæ
à nobis Pola Illyrica discesserāt, in Apuliam tem-
pestate abreptas transcurrisse, summaq; pericula
nec nostris inferiora fuisse perpessas. Dalmaticū
tandem littus simul & Epiroticum, per ingentia
discrimina & immensos labores aut latera sem-
per aut proras ventis vertentes, præterlabimur.
Cum ex alto nos prope Dyrrachium, quam mi-
seram urbem nupèr Turcarum exercitus occu-
pauerat, tempestas cōpulisset, per Butroti littus
Corcyram insulam, Alcinoi & Phæaci patriam,
apprehendimus. Neque intra diem tertium & tri-
gesimū

gesimum, quod iter sæpè intra septimū aut octa-
uum à discessu ab vrbe Venetiarum, hæ galeaceę
percurrere solebant, Corphu hanc insulam, nunc
ditioni Venetę subiectam, appellant. Quam qui-
dem ex soli vberate & citrorū copia, amœnam
fuisse, veluti prædicatur, constat. Sed dignitatem
illam, quam ei antiquitas tribuit, Turcarum vi-
cinia & alienum imperium sustulerunt. In dete-
rius enim & in præceps, cū ad exteras manus de-
ueniunt, alta quæq; indiēs collabūtur & corruūt.
Authoritas autem, ornatus & opulentia, imperij
sedem sectantur. In Corcyrę benè munito quidē
& duarum arcium præsidio satis tuto emporio bi-
duum, cū omnia iam nobis alimenta deessent,
commorati sumus. Indè montes Ceraunios ver-
sūs, Cimeriacos ab incolis nostra tempestate nū-
cupatos, qui à Corcyra distant passuum millia
sexaginta, nauigauimus. A quibus, cū iam illis
proximi essemus, occurrens nobis à prora rabi-
dus auster, nos intra Corcyriacos in oppidi con-
spectu quosdam scopulos rugiens reiecit. Vbi
nos aduersū flatus dies vndecim interceptos deti-
nuerunt. Indè Corcyra iam tandē per Cerau-
nia littora à tergo relicta, Cephalemiam, Vlyssis
quondam insulam, in qua Same erat, paucis an-
tè diebus per vestrum & Venetorum exercitus à
Turcarū potestate ereptā, præhendimus. Hęc in-
sula frumento, vino optimo, serico, murice, gre-
gibus atque armentis, ob ingentia pascua, alijsq;
humano victui necessarijs prouētib; abundans
est. Sed & ipsa nunc incursionibus infestata, ma-
lè culta & hominibus parū frequens est. A ter-
go Sames Græciæ continentem versūs, iacet Du-
lichia sinūsque Laërtiacus: quem his etiam tem-
poribus Golphum Lartę Veneti nominant. Post

Bb

triduum

triduum quo stetimus in ancoris in littore Samico, à ventis aduersantibus detenti, discedimus: duosq; illo die scopulos, quos dicunt Striuales, Vergilianas Strophadas, præterlabimur: Zacyntho insula, quæ nunc Zanthus dicitur, à septentrione visa, quæ sexaginta millia passuum ab insula Same distat. Sed cum à Zacyntho & Strophadibus iam circiter millia centū nauigauissemus, maris ira coacti, Zacynthum regredimur. Ibiq; intra portum qui dicitur Natte, semper fluctuantes, dies egimus in ancoris quatuor. Discedimus tandem, & littus abradimus Arcadicū, Peloponnesiacum ve & Argium, loca omnia ob Turcarum incurfiones & crudelitatem, sed nunc præcipue, inculta, deserta & miserāda, cum Venerorum vires, expugnata vrbe Modonensi, habitosq; in deditionem Corono Græco oppido his temporibus ditissimo, perfregerint. Sic nauigando beatæ Catharinæ die, quem, vt non benè faustum, nautæ formidant, sole ad occasum vergente, in insulam Cytheræam incidimus: in qua adhuc extant celeberrimi templi vestigia. Vbi superueniens ventorum nimbus cum tenebroso ac violento pluuiarū lapsu, nos ancoras iacere vix passus est. Sequens verò dies in puppim nobis vêtos ostēdit: quare eleuatis ancoris vltimo iam Peloponnesi angulo, quem nautæ Itali Caput, antiquo nomine Maleum vocant, à tergo, Aegeosq; mari cum reliquis præterabralis, Cycladibus insulis à sinistris relictis, altum capimus. Et hora circiter eius diei meridiana, fabulosa Iouis quondam insula Creta à Cytheræa millia paulò minus centum distans, nobis apparuit. Cuius emporium vrbeni Candidam intramus Nonis Decembris. Quod iter à Corcyra intra diem octauum

uum hæ galeaceæ sæpiùs peregerant. Ibiq; quan-
 uis ab omnibus pelagi minis portus sit tutissi-
 mus, tredecim continuos dies inclusos aduersi
 nos venti, nè egrederemur, detinuerunt. Interea
 loci de insulæ rebus hæc pauca notauit. Ex insule
 viridarijs rosarum & violarum manipuli, nati-
 uæ ambrosiæ alligati, cæli benignitatem testâtes,
 ad me quotidie ferebantur. Vrbs autem Candi-
 da ad Orientem sub Idæis montibus posita, vici-
 num sibi habet alium à meridie montem altis-
 simum, qui nostra etiam tempestate mons, Iupi-
 ter ab incolis appellatur. De Minoio verò La-
 byrintho, de quo poëtæ tam multa fabulantur,
 examussim percontatus, extare illum reperi, es-
 seq; subterraneum specum cauatam intra montē:
 quinque & viginti passuum millibus in internis
 insulæ ab vrbe Candida distantem. Sed maiori ex
 parte vetustate collapsam, pluribusq; in locis di-
 ruram asserunt. Ex industria etiam plures aditus
 clausos: & lege cautum, aiunt, nè quis introeat,
 nisi illum senex aliquis indigena, qui meatus il-
 los benè cognitos habeat, accensa face, introdu-
 xerit. At tamen quid aliud sit præter speluncam,
 quis illum struxerit, quòd ibi ex Pasiphaë natus
 Minotaurus fuerit, & manu Thesei interierit, mi-
 nimè sciunt. Natos autem apud ipsos Saturnum,
 Iouem, reliquos ve simplicis ac fabulosæ anti-
 quitatis tyrannos, ignorant. Neq; enim est quis-
 quā in tota insula qui literas didicerit: aut quic-
 quam scire aliud curet, præterquàm de vineis aut
 gregibus & armentis: ex quibus vini & casei co-
 piam exhauriunt immensam: quorum prouen-
 tum permutatione, cætera sibi iucunda aut ne-
 cessaria comparant. Sylvas Cretenses habere cu-
 pressinas ità peculiare, vt domorum omnium

*De Laby-
 rintho.*

Bb 2 trabes,

*pressu Jure
casu & vul-
gi opinione
In Creta
nullū ani-
mal noxi-
um.*

trabes, cōtignationes, tabulatāque omnia ex illis arboribus, atque etiam naues construant, quodq̃ apud eos cupressi incisæ renascantur, mihi Cretenses affirmāunt. Noxium præterea veneno aut rapax animal, vtputā lupū, aut vrsū, siue vulpem, vel huiuscemodi aliud vllum (quanvis in lacunis colubrę procreentur) insulā peperisse nunquam prædicant. His paucis de insula Creta iuxta doctorum scripta collectis, Candidæ portum sextodecimo Calend. Ianuarij iam tandē egredimur. Rhodōq̃ casu ac Carpatho reliquisve multis insulis adiacētibus à sinistra relictis, Alexandriam Aegyptiam versū, quæ Cretæ australis est, proras dirigimus. Quem maris tractū quadringentorum millium passuum dimetiūtur. Id non paucioribus quā sex diebus peragrarē per tempestates licuit: ē prora enim interdū, à lateribus plerunquē, nos fatigabant. Sed eo præcipuē die quo Alexandriam attigimus, nos tumidissima procellarum rabies comitabatur. Contra Alexandrinorum omnium opinionem, plenis tectis ac pinnis nostri accessūs exitum expectantium sole ad occasum vergente, decimo Calend. Ianuarij, portū appræhēdimus. Multa ibi eo die rara nauigantibus, ex veterum nautarum sermonibus, acciderunt. Vndarum cumuli, qui sese nobis interdū eleuabāt medijs, socios à nostris, & nos à sociorum oculis surripiebāt: immō & plerunquē non modō naues, sed & nauīū malos penitus abscondebant. Salientium vndarum spondas percutientium adēd magna moles interdū erigebatur, vt semel atque iterū ad aliam galeacæ partem, tanquā densa nubes, in mare caderet. Pedibus insistere vix quisquam poterat. Vidi ego præterea ac dimensus sum, fluctibus egre-

egredientibus, sinistram nostræ galeaceæ spondā duos & semis cubitos sub aqua interdū delitu-
 isse. Dextra enim ab Occidente venti furebant.
 Sed eius nauigij itā benè formata est & compacta ,
 contextura, vt quā ipsamet vnda ingreditur, eā-
 dem regrediatur. Et si tota sub aquis ipsa nauis ,
 summergeretur, velutī anguilla aut agiles del-
 phini, eādem vi vndarū impulsā qua obruitur, ,
 emergit. Nocte igitur superueniente, in captato
 Alexandrino portu nouo septentrionali (alium
 enim habent antiquum tutiorem, quem nemini
 Christiano videre fas est, occidentalem) anco-
 ras summa cum lætitia demittimus: alacriq; ani-
 mo ab Aegyptijs propter varias non minū gra-
 tas quā vtilēs, quas ad eos merces importāt, sed
 auri, argenti atque æris præcipuè, galeaceæ reci-
 piuntur. Ego verò, habita descendendi ē nauibus
 ab Alexandrino prorege venia, (neque enim ali-
 ter captare terram fas est cuiquam) à Barchino-
 nensi quodam Philippo de Paredes, Hispanorū
 & Gallorum in ea prouincia consule iudiciario,
 hospitio suscipior. Tabellariumq; celerem, vbi
 sum ingressus Alexandriam, ad Soldanum de ad-
 uentu meo significatum, Cairum, quæ est Baby-
 lon nunc Aegypti, Idumæ & Syriæ regiam fe-
 dem, mitto. Mos enim est, vt edictum prius Sol-
 danicum, quicumque eas oras attingat, expectet,
 quā ad eū iter capere auit. Interea igitur dum
 edictum opperior regum, tertium esse Alexan-
 driam à Meroë iter, climata considerans, quid à
 nobis distet Alexandria, animaduertebam. Hye-
 matum Alexandriam hirundines, miluos, quos
 regales in Hispania appellatis, cæterasque volu-
 cres, pontum, hyeme adueniente, à nostris regi-
 onibus Europæis transuolantes, tendere cogno-

*falsum
nam omni x
retho vau
fallo btum
Anfala*

*vbi hirū
dines alie
aq; id ges
nus voluo
cres hys
ment.*

B b 3

ui.

ui. Floridas & habebāt arbores ac viridaria Decembri & Ianuario mensibus. In sextum ab ingressu meo diem, impatiens ocij, Alexandriam perambulauī. Prōh dolor, illustrem, maximam, habitatoribus refertissimam, pulcherrimā, opulentissimamq; quondam Ptolemæorum sedem Alexandriam, collapsam, dirutā, maiori ex parte desertā miserando spectaculo, deploraui. Heu infelicem, quæ & quanta mœnia, quales & quā amplæ eius vr̄bis stratæ viæ, quā conspicuæ domorum frontes ad cælum tendentes, qui portarum fornices. Sed in cinerem versa domorum interna omnia prætereuntes cōspiciebamus. Vndē hęc tam lachrymosa ruina emanārit, varię mihi sunt rationes adductæ. Alij pestiferæ contagioni rem ascribebant, alij bellis ac ciuium seditiōibus attribuebant. Sed regum sæuitiam, post transportatam trans Nilum imperij sedem, & alienigenarum tyrannidem truculentam, potissimam eius depopulationis causam fuisse nonnulli arbitrantur. Quotquot enim Soldani creantur, Alexandrinos incolās (quum sit Alexandria, excepta Damasco, regnorum omnium Soldanicorum emporium & negociorum sentina) expilant, & tanquā mercenarias oues pro libito excoriant. Neque abest quin à plerisque per cruciatus & tormenta, delatorum susurr̄is admoniti, pecunias extorquere soleant: nulla alia ratione media, præterquā, Volumus pecunias. Quapropter quicūque mercatores, aut alteriusmodi incolæ diuites, eas inhabitant prouincias, die noctuq; suam perniciem ob diuitias quas possidere creduntur expectantes, tremunt, curisq; ingentibus confecti, vitam degunt infelicem. Inde est, quod hac tempestate tenuia sint commercia,

nul-

nullæq; gemmæ vel paucæ reperiantur: pauperes enim se esse mercatores omnes simulant, & parcè viuunt ac vestiuntur: omnia parcius solito, nè in suspicionem incidant. De his iam satis: ad nos redeamus. Dum igitur edictum regium, quo me accersat, sollicitus opperirer: nullam esse Soldano curam, non modò de edicto ad me mittendo, verumetiam esse iratum, aduentumque meum ægrè tulisse, renunciatū est. Veritus nanq; est defectionem. Sed iræ causam indè nactus est, veram dissimulans, quòd paucis comitantibus me adire, nullaque dona ad illum afferre, Iudæi, Mauri, hæreticique à vestris regnis eliminati, quorum non parua copia ad eas regiones confluerat, malo animo retulissent. Dedignatur enim, *Reges Bar*
& se barbari illi negligi & floccifieri arbitrantur, *baros sine*
si audeat vlla potètia oratores ad eos sine opimis *muneris*
muneribus destinare. Opprobrioq; & ludibrio *bus lōgoq;*
fieri ducunt, nisi missus orator longo ordine *comitum*
comitum accesserit. Quibus intellectis, tum bene- *ordine ac*
uolentiæ captatione, tum perfricata fronte opus *cedere or*
esse animaduerti: cū superbissimum & summè *ratoribus*
barbarum hoc genus hominum esse perpende- *non licet,*
rim: quapropter duos illos Franciscos fratres
barbatos, quos viæ comites mecum habebam,
qui meo suoque nomine Soldano talia dicta re-
ferant, properanter mitto: O summe Maho-
methæorum imperator, catholicorum regis &
reginæ Hispaniarum oratori, qui iam intra tuæ
ditionis limites terram tenet, relatum fuit, ob-
trectatores scelestosque ac nefarios homines,
tum mendosis, tum dolosis animum tuum delati-
onibus perturbasse: teq; quòd nulla ad te mu-
nera attulerit, quod ve paucis comitatibus ad te
venire arbitreris, iratū esse, aduentumq; ipsius te

Bb 4 par-

paruifacere, præsciuit. Sed si vtriusque rei sereno vultu & pacatis auribus rationem admiseris, fore ut tibi satisfiat ad vnguē, existimamus. Regius hic orator, potentissime rex, dona, uti alios oratores consuescere prædicatur, se non modò tanto principe digna, sed nec vlla quidem vel minima tulisse, fatetur: quoniam à suorum regū moribus cuiquam regi dona mittere alienū esse perhibet. Quod vos honorificum esse ducitis, id inter occidentales principes pro iniuria habetur. Attamen si vestros mores, veteremq; hanc apud vos consuetudinem tantoperè viguisse cognouissent, quòd nullus scilicet orator vos adeat sine muneribus, libenti & ipsi animo opima ad te dona illi dedissent: cū vos in amoris argumentū, non autem arrogantiae vel auaritiae causa, id cupere videamini. Quòd autem perfida gens hæc, pacis & concordiae regum inimica, seditionis & discordiae seminarium, à catholicis suis regibus, veluti perniciofa contagio, eiecta, ipsum non decenter comitatum ad te tantum imperatorem venisse retulerit: inuidiosè ac falsò delatū, inquit: & nos, qui mortem potius subire quàm mentiri in tenui præsertim negotio sumus edocti, itidem fatemur. Vidimus enim, vidimus ipsum triginta viris ornatissimis, præter eos quos itineris longitudine valetudinarios defatigatos in diuersis reliquit regionibus, comitatum incedere. Mittito igitur, serenissime, mittito, eumq; accersiri iubeto: & si aures dictis eius faciles præstiteris, haud quidem te postea illū admisisse audiuisseq; poenitebit. His itaq; Soldano per meos nuncios relatis, ipsius Trucimano primario auidè referente, quē vestris maiestatibus deditum esse comperi, Soldanus benè persuasus, ad me, procūl habita omni mo-

mora, edicti regij chirographum mittit, quo me-
tutò ad se proficisci posse, ne ve quis mihi sit im-
pedimento, imperat: cum duobus, qui me ad se
comitentur, de suis palatinis equitibus. Quare
octauo Calend. Februarij, regium mihi per hos
equites chirographum porrigitur. Nec me nun-
tiorum meorum literæ perterruerunt: quibus
mihi significârât, Mauritanie, totiusq; Africæ re-
gum oratores, eiektorum Granatensium rogatu,
ad Soldanum missos fuisse cum vehementibus
querelis. Durum nanq; mihi in agone certamen
paratum, & multiplicibus Alexandrinorum ser-
monibus, & eorum qui à Soldano veniebât, per-
ferebatur. Soldanum enim, vt me inspectante de
Christianis grandis aliqua vindicta sumeretur,
impellere nitebantur: meq; vestro nomine cùm
primùm adijssem, malè tractaret, non leuiter in-
stabant, sese supremis iniurijs & contumelijs fu-
isse à vobis affectos, proclamantes. Ego verò, qui
vos fortunatissimos semper fuisse cognoui, pro
quibus etiam mori est viuere: vestro fato omnia
mihi benè successura confidens, contra Nili tor-
rentem adnauigaturus, quam celerrimè possum
accingor. Quæ succedent, si vixero, in ter-
tium librum concludentur. Valete in-
tereà duo hac nostra tempestate
lumina orbis terrarū, & Chri-
stiani nominis pro-
pagatores.


Bb 5

PETRI

PETRI MARTYRIS

MEDIOLANEN. LEGATIO-

nis Babylonicae, liber tertius.



EX vrbe Alexandria, Aegypti reli-
 quarumq; regionū Soldanicæ di-
 tioni subditarum emporio prima-
 rio, catholici rex & regina, cū
 iam iter in interna prouinciæ ad
 Soldanum facturum essem, quæ mihi ab vrbe Ve-
 netiarum discedēti ad eum vsq; diem calamo di-
 gna visa fuerant, breui compendio exaravi. Nunc
 autem, quæ à septimo Calend. Februarij die, quo
 ad Soldanum accersitus pedem moui, sese mihi
 obtulerunt, quā breuius quam ve dilucidius
 potero, prosequi studebo. Septimo Calend. Fe-
 bruarij hora antelucana Cairum, eius imperij ca-
 put, quæ aliās Babylon est, ab incolis alterius Eu-
 phrateæ Babylonis quondam habitata, profectu-
 rus, discedo Alexandria, Hispanis negociatori-
 bus omnibus, quotquot commerciorum causa
 Alexandriam conuenisse reperi, comitatus. Hos
 enim mecum adducere curavi, vt eum cateruæ
 numerum implem, quem mei nuncij, ad Sol-
 danianimum disponendum per me missi, addu-
 xisse me Soldano retulerunt. Roxetum, quon-
 dam Canopum, Nili ostium, ab Alexandria cir-
 citer quadraginta millia passuum distans (per
 iter arenosum, incultum, desertum, in quo neq;
 domicilium vllum neque arborem, præter ali-
 cubi palmas, vllam reperimus) altero die fessi
 venimus. Dum Niliaca nobis nauigia parantur,
 alimenta q; necessaria coemuntur, circiter inte-
 grum

grum diem commorati, Nilum ingredimur. Neque enim Christiano cuiquam, propter Arabum grassationes & rapinas, terrestre iter patet. Hi nanque non modò Aegyptum, sed Africam vniuersam ab oceano Atlantico ad Niliacas ripas Asiæq; partem continuis incursionibus infestant. De quibus cùm satis ocij mihi suppetat, non ineptam fore digressionem existimans, pleraque aggressus sum differere. Gens hæc est innumera, vaga, sine domibus, sine statione, sine quiete vlla, sub dio semper versans, semper in motu: camelorum dorsis vxores, filios, & quicquid suppellectilis assequitur, portans: adusta solis ardoribus: bellicosa tamen, sed sine certo imperatore. Plures habent dispersi Arabes inter se duces, sed discordes & factiosos. Hinc est, quòd imperio ipsi, qui liberi sunt, non potiantur, cùm sibi inuicem capitali semper odio insidientur. Imperatorem, cui obtemperare studerent, si Arabes inter sese eligeret, de seruorum manibus sceptrum facile abriperetur. Est enim errantium Arabum multitudo ingès: Mameluchi verò, id est, serui regij, quorum opera Soldani ad regni gubernaculū & bellorum summam vtuntur, numerum non excedunt X millium. Sunt prætereà Arabes, omnium incolarum & eorundem Mameluchorū sententia, nobiles & industrij: Mameluchi autem maiori ex parte ignobiles, montani, à piratis è montibus vt plurimum Scythicis supra Euxinū & Mæotidem raptati, emptiq; à Soldanis & eorum principibus: vnde serui, de quibus latius infra dicemus. Nunc autem ad iter redeamus. Contra Nili fluenta pridie Calend. Februarij Bullacum Cairi suburbium cùm aduesperasceret adnauigantes præhendimus: ibique in naui
per-

*Arabum
vagantib;
vita.*

pernoctauimus: neque enim ausi sunt duo illi comites mihi ad ductores dati palatini, me credere barbarorum perfidia. Attamen ex ipsis vnus ad Soldanum celeriter procurrit, me Bullacum aduenisse nunciatū. Quapropter cum primū eluxit, ecce Mameluchis reliquisque indigenis implentur visendi studio littora Niliaca: rarō enim ad ipsos nostratium aut diuerso habitu quisquā admittitur: præter paucos aliquando mercatores. Sed prior accedit Trucimanus, in nauimque ad me descendit, & quisnam, cuias, quōve fato huc sit appulsus, ad eumque deinde statum peruenerit, petenti mihi, enarrat. Se esse Valentini cuiusdam ciuis Ludouici Pratenſis nomine, filium: in oppidoque, ipsi vestra Valentia finitimo, Monblanco natum prædicabat. Tempeſtate autem, cum adolescentulus per ea maria patroni cuiusdam nautici famulus nauigaret, in littus cum cæteris omnibus, qui ea naui uehebatur, naufragio proiectū, ad Soldani manus, ex eius prouincia statutis, deuenisse. Quotquot enim per ea littora naues franguntur, ex veteri eorum instituto & consuetudine, ad fiscum cum hominibus bonisque omnibus deuoluuntur: si præsertim piratica vel alteriusmodi, non mercatoria, naus esse reperiatur. Sed triennali tandem carcere durisque vinculis & vrgenti inedia se defatigatum, Christum verbo abnegasse, Mahometicoque more se dispræputiari passum fuisse, & mutasse nomen, Tangaribardinumque vocari, grauitè suspirando, fatebatur. Nec abesse tamen quin catholicam fidem animo seruaret, Christumque supplex ijs quibus solebat orationibus quotidie coleret & adoraret. Ad eum autem inter eos barbaros splendorem sua industria & laboribus ascendisse, dicebat. De optimatibus enim

enim Soldanicis vnus est, cum redditibus septem aut octo millium auri drachmarū. Dum hæc mecum Trucimanus Tangaribardinus colloqueretur, primates alij duo palatini, Trucimano potentiores, ordineq; superiores aduentant. Sunt enim apud eos tres optimatū gradus, velut apud nos, quos vulgò dicimus comites, marchiones, duces. Tunc è naui, Trucimano duce, ad illos egredior, equumq; regium, quem ipsimet secum, Soldani nomine mihi donandum, regio apparatu ornatū duxerāt, affcendo: vrbem versūs iter vnā omnes capimus: nec breuiore quàm duarum horarum spatio interiecto Trucimani domum, quæ mihi intra vrbis mœnia hospitio fuerat obsignata, attingimus. Attamen per hortos, & intersparsa prædia ac viridaria, non autem per contiguas semper domos, proficiscebamur. In Calendis igitur Februarij anni quingentesimi secundi Babyloniam Aegyptiam, à qua magnus hic barbarorum imperator Soldanus Babylonicus vulgò appellatur, à iunioribus autem Cairum nuncupatam, vrbium populosissimam ingredior. Falsò pleriq; vrbem hanc Carras appellant: quia Carrarum vrbs est in Arabia: in Assyria verò altera: in Aegypto nulla. Ibì cæteris omnibus, qui me fuerant comitati, domum dimissis, cum Trucimano quāto studio possum ago, vt det operam & incumbat totis viribus, nè meus ad Soldanum accessus differatur. Nam si forte fortuna galeaceæ, quæ me aduexerant, negociationibus suis peractis, sine me reuerterentur, fore vt serò postmodum cōmoda mihi renaugatio sese offerret: cū neq; præstò sint alia tuta in illis littoribus in Europam reditura nauigia: & Turcarum piratis sint maria referta. Trucimanus autem, cuius est, emergentia cuncta Soldano

*In quali
arce quis
busq; cu-
stodibus
habitet
Soldanus.*

dano referre, obsequij vestri cupidus, paucis re-
petitis, ad Soldanum equitat: illi, quid petierim,
referat: vt quamprimùm sibi per ocium liceat,
nos audire velit, meo nomine, rogat: quive, qua-
les & quanti sitis, patrio affectu longis sermoni-
bus aperit. Annuit dictis Soldanus, tantorum re-
gum oratorem visendi studio incensus: vt me, vbi
craftina dies effulserit, ad se ducat, Tangaribardi-
no imperat. Is domum lætus reuertitur: quæ acta
sunt, enarrat. Postero die, qui erat Nonarum Fe-
bruarij quartus, primo manè (ante ortum nanq;
solis, aut, cùm tardius, iam exorto, Soldani ex ve-
teri consuetudine semper audituri prodeunt in pu-
blicum) ad regiam proficiscimur. Hæc est haud
secus super edito colle oblògo ad latus vrbis ere-
cta, quàm Romæ sacrum summi nostri Pontificis
palatium: aut propiore simulaero, vestræ Grana-
tensis Alhambræ de Maurorū manibus cum regno
simul ereptæ persimilis. Vbi enim paulum ascen-
dimus, in læuam conuersi, portæ occurrimus, al-
tis ac immensis turribus munitæ: in cuius vestibulo,
velut in vestræ Alhambræ ingressu, è regione
podium extat eminens aliquatisper. Ibì primùm
ex optimatibus quendā, cui erat arcis eius custo-
dia, multis Mameluchis circumstipatum, seden-
tem inuenimus. Dextrorsum deinde nobis iter
capientibus, longa sese via, stantibus vndiquè re-
ferta Mameluchis, ostendit: per quos medios
cùm progredieremur, eius adeò barbarè enutritæ
multitudinis ordinem ac taciturnitatem admi-
ratus sum. Neque enim eorum quisquam obstre-
puit, aut loco cessit vnquàm, vt nos vltèrius, vt
in similibus sit spectaculis, auidioribus oculis in-
tuerentur. Ità procedentibus nullum vnquàm se
nobis obtulit impedimētum. In eo ferè medio
spatio

spatio senes circiter triginta, imberbes, macilentos, in quibusdam foribus veluti posticis sedentes conspiciens, eunuchos esse Soldanicos, vxorū eius & pellicum custodes, didici. Soldanum tandem in impluvio grādi super tribunali quatuor *Mahometica gēis* graduum, reductis sub se, nostrarum foeminarū *sedendi* more, loco sedis pedibus, sedentem inuenimus. *mos.* Totius enim gentis eius Mahometicae mos est eo pacto sedere, ac solo veluti animalia bruta capite inclinato vesci, atque sub dio ad se venientes audire. Soldanus tum sui Trucimani & meorum nunciorum verbis, tum aliorum per eius regiones commercia tractantium relatu, quanta sit vestra potentia, quā magnus in vobis animus, quā pollentes sitis virtute bellica, edoctus: gloriae ac salutis suae conducere non mediocriter à tantis regibus oratorem ad se mitti, cognouit: in ea praesertim fragilitate in qua ipse, vt infra dicemus, versabatur. Propterea vt ego intra tapetes à media versūs eum impluvij parte stratos, contra morem suorum maiorum, admitterer: neq; ego quater prostratus terram, vestro nomine, vt ceteri solent oratores, oscularer, æquo animo passus est. Est enim horum barbarorū, catholici reges, arrogantia tanta, vt, quoniā inuitis omnibus Christicolis, nostrae religionis initialem locū possideant, ipsos adorare, quicumq; adeant Christiani, cogantur. Tangaribardino igitur, cuius est ad Soldanum oratores ducere, eorumq; postulata interpretari, referēte, vestro nomine Soldano salutem impartior: Is gratissimū sibi fuisse nostrū aduentum respondet: seq; suaq; omnia læto vultu offert. Porrectisq; illi vestris literis, & per Trucimanum, qui optimè adhuc idioma patriū callet, apertis, iterū à Soldano ad me cum nouis

redit

redit oblationibus. Atque iterum ego gratiarum-
actiones, vestro nomine, quod me ita pacato ani-
mo & serena fronte suscipiat, remitto. Quid aliud
quam mea dicta illi Tangaribardinus referret,
propter loci distantiam percipere non poteram:
à Soldano enim passus, meo iudicio, circiter vi-
ginti distabam. Sed nimirum, cum patrio adhuc
amore feruens, & vestri obsequij cupidus, ad be-
neuolum nobis reddendum Soldanum, alia quæ
eius auribus benè sonabant, meis dictis interijcie-
bat. Id ego, quod illius sermonibus attentissimū
alacrioremque paulatim fieri Soldanum cōspicie-
bam, suspicatus sum. Tertiò, atque iterum citus ad
me reuertitur: ut bono hilarique animo sim: ut si
qua mihi intra Soldanicæ ditionis terminos gra-
ta fuerint, petam à Soldano, reportat. Illi ego, nè
ista incassum gesta sint, ne ve ista vnquam tam
inuitata apud ipsos humanitas in quenquam, de
vestra memoria prolabatur, me daturum operā
polliceor. Ità salutationibus gratiarū ve actio-
nibus & pollicitis vtrinque multiplicatis, tēpo-
ris aliquantulum triuimus: nec aliud quicquam
hoc primo cōuentu peractum est. Negocia enim
in diem Dominicum sequentem remittuntur. Sol-
danū interea, dum Tangaribardinus illum meo
nomine alloqueretur, ego autē ociosus, quid re-
laturus esset, expectarem, diligenter inspexi. Is est
Soldani
descriptio. vir natus annos circiter quinque & quinquaginta,
patrio more barbatus, nec deſa tamen aut oblon-
ga nimium barba: vultu iucundo, facie pingui
suffuscula, adſpectu ferox aliquantulum, oculis
reductis, paruis, graui motu, ſtatura, uti à ſedēte
colligere potui, pluſquam mediocri. Oriundus
autem ē Scythia, ex montibus quos vulgò Ciar-
chesos vocant. Indē nanque, & ex Ruxiæ regiōni-
bus

bus pars maior Mameluchorum rapta, per Soldanica regna venum ducitur. Indumentum verò *Vestes.* ipsius eo die, ex glauco serico, raso, forma communi. Neque enim varias habent superiorum vestium concisuras, præterquàm in manicis, quas optimates curtas & breues ferunt: cæteri autem vsq; ad digitorum extremum productas. Est nimirum superior illorum vestis, paruo discrimine ab ijs quas vestri Granatenfes Algiubbas vocant, Hispani autem marlotas. Mameluchorū talaris omnes, quas solo cingulo leuiter stringunt, de cætero discincti. Neque enim illis vestes interiores corpus aliter premūt, quàm illa superior. Neque caligis vtuntur, sed nudis pedibus, crepidas tantum, nostrorum Franciscanorū more, gestant. Capitis autem velamina valdè diuersa. Per ea namq; non modò Iudæi & Christicolæ Soldano subditi, qui vestium eadem genera ferunt, à populis Mahometicæ legis, & à Mameluchis, sed simplicium Mameluchorum ab optimatibus, & optimatum inter se, discrimen cernitur. Mahomethæus populus velamen fert, multis gyris lineis, quemadmodum & Iudæus & Christicola, *Velaminū capitis varietas.* insinuatum. Sed Christicola glauco, Iudæus croceo, Mahomethæus albido, coloribus discernuntur. Mameluchi qui Soldanici sunt ministri, pileum ferunt laneum aut cymatilē, spithama altiorē, valdè ponderosum, durum, duobus consutum coloribus, viridi ab imo, à superiore nigro. Cæteri autem qui aut sunt aliorum principū, aut Soldanico tantum stipendio censiti, nec aliter ministri, galero rubro, villoso, cubitali, diademato quasi, à lateribus plano, dignoscuntur. Principū verò duorum ordinum inferiorum velamen lineum est, sed à velamento populi valdè dispar.

Cc

Popu.

Populus enim suum simpliciter in rotundū implicat, & conuoluit: isti autem arte compactū & mirè compressum, in aliamq; formam in diadematis modum constructum, ferunt. Summi ordinis ipsorum, à quo Soldani, velut ex nostris Cardinalibus summi pōtīfices creantur, capitale tegumentum dissonū est, & maximè ridiculū. Ex linea, & ipsum tela tenui, sed rhinocerotici opus cumuli. Ex sexaginta nanque & interdū septuaginta vlnis, in circumflexiones varias, in gyros diuersos, in cornua demūm desinens, confectū est. A sede velaminis quē infigitur capiti, cornua sex, quorum quatuor nō longiora spithama, sed magno lacerto crassiora, prodeunt: duo verò alia, velut adiacentia scopulis promontoria, de medio breuium quatuor, cubitalia ferè, in cochleæ cornuum similitudinem, surgunt. Nec, mediūsfidius, aliundè sibi hos barbaros, quàm à vernali cochlea, ea subsannatoria cornua sumpsisse arbitrari possum. Rem nanque alteri cuiquam similiorem conspexisse me nunquàm puto. Idem habebat Soldanus eo publici spectaculi die cornutū capitis tegumentū. Neq; enim postq̃ supremum gradum ascēdit, dissonum ab optimatū ornatu, de quorū ordine creatus est, habitum sumit. Cur tanti ponderis, tanti ve impedimenti struem sibi iniicerēt, qua impliciti vertere vix caput immoto corpore valēt, à Tagaribardino prius sciscitatus fueram. Is duas mihi rationes adduxit: nè scilicet leuiter caput mouēdo à virili grauitate fœdo aut stulto gestu aliquo discedere possint. Ne ve, illi oneri assueti, galeā postmodūm quando bellum ingruat, ferre fastidiant. His itā actis & cōsideratis, à Soldano dimittor: à quo cūm domūm rediturus iam terga verterē, id spatij quod

à Sol-

Cur tam
grauia
onera im-
ponant
capiti.

à Soldani conspectu ad primum arcis ingressum iacet, vtrinque stantibus Mameluchis circumualatū, vt passibus metirētur, nec minùs vt adstantium Mameluchorum copiā dinumerarent, hos, qui me sequebantur, iussi. Mameluchorum numerum circiter quatuor millium affuisse: passuum autem circiter octingentorum spatium intercessisse, comperi. Neutrū tamen examussim quisquam circumspecti studio dinumeravit. Cū autem à Soldano duas iam custodias regredientes transegissemus, quorundam hominum diuerso aliquantispèr habitu ab Aegyptijs cuneo efficimur obuij: qui postquàm in me toruis oculis, rugosa fronte, furibundo supercilio, rabida maledicta submurmurando detorserunt: Trucimano quēdā Arabico idiomate Mauritano sublocuti sunt. Quibus Trucimanus parumpèr minitans, vt tacerent, innuisse visus est. Inter eundū, quinàm essent, quid ve quæritarēt, quàm solliciti, & cur ita angerentur, mihi Tangaribardinus aperuit. Oratores esse illos Numidas & Mauritanos, de quibus in calce libri secundi mentionem fecimus, significauit. Qui quoniam non modò in me ceteros ve Christicolas Soldanum non sèuuisse sensissent, verumetiā honorificè ab eo fuisse susceptum didicissent, animo cruciabantur, & mentis turbulentiam pallore vultus ostendebāt. Hi permanent in foribus mœsti: nos domū reuertimur. Interea loci, dum negocijs pertractādis assignatus mihi dies aduētet, nè tempus vllum frustra mihi de manibus, vt vulgò dicitur, euadat, de regionis natura, de incolarū moribus, de seruatorum imperio, ceteris ve rebus, quæ memoratu mihi digna visa sunt, p tēpore scrutatus sum. Quare neq absconū mihi videbitur, si eorum, quæ

collegerim, pleraque breuibus enarrauero. Pro-
 uincia est Aegyptus, satis amplè lateq; à Cosmo-
 graphis & historicis depicta. Urbem autem, pro-
 uinciæ nostra tempestate caput, Cairum incolæ
 appellant. Hæc est in Asia trans Nilum: Alexan-
 dria verò citra, propterea in Africa. Nilus enim,
 serenissimi principes, Asiam dirimit ab Africa.
 Vrbs ea primaria populosissima, ingens: decete-
 rò prouincia ciuitatibus aut oppidis infrequens:
 cum sit, præter eas quæ inundati æstate Nilo par-
 tes irrigantur, arenosa, Arabumq; cõtinuis incur-
 sionibus infestata: præcipuè tamen ob seruorum
 sauiam tyrannidem oppressa. De quorum initio
 moribusq; priusquam ad alia progrediar, pauca
 pertingam. Vnde ad seruorũ manus tam magnæ
 molis imperiũ venerit, qui Aegypto, Syriæ, Ara-
 biæ vtriq; ac Idumææ vniuersæ dominantur, va-
 ria referunt: certam verò historiã minimè se ha-
 bere dicunt. Aegyptias fœminas in maritos, defi-
 cientibus liberis, ad imperij gubernaculum sibi
 tunc seruos suffecisse, quandò procures omnes
 Iudaicum populum, Moyse duce, fugientem in-
 sequentes, cum suo Pharaone mare rubrum ab-
 sorbuisset, pleriq; autumant: neq; id publicè re-
 citare hæsitât. Sed longæ ambages. Aegyptios alij
 sua sponte, vt se accepti à Ioseph Iacobita benefi-
 cij, qui Pharaonis seruus Aegyptum vniuersam
 fame peribundã vaticinio liberâisset, gratos ostē-
 derent, ad seruos imperium detulisse, prædicant.
 Sed priore fabula, meo iudicio, fabulosius. Qui
 verò præsentium ratione moti, de ignotis iudici-
 um faciunt, verisimilius rem differunt. Seruos
 quondam, sumptis in dominos armis, imperium
 sibi, præsentis cuiusdam exempli argumẽto edo-
 cti, occupasse cõiectantur. Cairbeio nanque Sol-
 dano

dano viuento, qui felicissimo ductu tres & triginta annos sceptro potitus est, Mameluchorum seruos, Aethiope quodā duce, trans Nilum à dominis armatos secessisse, multorum memoria probatur. Est enim subseruorum ingens multitudo, cū nullus sit Mameluchus, qui domi nō habeat duos aut plures, pro cuiusq; gradu ministerio addictos, Indos, aut Aethiopes famulos precio emptos. Horum defectioni, magno exercitu cōparato, Caitbeius ipse occurrit, seruilemq; impetū armis oppressit. Aliter enim de ipso & Mameluchis omnibus actum ea tempestate fuisset. Prudentiores igitur, interemptis quondā dominis, imperium seruos vsurpasse pro certo habēt, cū nullus fuerit vnq; hoc Caitbeio potentior, ausiq; fuerint sub eius imperio contra dominos insurgere. Quæ verò ex varijs ego authoribus collegerim, altiùs aliquanto rem trahendo, non inutilia dictu vestra maiestas accipiat. Ab anno septingentesimo quarto à salute nostra & Christi natali, Aegyptij de Mahometico genere regem, vt se à Græcorum seruitute liberarent, sibi creârūt, qui Caliphus appellabatur. Ab huius Caliphi nomine, reliqui omnes Aegypti reges, Caliphi sunt appellati, ad annum vsq; tertium & quinquagesimum supra millesimum. Tunc nanque Almerico Christiano Hierosolymorum rege Caliphū bello vrgente, Sultani Syriæ regis auxiliū Caliphus implorat. Mittitur à Sultano Syriæ Sarraco dux militiæ. Calipho succurrit. Almericum & Christianos pellit. Ast Calipho in vincula cōiecto, regnum Sarraco vsurpat: seq; iubet Sultanum, à sui principis nomine, non regem, vocari. En Solda-
 norum initium, anno ab hinc nono & quadrage-
 simo supra quadringētesimū. Est nāq; hic annus, *soldanos rum inis tium.*

quo ego hæc ex itinere scribo, secundus & quingentesimus supra millesimum. Non multos post annos Sultanatus hic Aegyptius ad Melechsalam per successū venit. Is Melechsalam à Tartaris per mercatores magnum seruorum numerum, qui Comani dicebantur, in Antiochiæ finibus bello victorum, coëmit. Ità seruos Melechsalam instituit, vt eorū opera, liberis abiectis, bello & pace & in prouincijs gubernandis & pertractandis armis vteretur. Melechsalam dominum serui trucidant. De seip̄s Tuquemenium Sultanū creant, & regno insident serui. Ità in seruorum seruitutem ad hæc vsque tempora redacta est Aegyptus. Ex horum collegio Bondocadar Sultanus, anno octauo & sexagesimo supra millesimum ducentesimum, à Christianis vniuersam Syriam & Palæstinam abstulit: præter Ptolemaidem, quam deindè Melecastraphus Sultanus post annum tertium & vigesimum à Bondocadar victoria, Christianis ademit. Sancto tamē sepulcro omnes barbari pepercerunt. Ad Caitbeium, à quo digressi sumus, iam reuertamur. Hic est ille Soldanus, cuius auspicijs Turcarum copias ingentes parua Mameluchorum manu sæpiùs fusas audiui-
mus. Nec, eorum disciplina militari percognita, sum quidem admiratus. Nam vbi primū ē montibus, vtplurimum, Scythicis venum alati sunt, in quibus inedia & frigoribus assueti, penè nudi obduruerunt, in domos suas hi barbari principes rudes illos emptos adducunt: die noctūque nulla in re alia tempus vllum terere, quàm in pertractandis armis, ipsos patiuntur. Ad quos erudiendos quilibet optimatum, pro cuiusque opibus stipendio conductos domi magistros gladiatores habet, quibus nup̄ empti, velut iesso-

fessoribus equi domandi, obſignantur. Ex quo-
 rum ferula ſi in ſtrenuos euadunt milites, in Ma-
 meluchos cenſentur, aliàs famulantur ſemper.
 Mameluchorum ordo equeſtris eſt, cum ſtipen-
 dio militari pinguiſſimo. Cuilibet enim ipſorū *Mamelu-
chorum*
 pecuniarius cēſus per ſingulas lunas (à luna nan-
 que menſes computant) drachmarum auri ſex *ſtipes.*
 & quadrantis præbetur. Alimonix verò quoti- *Alimonia.*
 diana Mameluchi portio tātū hordei eſt, quan-
 tum duobus equis ſufficiat alendis. Carnium au-
 tem libræ, eorum more, tres in ſingulos diuidun-
 tur. Rotulum ipſi libram vocant: ea eſt noſtra-
 rum vnciarum duædeuiginti. Panis verò ea da-
 tur portio, quæ ipſi & tribus miniſtris ſuppetat.
 Vndè cū nulla ſit his alia præterquàm de ar-
 morum exercitatione cura, ſintq; viribus pollen-
 tes, & laboribus ſemper cum egeſtate à ſuæ gen-
 tis natura enutriti, nec apud dominos lectis pro-
 cumbant, immò & duro ſolo, ſtoria tantū ſup-
 poſita, vel tapetulo aliquo veteri conſtrato quie-
 ſcant, mirari deſino potuiſſe tales viros numero-
 ſiores hoſtium turbas aliquandò proſtigare. Hic
 ſermo, ſereniſſimi principes, de veteribus eſt Ma-
 meluchis. Iuniores nanque ſunt numero paucio-
 res, neque illa, quam nunc recitauimus, militari
 diſciplina inſtructi vigent. Veteres enim, exortis
 poſt Caitbeium inter principes hoſ factionibus,
 mutuis gladijs conſumpti ſunt. Recentiores verò
 ex eorum ſcholis, quas vocant Tabachas, nō ma-
 turi armis, vt Mameluchorum numerus aliquis
 impleatur, educuntur. Horū tamē opera, qualeſ-
 cunq; ſint, ad regnorū regimen & præſidium Sol-
 danus vtitur. Nec alteriuſmodi cuiquam ſumma
 rerum creditur. Mameluchi ex Chriſtianis deli-
 guntur. Hi Mahometæ ſectam, abnegato Chriſto,

C;c 4 x diui-

diuitiarum & imperij cupiditate pellekti, ample-
ctuntur. Ex alia gente vlla censent neminem. A Iu-
dæis nanq; fieri quenquam Mameluchum vetât,
quoniam dolosos esse & capiendis armis minimè
aptos Iudeos putant. Ex Mahometicæ quoque le-
gis viro aut fœmina genitos in Mameluchos con-
scribere præ timore recusant. Atq; id apud ipsos
suis decretis & consuetudine tantum inualuit, vt
neq; proprios filios, quoniam ab ipsis postquam
Mahometici effecti, aut ex Mahometica muliere
orti sunt, armis instruere, vel ad honores & ma-
gistratus euocare liceat. Fas est tamen, pecunias,
domos, supellectilia quæq; aut prædia natis lega-
re. Ex Mameluchis proceres, ex proceribus Sol-
dani creantur. Quarè quoniam pacto à Christianis
hoc genus hominum originem trahat, quan-
ta ve cū nostræ religionis ignominia, opprobrio
& dedecore hi barbari dominentur, catholici prin-
cipes, iam colligere potestis. Expergiscimini ali-
quandò, & rem Christianam capeſſite: nō deerit
sibi Christus. Gens autem ipsa incolarum est im-
bellis, effœminata, inermis, discincta, mollis, ti-
mida: mechanicis tantum artibus aut mercaturæ
intenta: vitam silentio præterit ingloriam. Nec
alijs legibus à Mameluchis gubernata, quàm ab-
solutio iudicio. Est præterea Mameluchi cuiusvis
tanta in incolas vniuersos potestas, vt claua li-
gnea, quam manu gestat semper, quemcunq; in-
colam obuiū ferire pro libito, velleuissima oc-
casione sumpta, liceat: quòd scilicet ipsum trās-
euntem tetigerit, aut venienti non assurrexerit,
vel minùs honorificè salutauerit, aut nō citus lo-
co cesserit. Interdum etiam nullam nactus cau-
sam, dum aut temulētus, aut insanus vel aliàs ira-
tus incedēs per urbem Mameluchus occurrit in-
colæ,

*Mamelu-
chorum
licentia.*

colæ, ipsum quotquot ictibus libet percutit, nec
mussitare miser audet, neque in eius auxiliũ vel
labium mouere quisquã intentat: quanuis pater
filium, aut filius patrem à Mamelucho cædi con-
spiciat, æquo tamen vultu patiatur necesse est.
Nam perimere incolam in auxilium alterius, vt
ipsum de percutientis manu eruat, accurrentem,
vel percussum, clauam, nè feriat vlteriũs, manu
apprehendentem, Mamelucho impunè fas est.
Multos quippe, nisi caput illis voluminibus im-
plicitum, de quibus mentionem fecimus, fer-
rent incolæ, Mameluchi passim occiderent: cùm
neque se defendere cuiquam liceat, neque in Ma-
meluchis vlla interdũ pietas vigeat. Incolæ cui-
quam arma vlla, vel gladiolum quidem acuta
cuspede vel recta, apud se habere, equo vel pe-
dibus ambulanti, vetitum est. Redituum autem,
præter ordinaria vestigalia, lex est principũ vo-
luntas. Exigunt, expilant, extorquent, & ad of-
sa vsque excoriant. Propterea etsi animus ad vin-
dicandum se in libertatem à tam impia seruitute
adesset, vires tamen deficeret: cùm pecuniæ, quæ
sunt nerui belli, illis defint: exercitiq; minimè
sint armis. Fœminas vtraq; gēs quot libet, si alen-
di facultas inest, assumit sibi. Voluptatibus omni-
fariam dediti, futurorum omni cura posthabita,
viuunt: suoq; Mahometæ se magis gratum face-
re tunc arbitrantur, quandò ardentius delectati-
onibus incumbunt. A vino tamen abstinere Ma-
hometica illis lege præceptum est: sed Mamelu-
chi cùm vinum assequuntur, multò auidius quàm
nos illud bibunt. Fœminæ per vias brachatæ, viri
nudis vsque ad genua cruribus ambulant. Vestes
tamen viri ferè talaris induunt: mulieres autem
surarum tenus tantum: sed fœminæ caligatæ. In-

fanos, deliros, lymphaticos ve homines, sanctos esse ac diuino spiritu afflatos arbitrantur, & collunt. Iudicate igitur, serenissimi reges, quàm infauisto fidere regiones hæ gubernentur, in quibus serui dominantur, liberi seruiunt, graues opprimuntur, stulti extolluntur: vbi nulla fides, nullum ius, nulla pietas, misericordia rara, auaritia immensa, in domibus summa ob multas vxores discordia, foris ingēs inter se odium. Viget enim inter ipsos principes, ob diuersas post Caitbeij mortem factiones exortas, incredibilis inimicitia: nec in re vlla magis inuigilant, vel ingenia atterunt, quàm alter præcipitio ac ruinæ alterius. Quare, vn de hæc tam diuersa in vna gente studia emanarint, vnde sibi hæc adeo rabida simultas initium sumpserit, operæ precium erit aperire. Sed aliquanto altius, vt res ipsa planius intelligatur, repetendum est. Anno, à nomine Christi, quinto & sexagesimo supra quadringentesimum ac millesimum: ab eorū verò seductore Mahomete octingentesimo sexagesimo secundo vel circiter, (ad vnguem enim colligere id nequiuimus, quoniam diuerso à nobis ordine computant annos) Imperatorem sibi Caitbeium virū Scytham hi serui, quod antiquior, quod ve & magistratu summo & autoritate polleret, elegerunt. Hic fuit ingenio & virtute bellica præclarus, tenuitq; imperium annos tres & trīginta. Quapropter ea diuturnitas imperij Mameluchos fidos illi effecit: q̃ ipsos sua pecunia ferè omnes coëmerit, suoque pane nutrierit: veteribus vel ætate, vel bello, aut varijs morbis maiori ex parte consumptis. Inter hos, vna disciplina, vno pane, sub eodem domino educatos, duo de lautioribus ac opulentioribus principibus, quorum
alter

alter Acbardinus, Campsous Campsomia alter nuncupabatur, inimicitias inter se capitales, etiam Caitbeio viuente, exercebāt. Cū enim ambo Scythæ essent, amboq; à paruulis de Ciarchetis vulgò montibus rapti, eodemq; pago oriundi dicerentur, Campsous Acbardinum rusticitatis arguebat, præ inuidia, quòd faciliores Acbardino Soldanus aditus ad se præstaret: quod vepotentiores quàm ipse magistratus assequeretur Acbardinus, animo Campsous cruciabatur: ita vt fit inter omnes, ventosos ambitionis afflatus affectantes: perniciem alter alteri semper machinabantur & adstruebant. Quapropter cū grauiter iam ægrotante Caitbeio, inclinatos ad erigendum aduersarium suum ad imperium, ob maiores pecuniarum & magistratuum copias, Mameluchos Campsous Campsomia sentitet: Caitbeium adhuc integro sensu laborantem, mæsto vultu & obortis lachrymis, cum dictis adit huiuscemodi: Imperator optime, tanta fuit erga nos oēs tua semper humanitas & clemētia, quòd nisi maiorem tuū hominem exuentis, quàm apud nos viuentis rationem haberemus, ingratissimos nos omnium seruorum, erga optimè de se merentes dominos, & summorum beneficiorum nefariò immemores fateri cogeremur. Hunc enim quauis nobilem, paupertate tamen summersum: illum è syluis, alium è pecudum custodia, ab horrendis Scythiæ frigoribus, & vrgenti fame, ac demum ex miserrimis magalibus, ad summas diuitias, ad præclara palatia, & altos rerum cardines, euexisti. Constituimus igitur, imperator maxime, nè ingratitudinis detestabile nomen subeamus, filiū tuū Mahometem, quē vtī tuī deficientis simulacrū veneraremur, in imperatorē nobis
eli-

eligere. Bonorumq; omnium hanc scito firmam
 esse sententiam. Caitbeius autem longa rerum
 experientia sapiens, Campsoi mentem apertè co-
 gnoscens, qui non sui filij causa, sed nè imperiũ
 ad inimicum Acbardinum perueniret, talia mo-
 liretur, Campsolum à proposito diuertere cona-
 tus est. Sensit enim id potiùs filio perniciẽ quàm
 felicitatem pariturum: hortatusq; est toto inge-
 nio Campsolum, vt imperatoris electionem or-
 dine suo veteri, pro institutis maiorum, proce-
 dere pateretur. Se vno animo ipsos filiorũ loco
 habere, quos ità fidos semper cognouerit: quos
 ve suo pane à teneris educauerit. Paucis repeti-
 tis, Campsolum discedit. Caitbeius autem non
 longè post animam exhalauit. Campsolum verò
 Campsomnia quæ apud Caitbeium egerit, enar-
 rans: Caitbeiumq; sibi, vt filium eligerent, dixisse
 ementiens, de Mameluchis, quoscunque po-
 test, subornat. Mahometem, mameluchis auxi-
 liantibus, in castellum, vbi regia est, locat. Im-
 peratorem creat. Is est eo tempore adolescens,
 annos nondum natus sexdecim. A summo eorum
 pontifice Mammets confirmatur. Habent enim
 & ipsi summum pontificem, ad quem huius im-
 perij machina, si Aegyptij homines essent, per-
 tineret. Ius suum, vt cæteri consueuere, Mam-
 meti Cairi regiam tenenti, trium millium auri
 drachmarum precio pontifex vendit. Is Califfus
 dicitur. E tribunali Soldano stanti pedibus, vitæ
 necisq; liberam potestatem præstat. Ipse descen-
 dit: seipsum spoliatur: Soldanum imperaturum
 induit: abit priuatus, permanet in imperio Mam-
 metes. Qui petulans & imprudens, tanta ve mo-
 le implicatus, lasciuiare, sanguine gaudere, pecu-
 nias optimatum sitire, necem illis moliri cœpit:
 occasi-

occasionem nactus, quosdam obtruncat: cæteris omnibus ficto generali conuiuio, insidias parat. Matri consilium aperit. Ea fratrem suum, qui, Campsous Ciarchesius nomine, de optimatibus & ipse vnus erat iugulandus, monet, nè eo die, quanuis inuitatus, accedat: eius nepotis filij sui mentem detegit. Campsous Ciarchesius nepoti iratus, qui talia machinaretur, optimates conuocat. Imminens periculum enarrat: sibi consulant edicit. Optimates vbi adolescentis animũ, quò tendat, intelligũt, Campsoo Ciarchesio magna ob propalatum facinus pollicetur. Rem dissimulāt. Acbardinus intereà & Campsous Campsomia, potentissimi duo primates, alter pecuniarium amplitudine, beneuolentia fretus amicorum alter, sese inuicem duabus pugnis aperto Marte, & collatis signis, ita prosternunt, vt vitæ tædio confectus Acbardinus mortem obierit: Campsous autem Campsomia, domo, bonis, patria, extorris lateat, incertũ an viuat. Ab his duobus diuersa inter ipsos studia, diuersæq; factiones, quæ nunc eos exagitant, exortæ sunt. Inde q; est, vt intra sextum à Caitbeio annum quinquies iam Soldanicam sedem euacuârint: & sese inuicem Mameluchi veterani suis quique partibus fauentes, telis consumpserint. Ad iam perturbatos optimates redeamus. Per Tomumbeiu quendam armorum ducem, interioris inter principes ordinis, cui etiam Mammetes necem fuerat minitatus, insidias Mammeti parant. Mammetem simul & duos eius amitinos, quorum consilio regebatur, structo intra tentoria castrensia conuiuio, in agro iuxta viam, quâ facturũ Mammetem iter ad quædam lasciuia pulpamenta didicerat inuitatum, obtruncat ex insperato Tomumbe-

mumbeius. Hic fuit infelicitis adolescentis exitus,
 triennio nondum peracto, à patre, dum moreretur,
 prauus. Principes verò, tum vt amicorum
 Mammetis animos mitigarent, tum etiam vt ac-
 cepti à Campsoo Ciarchesio beneficij se gratos
 ostenderet, Campsoum Ciarchesium eius auun-
 culum, Tomūbeio nepotis interfectore tractan-
 te, coronant. Tomumbeius in prodicionis mer-
 cedem Emirchebir creatur. Is est magistratus pri-
 mus post Soldanum: exercitibus nanque præest.
 Rebus sic stantibus, Zamballatus, qui Damasco
 Syriæq; præerat, creationi non assentitur: arma
 contra Soldanum parat: est enim eius guberna-
 tionis magna potentia. Tomumbeius sese debel-
 laturum Zāballatum offert. Soldanus Tomum-
 beij proditoris versutiam noscens, quāuis time-
 ret, dissimulat tamen: vtq; fideliter ac fortiter se
 gerat contra hostem, remq; peragat prudenter,
 hortatur, suadet, rogat, multa pollicetur. Sed in-
 casum omnia. Colligit exercitum Tomumbe-
 ius: in Zamballatum mouet: in Syriam profi-
 ciscitur. Conuenit Zamballatum: nouam pro-
 ditionem adstruit: colloquuntur: fœdus ineunt,
 Cairum veniunt: Campsoo Ciarchesio regnum
 abripiunt. Præhendunt Alexandria intra muni-
 tam arcem: custodijs fidis traditur. Imperauit
 hic menses tantum viginti. Zamballatum sce-
 pto præficiunt. Nemini parcere Zamballatus
 cœpit. Optimatum quosdam diuersarum parti-
 um strangulat: alios in exilium mittit: plerisq;
 perniciem machinatur. Venetos, Genuenses, cæ-
 terosq; mercatores in Soldanicis regnis cōmer-
 cia tractantes, expilat, in carcerem & catenas tru-
 dit, tormentis, vt ab eis pecuniam extorqueat,
 affligit: nullū deniq; sæuitiæ genus prætermittit.
 In

In odiū ppter eā principū & Mameluchorū oī m
incidit. Quapropter eodē Tomūbeio, cuius du-
ctu emerferat, moliente, pceres à Zamballato de-
ficiunt: intra castellū regiā domum, illū obsidēt.
In diem nonū capitur. Alexandriā & ipse vinctus,
vt fraus fraude puniatur, custodiendus mittitur:
in ipso carcere post tertiū vix mensem vita stran-
gulatur. Imperavit hic menses non integros no-
uem. Regia in Tomumbeij potestātē venit. Sedē
capit. Coronatur. Tomūbeius cū primū sce-
ptro potitus est, non modò in diuersæ factionis
proceres & Mameluchos, quorū arma vereretur,
sed etiam in populū, crudelitate media sese im-
peraturum existimans, sēuire cōpit: nouas ex-
actiones excogitat: sed præter cæteras, vnā im-
moderatā promulgat: taxari domos omnes tam
incolarum q̄ procerum & Mameluchorum im-
peravit: pro cuiusq̄ domūs valore locationem
exegit semestrem: qua exacta, iterū persolui
aliam voluit grauiorē. Quanto enim qualibet
domus, huic rei præpositorum arbitrio, decem
mensū tempore locari, si locanda foret, cōpe-
teret, tantū extorsit. Audite aliud intolerandum.
Hic tam suæ legis hominum, q̄ Christicolarum &
Iudæorum, quoscunq̄ diuites fama esse didici-
set, de medio tollere, quæsitis occasiōibus, nite-
batur. Cūque proscriptorum domos integras
aliquandò deprædaretur, supellectilia bonaque
omnia, quæ de miserorum thesauris rapiebat, ad
mercatores & ciues diuēdenda mittebat, cū man-
dato, vt illa duplo coēmerent. Quòd si primo
edicto recusassent, non minorem in eos sēuitiam
exercebat, quàm si in crimen læsæ maiestatis in-
cidissent. Consilium igitur proceres omnes inie-
runt. Arma capiunt, castellum sepiūt, Tomum-
beium

beium obsident. Qui die septimo, de victoria, ob scelerum conscientiam, desperans, per cuniculos è castello descendit, intra urbem aufugit. Dies latitat quadraginta. Proditus tandem à suis met affeclis, à Zamballati familiaribus, quē strangulari iusserat, trucidatur. Ità octauo nōdūm mense peracto, generalis perniciēs gladijs inimicorū confoditur. Conueniunt procures ut imperatorem deligāt: omniumq; suffragijs stat, Campsolum Gaurum, qui tunc Deudarius, id est, curiæ prætor erat, imperatorem creare: tum quoniam Tomumbeio deuinctus erat intima necessitudine, ut Tomumbeie factionis perturbatos animos pacarent: tum quòd is neque uaser uir esset, neq; potentia pecuniarum pollens. Quare deiecturos se illum facile post sedatos Tomumbeianorum furores arbitrabantur. Campsolum igitur Gaurum adeunt: sceptrum offerunt. Renuit Gaurus: ut se coronari patiatur, hortantur. Inclamitando iterū recusat. Instant hi, abijcit ille. Se nullo pacto idem onus subiturum, nolleq; se huic tanto periculo addicere, frendens prædicat. Imperitum, impotentem, ineptum se, huic tantæ machinæ regendæ, fatetur. Ex aduerso illum stimulant: & quo acrius sumere prouinciā abnegabat, eo auidius illi, ut prouinciāsumeret, persuadere conabantur. Id cū assequi ab eo minimè possent, pensilem illum & illata vi in castellum portant. In solium locant regium. Pontificem, qui eum scepro coronæque muniat, adducunt. Is iterū (astus & similitates collegarum ac perfidiam noscens, nihil sibi minùs quàm quod alijs acciderat, pertimescens) conqueritur cogi se, qui minimè diues sit, ad imperiū capeffendum: cū nassacá, id est, donatium, Mameluchorum minimè

nimè potis sit persolvere. Vetus est enim apud ipsos consuetudo, vt quicunque assumuntur in regni habenas, singulis Mameluchis drachmas auri centum in strenas, proceribus verò pro cuiusque gradu diuersa millia, impartiat. Quod donatiuum ipsi vocant naffacá, vltima acuta. Nec proditionis nota illi Mameluchi aut optimates taxantur, qui contra eum Soldanum arma ceperint, à quo pecuniarum hanc summam non habuerint. Quæ nummorum copia, excedens interdum decies centena millia drachmarum auri, Soldanos cogit plerumque eas extorsiones exercere. Ad hoc proceres suo Mameluchorumque priuatorum nomine Gauro respondent: Bono animo sit: octo se menses, donè ex regnorum prouentibus pecuniam colligat, expectaturos suum quisque naffacá pollicentur. Sedet igitur quanuis inuitus Campsous Gaurus. Isque est, quem vestro catholico nomine legatus adiui: sed in regno securior cæteris, quod iisdem artibus sibi non parauerit imperium, quod ve ipsis benignitate præcellat. Ast, vt solet in reliquis inter mortales, fortuna vices nostras commutauit: quandò paratissimas habiturum mihi Soldani aures arbitrabar, tunc à primo proposito longè alienum comperi. Multa enim tum in caput meum, tum in vestram famam, oratores Afri (quos in foribus Soldanicis mæstos expectare nostrum euentum supra memorauimus) cum populo & optimatibus moliti fuerant: adeoque illos suo & Granatensium ac Iudæorum expulso nomine subornauerant, vt primarij Soldanicæ parti inhaerentes, eum turbati adierint, illique ruinam imminere prænunciant: quia publicis vocibus, Soldanum, qui regum suæ legis hostium oratorem honorifice tractauerit, Christicolam

D d esse,

esse, ipsiq; Maurorū perniciem placere, per urbem populus vniuersus proclamat: Sibi suisque consulat, hortantur. Maximum esse iam inter Mameluchos, diuersarum partium præcipuè, murmur exortum: qui, vt recens capiant naffacā, rerum nouarum studiosissimi sunt: mutariq; Soldanum quoto mense exoptant. Nec vehementiorem aliam emergere posse occasionē, qua promptius Mameluchi ad arma capienda, si seductor princeps oboriatur, induci queant, quā tutandæ Mahometicæ legis, vt populo gratū faciant. Soldanus his atque alijs pluribus à suis proceribus auditis, timens nè ipse quoque præceps deijciatur, quanuis inuitus, Trucimanum accersit: quæ proceres retulissent, enarrat. Vt me notū educat, nè qua populi seditio cooriatur, imperat. Veniā à me petat, edicit: non posse sine suo suorumq; discrimine me hætenus admittere, dolens aperit. Proceres Trucimano, quod mihi fauere videbatur, coram Soldano mortem minitantur. Tyrannos vos esse ac violentos & fidefragos reges, intra quorum ditionem sit Trucimanus oriundus, iactatis manibus & fronte rugosa despumant. Literasq; tutelares, vestris catholicis nominibus ac sigillis insignitas, ab eis quos ob nefanda scelera eiecistis, allatas plures ostendunt. Trucimanus igitur Soldani dicto perturbatus, & procerum minis perterritus, ad me Saturni die pridie Nonas Februarij, iam declinante, reuertitur, quæ gesta sint, enarrat: vt me ad discessum accingā, Soldani nomine, iubet: tutelares Maurorum literas ostendit. Ego autem in Trucimani pallentis faciem protentis oculis parumpèr hæsitans, ex intestinis, vt aiunt, cor fabricans, frendere ac iactare dexteram, ira concitus, in Soldanum

num & suos proceres verba iacere ignominiosa
cœpi: Barbaros esse, qui primis delationibus mo-
ueantur, proclamo. Potentiam eorum esse ferè
nullam, vestram verò immensam. Posse illis, quic-
quid emergat, nocere: vobis autem neque robur
adamantinum, ostēdo. Ipsos esse numero paucos,
& hac tempestate imbelles: vestros incolas innu-
meros, & bello aptos esse omnes, aperio. Argu-
mentum amplitudinis vestræ à Cantabris, quos
Bizcainos: & Laletanis, quos Catalanos nuncupa-
tis, capiant. Qui cū sint vestrorum regnorum
populi quidam minutissimi, ab omni hominum
memoria illorum semper littora incursionibus
piraticis infestârunt. Mulieres etiā interdū no-
strates, Maurorum acies profligâsse compertum
est. Eant igitur, eant tuus hic Soldanus & sui pro-
ceres, nos armis adoriâtur: & vlcisci, si qua sit per
meos reges illata Mauris iniuria, aggrediâtur. Me-
diusfidiis, Tangaribardine, arbitror, hac nostra
tempestate, qua per reginæ nostræ dotem, & re-
gis hæreditarium patrimonium, Hispania est vl-
terior citeriori adiuncta, nullam esse humanam
potentiam, quæ nobis damnum vllum inferre
potis sit. Quod verò nos, qui in vltimis Occiden-
tis oris sedem regiam habemus, magna comple-
cti possumus, colligere hinc potestis: à Gadibus
& extremis terræ oris, adusque vestrorū littorū
prospectum, imperium nostrū protenditur. Ba-
learium enim, Sardinia, Ebusi, Siciliaq, & alia-
rum plurium insularū, catholici reges mei domi-
ni sunt. Et quod maius est, ea Neapolitani regni
pars quæ Adriatico mari adiacens Orientem spe-
ctat, in eorum potestatem nupèr venit. Quæ igi-
tur est hæc inscitia vestra? quæ cæcitas tuos istos
Barbaros obtūdit, vt regū tantorū oratorē se ab-

Dd 2

ijcere

*Pulchre
Soldanum
sibi attens-
tum red-
dere stu-
det.*

ijcere posse, quin aliquandò pœnas luant, existi-
ment? Adito igitur iterum Soldanum, meoq; no-
mine illi hæc aperito, fore ut nō multò post me-
um reditum, quàm lōgas manus habeamus, quā-
ve potentes ad omnem à nobis iniuriam propul-
sandam simus, intelligat. Si verò meis dictis au-
scultauerit, luce clariùs illi ostendam, meū ad-
uentum salutem, imperijq; firmitatem ei præsti-
tutum. De his autem, quæ illi per eliminatos à
nobis, ob eorum spurcitiam, Sabbatinos Mau-
rosq; rebelles Granatenses, ad lauacrum bap-
tismi per clementiam admissos, auribus admisere:
quanvis eorum, quæ fecimus, rationem nemini
reddere cogamur, neq; potis quisquam sit à no-
bis eam exigere: plena tamen mensura satisfaciam,
& multa, quibus principum suorum animos
sedare, ac sibi proniores reddere faciliè poterit,
ipsi me dicturum polliceor. Quarè peruicaciam
deponat, ac ut benignas mihi aures in parua ho-
minum frequentia præstet, si illum amas, suade-
to. Postquàm autem quæ dixerimus intellexe-
rit, liberum ei quæcunq; constituerit, imperare,
non minùs quàm nūc erit. Tangaribardinus meis
dictis diligenter animo reconditis, respirans ali-
quantulum à concepto mœrore, pauca dehinc
mecum repetens, ad Soldanum, inter eundem
reputans, quibus modis nostra referēs illum no-
uo induat proposito, proficiscitur. Astu suo (est
enim sagacissimus & longa rerū experientia pru-
dens) Soldanum pacat, timorē soluit, spem præ-
stat. Ut per regiæ posticum ad eum solus ingre-
diar, contra morem maiorum, operam dat. (Au-
ditus fuit enim nullus vnquàm orator ab eis post
hominum memoriam secretò.) Statuto Domini-
co die, sole nondum exorto, admitto. Cœptū
est

est agi, de regni Granatenſis debellatu, de Iuda-
is eiectis, de Mauris oppreſſis multa: ſed de mu-
tata religione multo plura propoſuit. Poſtquàm
Soldanus conticuit, huiuſcemodi ego ſermonem
exorſus ſum: Sereniſſime omnium imperator
Mahometæorum, querelas minasq; ingêtes quas
interpres hic tuus nudiuſtertiùs ad me detulit,
quaſq; tu præſens edicis, diligenter memoria ſuſ-
cepi. Quarè ſi mihi, vt quæ ſentiam reſponde-
re poſſim, venia præſtabitur, tibi & oratorio mu-
neri meo latè ſatiſfactum iri ſcio. Aures ſe mihi
daturum faciles pollicetur: quæcunque in men-
tem venerint, loquendi venia impenditur. Tunc
ſi cediſſero: Granatam multasq; illius regni mu-
nitas vrbes, catholicos reges meos tuæ legis cul-
toribus ademiſſe: victis fidem non ſeruâſſe, per
vim ad Chriſtum multa Maurorum millia coë-
giſſe, conquereris: dehinc te daturum operam,
vt ipſos facti pœniteat, minatus es. Hoc primū,
magne imperator, vt ordine vtar præpoſtero, ha-
beto. Catholicos regem & reginam Hispaniarū
(qui me miſerunt, vt quædam Hieroſolymorū
incolarum nomine à te impetrarem, non vt tibi
de factis eorum rationem redderem) eſſe ità po-
tentes ſcito, vt nullas humanas vires aut arma ve-
reantur: propterea ſuperuacaneum eſt exiſtima-
re, minas poſſe quicquā proficere. In caput enim
cuiuſque nos impetere volentis, eius audacia re-
cudetur. Eſt enim illorū imperij amplitudo in-
gens adeò, vt ab Oceano qua ſol décidit, aduſque
ſinum Adriaticum, qua latus Italiæ tua littora
proſpectat, per Herculeum fretum tractu per-
petuo cum Sicilia & Calabria, quæ magna Græ-
cia quondam appellabatur, & Apulia, parandis
bellis aptiſſimis, cuncta his ſubiaceant. Quàm

*Oratio
oratoris
ad Solda-
num iras-
tum.*

innumeras possint armatorum copias, quando-
 cunque opus esset, comparare: quàm strenuus
 sit quicumque Hispanias miles incolat, q̃ domi-
 nis fidus: quàm dicto parētes suos principes, qui
 potentissimi sunt, mei reges habeant, incredibi-
 le dictu est. A summo nanque ad minimum, ab
 agricola ad auratum equitem, nullus est intra or-
 bem Hispanum, qui non se tunc gloriosius viue-
 re, quandò emori pro regibus suis succurrerit, q̃
 vivere vitam, arbitretur. De his nō plura: quan-
 doquidem meo nomine Tāgaribardinus tibi cæ-
 tera cumulanter enumerauerit. Nunc autē, quan-
 uis nec tibi, aut viuentium cuiquam à nobis ra-
 tionem exigere posse vires sufficiant: nec vt tibi
 horum, quæ nunc dicam, quicquā proponerem,
 mihi demandatum sit: cū iam satis, quanti sint
 mei reges, intellexeris: quales sint, & quàm longè
 alij q̃ tu tibi persuadeas, audito. Regnum illud
 Granatense, quod debellatum à nobis isti cōque-
 runtur, contra ius fasq̃, Iuliano duce, qui Calpæ
 & Septæ, aliorumq̃ pluriū oppidorū in occidui
 maris faucibus dominus erat, cum reliquis Hi-
 spaniarum regnis Mauri quondam armis occu-
 pauerant. Is enim Iulianus occasionem nactus, q̃
 Rodericus rex, qui tunc vniuersæ imperitabat
 Hispaniæ, filiam suā de reginæ nymphis vnā stu-
 prasset: Miramamolinū Mahometicæ legis mo-
 narchā cum ingēti exercitu ex Mauritania in eam
 Hispaniæ orā q̃ Bética dicitur, traduxit: totamq̃,
 p̃stigatis ter per Iulianum collatis signis Roderici
 copijs, Miramamolinus, p̃ter pauca mōtana, op-
 pressit. Adeoq̃ postq̃ sibi Miramamolinus Hispan-
 niam vsurpauit, in Christicolas omnes sœuitum
 est, vt relictus fuerit nullus Christū recusans ab-
 negare, qui Maurorū gladijs non interierit. Trāf-
 actis

aetis annorum iam pluribus curriculum, Christicola tandem resipiscens, aliquantisper ab hac dira illiuvie sese redimere attentarunt. Pelagio quodam nobili duce de montibus pedetentim descendunt: Maurorum copias, foeminis etiam rupibus cum saxorum deiectione primum, deinde cum telis adiuuantibus, profligant: retrocedere, montium radices deferere, intra munitas vrbes se recipere, cogunt. Quare paulatim Christicolarum animos necessitate, iustitia, Maurorumque truculenta tyrannide, indies magis ac magis excutientibus, Hispaniae vtriusque ceteras regiones meorum regum proavi in libertatem vindicarunt: quod verò supererat, ipsi nuper virtute bellica domuerunt. Affecimus igitur iniuriam neminem: cum ius suum tueri, suaque de iniuste possidetium manibus cuique liceat, cum possit, abripere. Quod verò fidefragos illos, aduersa tantum parte audita, ita solutis habenis appelles: victisque non percipisse, conqueraris, (da veniam quaeso) temere factum est: nec decuit maiestatem tuam, nobis inauditis, in ea verba non rege digna prorumpere. Oro, attendas, imperator optime: Cum Granatensis regni vrbes in deditionem nostram venissent, multi à meis regibus, ut in regno natalique solo suo cum liberis & vxoribus permanere liceret: alij, ut discedere possent, literas tutelares impetrabant: quas illis mei reges capitibus interpositis, dummodò in fide persisteret, neve quicquam contra eorum maiestatem committerent, impartiebantur. Nunc autem hi, quorum plurimi scelerum conscij, aufugerunt: alij rationis inimici, & nouarum rerum cupidi, rebelles, seditiosi, facinoribusque imbuti, ad te confluunt: exaratas à meorum regum clementia literas ostendunt;

dunt: quid ipsi admiserint, occludunt, cooperiunt, tacent: fugam suam, electionem & perfidiam appellant. Constat nunquam, de ore meorum regum, verbum ullum vanum aut mendax excidisse. Ad baptismum præterea Granatenses omnes vi coactos fuisse, tibi ementiti sunt: nihil à verò semotius viua vox vlla protulit vnquam. Vnde, quam perniciosum sit, primis flagitiosorum delationibus ad iram moueri, colligito. Catholici rex & regina Hispaniarum, se multo magis re quam nomine Christianos esse profitentur. Christianum eum nos appellamus, qui Christi vestigia nititur imitari, doctrinam sequi, legem seruare. Christus neminem vnquam ad se inuitum adducere aut allicere est conatus: vim cuiquam, vt Christianus efficiatur, inferri præcepit nunquam: immò nostra lege cautum est apertè, nè quisquã alienæ legis vllius cultorè metu aut vi impellere audeat: cuius rei tibi sint argumento Maurorum tot millia, quot per tua regna transineârunt, ac Iudæorū multitudo ingens expulsa. Hos omnes, cùm sub eorum essent potestate, nōne ad baptismum coëgissent, si per legem licuisset? Cùm igitur non eos coëgerint: cùm libera illis, quacunque federet animo proficisci, amplè sit via patefacta: quàm leuiter falsoque te Granatenses obtundant, cognoscito. Granatenses quater sumptis armis, (quæ nullo modo habere quenquam apud se ex composito & fœdere conscripto licebat) in vrbe ipsa sceptratos præfectos, in Bellesychio munito oppido plures electos milites, in Rondæ conuallibus armorū duces cū ingētibus copijs, trucidarunt. In mōtibus verò niuosis, quos Alpuxarrenses vocāt, in quorū radicibus Granata vrbs iacet, locorū asperrima freti natura, ita furiatis animis de-

*Nemo armis ad fidem Christi cogen-
dus.*

fecerunt, vt regem ipsum, cum centum millibus
peditum, quindecim autem equitum, pertinaci-
ter expectârint: nec cedere vnquam, aut arma
deponere voluêrunt, donèc aperto Marte profligati,
plures interierint. Quibus isti supplicijs affici
merebâtur? Quæ mulcta satis erat ad hæc scelera?
Excoriari à vertice ad pedum plantam ipsi, vtq;
filij & vxores ipforum cum omni familia in
seruitutem redigerentur, bona fisco addicerêtur,
ex lege promeriti fuerant. Cùm in hæc sese pericula,
sua nimirum dementia, coniectos cerneret,
emissis ad cælos vocibus, Baptisma Baptisma,
proclamare omnes passim cœperunt. Catholici
verò domini mei, quibus est institum à natura, esse
iustos, misericordes & pios, ad eas supplicum
preces commoti, tantorum facinorum illis veniam,
vxoribus ac natis libertatem, bonorum remissionem,
animo clementissimo sunt impartiti. Eo tamen præcipuè,
quòd nostra lege, vt neminè cogere recusantem,
itâ neminem abijcere venientem, sancitum sit. Eia
nunc optime imperator, quid, si tot ab incolis tuis,
alienæ legis præsertim, in te ausu temerario
commissa fuissent facinora? Satis ne animo tuo
satisfactum fuisset Mahometica ipsos instituta
implorâsse? minimè quidem arbitror: tanto
maximè cum pecuniario damno. Eorū nanque
spolia, si cum vxoribus & filijs eorum bona
venū fuissent exposita, decennales tuos
redditus proculdubiò superâssent. Nec te
prætereant velim, duo esse regna, Valentinum
scilicet & Aragonium, hæreditario iure antiquissimo
regibus meis subiecta: in quibus plura Mahometæ-
orum, quàm Christianorum millia, omnium
opinionè, degunt. Hi habere sua templa, equis
ambulare, tela, cùm iter faciūt, gestare, ædificare do-
mos,

mos, agros colere, armenta possidere, non minùs liberè, atquè Christianis ipsis, permittitur: nec minores pœnas dat Christicola, qui Maurum molestiavel iniuria afficiat, quàm si Maurus Christicolâ. Quàm beatè isti sub meorû regû imperio, cùm pacifici sint, & minimè seditiosi, viuât, si scrutaberis, Granatêses meritissimas luisse pœnas iudicabis. De Iudæis autè, deterioribusq; neophytis exlegibus, quæ te cura fatigat? quid ad te? Hi sunt à meis regibus de oïbus eorû regnis, tanq̃ rabida pestis, eliminati. Pròh si scires, q̃ morbosû, q̃ pestiferû, quâq; cõtagiosum pecus istud, de quo loqueris, sit. Tactu omnia fœdant, visu corrumpunt, sermone destruunt, diuina & humana perturbant, inficiunt, prostrant, miseros vicinos circunueniunt, radicitus expilant, funestant: vbi-
cunque pecunias esse præsentunt, tanquàm odori canes insequuntur, detegunt, effodiunt: per mendacia, periuria, dolos, insidias, per lites, si cetera non suppetunt, extorquere illas laborant: aliena miseria, dolore, gemitu & mœstitia gaudent: felicitati inuident. Perniciem notis omnibus atque etiam sibi inuicem semper cum fremitu machinantur. Væ domibus, quarum istis secreta rimari licet. Nosces aliquândò, nosces, si longos annos tibi fata præstiterint, quod hominum genus hoc sit, cui tu patrociniû præstas, quod intra tuas oues commisces: quàm obscœnum, detestabile, vile, execrandû: quàm deniquè detrudi debeat ab omni humano commercio. Sapiētissimos viuentium tunc fuisse meos reges fateberis, quandò de tam reijculo & morboſo pecore exterminare cogitârūt. Si hos amas, hos tibi habeto. Quid vis tibi referat gens hæc abiecta? latro ne aut subdolus proditor, si quem tu eiusmodi
morte

morte dignum in exilium miseris, vel tantum flagellari iusseris, cum per alienas terras vagabitur, maiestatem ne tuam laudabit? Misericordem te propterea vel clementem appellabit? non certe: quocunque enim diuerterit, te crudelem, impium, bonorum persecutorem, se iniuste depulsum, predicabit: sua scelera tacebit. Ast si in prudentem aliquem auditorem inciderit, te iniustum esse, tua causa non audita, minimè persuasum relinquet. Quare, serenissime imperator, aduertito, nè hi nefarii delatores in aliquam te calamitatem conijciant: si tibi consulueris, tuæ posthac aures liminaque hominibus huiusmodi nunquam patebunt. De his iam satis multa. Nunc autem ut ad te iam veniam: si ea, quæ sum meorum regum nomine petiturus, impetrauero, rumores à me ipso per hanc amplissimam urbem tuæ ditioni subiectam, per Trucimanum, reliquos etiam Palatinos qui mecum versantur, spargam: aduenisse me, fratrum foedus te cum meis regibus iniisse, easque classes quas in Apuliæ Calabriæque portibus habent, cum delectis militum copijs, præstare fore, si qua in te defectio exoriat, aut bellica vis ingruerit, ut huc volitent in auxilium tibi, predicabimus. Ità in hac tuorum principum inconstantia, & imperandi cupiditate, nostræ, etsi fictæ, amicitiae fama, cum simus mari & terris adeo potentes, maximam tibi poterit vtilitatem parere. Temperatiùs nanque de insurgendo in te, armisque capiendis, tui aduersæ partis principes, si hoc suspicantur, cogitabunt. Finitimi prætereà reges, qui Syriæ felicissimæ prouinciæ tuæ inhiant, seriùs te bello tentare audebunt, si nos in tuum auxilium venturos verebuntur. Aperito igitur mentis oculos, serenissime imperator,
& for.

& sortem, quæ sese tibi obtulit, opportunam apprehendito: libentiq; animo ea perficito, quæ mei reges exoptant: & fortè sedes hæc tua, quæ subtili vitro fragilior est, in adamantinum robur ex hoc nostro commercio conuertetur. Quæ autem petimus, summe imperator, factu quidem facilima, tunc tibi aperiam, quandò pacato ab ista iracunda perturbatione animo ad teipsum te rediisse cognouero. Hæc ego. Soldanus verò, inter eà dum ego ista recensebam, ex ore meo, quanuis ea minimè caperet, meos motus tamen tum iracundos, tum placidos, acutos, interdum graues colligens, pendebat: scire iam, quæ dixissem, maiorem in modum affectabat. Tangaribardinus interpretres inter nos tertius, qui non minùs, quàm ego ipse, vestræ gloriæ cupidus esse mihi visus est, auido Soldano, affectu non minore, non inferiore animo, lingua nō timidiore, suo idiomate quæ proposueram, refert. Inflatus interdum de vestra potentia rubicundo vultu edisserit: placido interdum sermone ac ore subrisibili solertissimè, de vestra erga bonos benignitate recenset: atque etiam interdum, quàm virtute bellica felices sitis, enarrans, minabundos oculos attollit. Gaudebam ego, Soldani intentum animum, nutusq; dicta cōcipientes inspiciens. Postquàm igitur Tangaribardinus finem sermoni suo fecit, Soldanus sese amicis oculis ad me conuertit: & multa iterum de vobis, de regnis vestris, percontatur: an vera sint, quæ ego de vestra in rebelles Mauros clementia argumentatus fueram, interrogat. Vero esse omnia veriora quæ dixissem, affirmo: posseq; id illi facile fieri compertissimum, si ad vos oratores vel secretò exploratores miserit, aperio. Quod si fecerit, quanti sint momenti res vestræ, quan-

quantum 've stabilitati ipsius simulatæ nostræ societatis sparsus vulgò rumor cōducere potis sit, ipsum cognosciturum, enuncio. His atq; alijs pluribus ab ortu solis adusque meridiem ità discussis, confirmatis, confutatis, conclusis, vestra mandata aperio. Soldanus ad ea omnia perficiēda, quæ vestro nomine petiero, animum disponit: me dimittit. Principes propter metum concitatæ multitudinis perturbatos, ad se iubet tā fīctos quàm amicos die postero accersiri: nè facile improborum susurris Iudæorum, & profugorum Granatensiū querelis moueantur, monet: periculosum esse quacunque in causa, altera partium tantum autlita, iudicare. Iudæorum fraudes, nequitiam, hostilitatem in omne genus hominum, meis verbis proponit. Nè sit illis de tam fœtido, despecto, liuido, scabiosoq; pecore sollicitudo, suadet. De Mauroorum autem leuiū Granatensium conquestibus, inconstantiam, defectiones, crudelitatem ipsorum, vestrorum verò ducum ac militum interneccionem, edisserit. Quid foret interrogat, si talia per suos subditos in se vlllo tempore emerfissent facinora: aut si sumptis armis tot in ipsos Christianorum millia defecissent, quot Mauroorum in vestram coronam defecerunt. De vestrorum regnorum amplitudine, de potentia, felicitateq; vestra, multa ipsemet enarrat: quantā possit regum tantorum amicitia sibi & ipsis vtilitatē afferre, pronunciat. Horrescunt proceres exempli simulacro: vos admirantur, quæ ipsos agebat, curam eijciunt. Soldano vnanimis omnes, quòd sibi ipsisq; adeò prudenter prouideat, assurgunt, gratias alij fīctas, ex corde imo alij depromptas, agūt. Soldanus deindè proceribus benè persuasis, domumq; dimissis, Trucimano accersito
impe.

imperat, vt famulos à manu regios ad me ducat: vt quæcunque ordiner ego, ipsi contexerent: chirographa quæcunq; vellem, conscriberent: ad se postmodum sua manu signanda perferrent. Mandatū Trucimani exequitur: ad me veniunt chirographarij. Consilium ego & Hierosolymitani templarij, qui ad me per cursores acciti venerāt, inimus. Petitiones vestras conscribimus: (quarū prætectu vos me, catholici reges, ad iram horum Barbarorum pacandam, qui se Christicolas omnes orientales demersuros vestra causa minabantur, oratorem misistis) Vt Hierosolymis vetustate collapsa reficere, vt ea quæ ruinam minantur, à nostris maioribus ad Christi memoriā ædificata, resarcire permittatur: quæ Mahometæi sacerdotes nullo vnquā tempore ab imperio Christicolis erepto renouare passi sunt. Soldanis enim præteritis, Mahometæa lege vetitum id fuisse, sacerdotes persuaferāt. Neq; in ipsa vrbe solum, sed in Beryto, Rama, Bethleem, cæterisq; locis, quibus extant aliqua de Christi gestis monumenta, modò velitis, iam licet reficere. Prætereà vt nouæ exactiones & recentia tributa tollantur, quæ per Soldanicos magistratus in peregrinos ad intolerandum iam cumulum adaucta fuerant, & persolvere nemo iam quiret: vtq; ignominijs in peregrinos illatis prouideretur: ad vetera maiorum tributa, peregrinorum persolutiones redigantur: si quis peregrinum posthac molestia vel ignominia confecerit, grauius puniatur, efflagito. Hæc breuibus, Christianissimi duo consortes & clara orbis lumina, nè grauib; implicitos longa nimis oratione fatigem. Ad alia igitur deueniamus. Intereà dum chirographa per famulos à manu expediuntur, negocijs iam exolutus,

lulus, si quæ sint Aegyptiorum veterum adhuc per ea loca monumenta, perquirens, duas pyramides miræ magnitudinis trans Nilum in agro Babylonico, ad milliare tamen circiter vigesimum extare cognosco: ab vrbenanque ipsa Cairo apparent. Quarè vt mihi liceat conuicina lustrare, à Soldano per Trucimanum exposco. Placere sibi summoperè Soldanus respondet. Attamen nè sine tuto comitatu vlllo pacto exeam domo, imperat: propter populum ab oratoribus Afris, à Iudæis, à neophytis exlegibus, & à Granatensibus ad iram impulsus. Confestimq; duos ex Palatinis sibi charioribus principibus accersit: vt ad me veniant, nè me vnquam deferant, nè detrimenti quid mihi aut molestiæ accidat, edicit. Trucimanum, qui nobis erat dux futurus, vt omnia diligenter inspectet, periculis omnibus prouideat, vt incolumes ducamur ac reducamur, cum animi angore & ingenti solitudine monet: se curam non depositurum, donec nos rediisse præscierit, enunciat. Postero die, qui erat septimus Iduum Februarij, hora antelucana, facibus accensis præeuntibus, ad visendas pyramides iter capturus exeo, Trucimano & duobus aulicis optimatibus cum ingenti comitatu me circumsipientibus. Ibì ciuitatis eius longitudinem esse immensam hoc argumento collegi. Trucimani domus, quæ mihi hospitio fuerat obsignata, mœnibus vrbis inhærebat: à latere tamen vrbis initio aduerso Nilo stadia circiter quatuor. Nec vrbis ipsius vltimum suburbium, quod adhuc Babylon ipsi appellant, percurrere desieramus, quandò iam sol ab horizonte nihil minus horis duabus emerferat: alicubi tamen sine domorum frequentia ple-

risque

risque spatiolis interiectis. Vrbe igitur à tergo relictā, cū primū Nilum tranauimus, inter palmeta, quæ visum adhuc nobis parump̄r præpediebant, sese nobis instar montium elatæ in planitie vasta pyramides offerunt. Has adimus: visas admiramur. Tunc Bilbilitani vatis Hispani vestri Martialis carmen de pyramidum miraculis non ineptè prolatū iudicaui. Sunt quidē inauditæ molis, ingens structura: nec iam, quæ de viginti millibus hominum, cum viginti annorum labore, cum inenarrabili panis, ceparum ac porrorum numero & pondere, ab historicis edisseruntur, fabulosa esse contenderem. Ipsarum tamē altera grādiōr est, sed forma pares. Sunt namque pyramides omnes orthogoniæ, æquilateræ, amplē, ab imo in acutum semper ad verticem usque leniter tendentes. Est earum altitudo ingens adeo, quod in radice stantibus quicunque ascenderit, dimidio minor videatur. Per ipsarum ego rupturas, quæ fuerunt ad alia intra urbem ædificia construenda excoriatæ, ex meis familiaribus iussi quosdam ascendere: qui caligari sibi despicendo oculos, mariaq; ac terras sese sub pedibus habere existimasse, retulerūt. Ab imo in modum turbinis acui videntur: sed lapideam tabulā triginta hominum capacem, quæ totū claudit opus, in culmine maioris iacere, qui ascenderāt, nobis enarrarunt. Huius ego ipse grandioris circumferentiam dimensus, de quatuor lateribus vnū reperi quindecim supra tercentum meis passibus constare. Quare quod extra solum patet, esse passuum in gyro circiter tercentum supra mille colligitur: sed longa vetustate, saxorumq; fragmentis tellurē ibi plures cubitos creuisse, subrutamq; nunc esse pyramidem, & multo quondam fuisse
spatio-

tiosiore, compræhenditur. Nec his contentus, solidâ ne sit, aut cōcaua pyramis, interrogo. Tunc sic ex principibus alter sermonē orditur: Ex quo structuram hanc, quisquis veterum illam condiderit, absoluit, incolarum nemini constitit vnq̃: aditum habere, aut concauam esse præsenfit: neq̃ enim magnæ nobis curæ est huiusmodi secreta indagare: nostra verò tēpestare ignotus quidam ex Mauritania vobis finitima, 'qui sibi peritiâ antiquitatis arrogabat, ad nos venit, Soldanū efflagitat, vt ostium pyramidis huius, quod se didicisse prædicabat, aperire liceret: inuenturum sese absconditos thesauros inquiens. Venia impenditur: huc venit: pyramidis huius latus æstiuum orientale perquirat: ostium clausum paulò differentē à cæteris inuenit: claudentem ostium lapidem tollit, qui iacebat in ipsius lateris medio, ab imo dimetiendo ad summū. Nec vir iste vsquàm gentium apparuit vltrà. Pyramidē igitur lustrauimus: & quâ Maurus ille aditū patefecerat, latus capimus: ex meis comitibus iussi, cum facibus accēsis siliceq̃ parato ad ignem, si faces extinguerentur, excutiendum introire. Ego autem & vnâ mecum principes ex ostij faucibus despectamus. Est via leniter decliuis, lubrica, marmorea, angusta, passuū clxxv. vtī aiunt, qua vix genibus flexis, aut si pedibus, inclinato ad vterum capite, descendere liceat: descendunt igitur, quid ibi sit, quæritant: forniceam cameram passuum fortē duodecim testudineā, atq̃ penetralia duo maiori cameræ inherentia in cōcauo reperiunt: ibi grandem tumulū & paruula sepulcra iacere animaduertunt. Illustrem aliquem virum cum aut vxorum, aut pellicum, aut filiorum turba fuisse illic humatum, existimârunt. Pyramides enim sepul-

E e cralia

cralia veterū habitacula fuisse legitur. Structura
verò ipsius molis, ex lapide marmoreo flauo ali-
quantispër, non autem albido, æqua ferè mensu-
ra conciso: quadrangulares enim singuli, sed non
penitus sunt orthogoni, cū ab latitudine longi-
tudo paululū distet, à longitudine verò nihil
differt profunditas. Lapidē ex illis nullū dimen-
sus ex incuria sum: sed septipedaes longitudine
esse arbitror. Ex quodā deindē elato tumulo are-
noso, cū Oriētem australem versūs oculos fle-
xissē, plurimos colles ad milliare circiter quin-
quagesimum aduerso flumine à nobis prospicere
visus, quid illud esset, interrogo. Pyramides oēs,
atq; ex illis grandiores aliquas eis quas pertracta-
uimus, esse didici: ibiq; illustris vrbis adhuc ex-
tare vestigia, sed diruta, serpentibusq; tantū ha-
bitata retulerunt. Quarē Memphim eam fuisse,
pyramidum miraculis celebratam: non autem
Cairum vrbem, nunc prouinciæ caput, vt pleri-
que autumant, existimo: cū hīc duæ tantū,
illic innumeræ sint insignes magnitudine, lōgeq;
distent hæ à Cairo. Pyramidibus itā perlustratis,
ad milliare circiter dimidiū ducor: vbi marmo-
rei colossi corpus truncum, cui iam vetustate au-
res erant narēque collapsæ, à pectore iacebat.
Cuius fuerit quondām simulacrum illud, mini-
mè scitur. Id ego caput dimensus, octo & quin-
quaginta passus eius esse circumferentiam reperi.
His itā conspectis, domū reuersuri, per alias
eius Niliacæ planitiei pratorum semitas virenti-
um, inter equorū & camelorum copias innume-
ras, & Mameluchorum tentoria castrensia dispo-
sita, regredimur. Quidnā sibi vellent ea castra tot
iumentis circūsepta, eo præsertim anni tempore,
cū octaua Februarij esset Idus, percōtatus, hęc
à Tru-

Caput
marmo-
reum 58.
passuum.

à Trucimano, qui mores adhuc Hispanos, in his-
 ce rebus memoria tenebat, habui: Soletis in Hi-
 spania vos Aprili & plerisque in locis Maio men-
 sibus equos herbatum mittere: nos autem Ianua-
 rio & Februario mensibus iumenta nostra in pa-
 scuis habemus: illis enim temporibus sicca sunt
 iam apud nos prata omnia. Nilusq; ripas iterum
 tempore illo superare, atq; prouinciam omnem
 inundare incipit. Expectatum igitur fluminis in-
 crementum, præsens herbarum, quas aded viren-
 tes ac floridas in hac vasta planitie conspicias, op-
 portunitas: cumq; hic nullo vnq; tempore frigus
 ingens vigeat, sub dio in agris iumenta nunc ha-
 bere coguntur. Tétoria verò, in quibus nostri ad
 iumentorum curam serui destinati sese noctu re-
 cipiant, quotannis ita erigimus. Hæc ille. Ego au-
 tem inter eundum, quod opere præcium est inspi-
 cere, quem ordinē in iumentis pascendis, nè quid
 de pascuis pedibus dispergatur, seruent, delecta-
 tus sum cognoscere. Vbi primum suæ quisq; par-
 tis marginē per camelos & equos tutudit: in solo
 iam vacuo suis quisque seruus iumētis ad infixas
 terræ vacerras sudales adustas, pedes alligat po-
 steriores, vt vix protento rostro dentibus herbā
 queant apprhendere. Ea verò quæ proximior est
 depasta, vacerris euulsis, pedetentim ad herbam
 iumenta propius applicant. Singulisq; ita fit die-
 bus, donèc ad vltimos herbaturæ suæ terminos
 perueniant. Portiones enim ex illis pascuis à Sol-
 dano Mameluchis pro cuiusque gradu per peda-
 tos distribuuntur, veluti cū intra vrbe sunt de
 collecto ex horreis hordeo. Ità sole ad occasum
 vergente Nilum traicimus, domūq; reuertimur.
 Postridiè verò ab his, quibus fuerat à Soldano
 de me cura demā data, peto, vt me ad eum locum

Mamelu-
 chorū pa-
 bulandi
 modus.

vbi Christus latuerat, interea loci dum Herodes
 Hierosolymis moraretur, perducerent: tum vt
 loci nume colerem, tum etiam quoniam ibidem
 balsami arbuſta confederant, id exoptabam. Eum
 locum noſtra tempeſtate Mataræa incolæ appel-
 lant: qui ab vrbe Cairi paſſuū millia circiter de-
 cē diſtat. Mercurij igitur die, ſexto Idus Februa-
 rij, q noſtræ Quadrageſimæ primus eo anno fuit,
 vbi primū eluxit, Mataræam verſus proficiſci-
 mur: palatium primo adſpectu & prima fronte
 regali mole conſtruſtum ingredimur, in internis
 autem dirutum: eō quod deſertum, ex quo bal-
 ſami arbuſta interiēre. Illuc enim, quo tempore
 baſſamum colligebatur, Soldani, relaxādi animi
 gratia, ſeſe quotannis conferebant. Prōh dolor,
 adeo precioſi arbuſta liquoris interiēre: ſed incer-
 tum, an cuſtodū incuria, an fraude dolōve & in-
 uidia, an religione & pietate laſa, id acciderit.
 Quidam enim, viridarij cuſtodes, terrā irrigan-
 do malè temperaſſe aiunt. Ex fonte nanque viuo,
 puteali tamen, in eo loco ſcaturienti aqua exhau-
 ſta, arbuſta illa rigabātur: eumq; liquorem, quo
 baſſamum condiebatur, nutriebant: neque enim
 ex ſimplici illa materia baſſamū conſtabat: quod
 non aliter ex perfractis aut conciſis ramis per ſti-
 rias & guttas cadentes colligebatur, quā ex vi-
 tium putaturis lachrymales guttæ cadunt, cū
 apud nos verno tēpore palmites inciduntur. Sed
 nullam præter eius fontis aquam, tranſplantatis
 baſſami arbuſtis ad hoc vt naſcerentur, aut adul-
 tis vt coaleſcerent, profuiſſe vnquā, longo ex-
 perimento comprobatum eſt. Immo & cū in
 aliud ſolum transferrētur, eadem etiam aqua in-
 dē abſportata, parūm vguiſſe. Rex enim quon-
 dā Cyprius, nomine laches, Caitbeio Soldano
 permittente, arbuſta pauca cupasq; ipſa aqua ple-

nas, quibus illa irrigaret, in Cyprū afferri iussit: ubi neque balsamum procreabant, neq; frutices diū vixerunt. Qui verò fraudem intercessisse suspicantur, mulierem custodis ipsius horti vxorē, consultò interiorē textam multitiā, mēstruo illitā, fonte immerfisse, referunt: menstrualisq; veneni vim adēdō atrocem fuisse, vt aqua infecta arborum radices omnes, cū per illas riuuli deducerentur, concremauerit. Ast qui lāsam pietatem fuisse credunt, itā prādicant: Cautum fuit semper priscorum regum Soldanorum decreto, nē Iudaicā peruicaciā balsametum quisquam ingrederetur: nē quid ignominiosum in loci numen perpetrarent: cū in eo fonte paruuli Iesu, quo tempore in Aegypto latitauit, pānos quibus inuoluebatur, Maria virgo lauerit: ubiq; arbuta germinabant, ibi soli siccandos exposuerit. Beatā nanque virginem Mauri obseruant, eiusq; nomen religiosissimē venerātur. Incautos igitur ad horti custodiam Soldani œconomos, Iudæum, qui se Maurum profitebatur, admisisse inquit: Iudæamq; vxorem suā quam intromisit, paruulum vtriūque filium, lintea q; infantuli, in opprobriū loti Christi, in ipso fonte immerfisse, ac lintea ibidē siccandā protendisse, volunt. Quare terram, cuius virtute arbuta germinabāt, fontēq; cuius vigore rigata nutriebātur, ilicō post contumeliā, vim suā amisisse inhæsitāter inquit. Vt cūquē sit, omnia illa arbuta radicibus interiēre, nec vllū ex eis extat vestigiū. Ea in roseti modum aucta, intra quinquenniū senescebāt: sed ipsorū rami in idē solū transplātati, facile ad suū genus instaurandum pullulabant. Est autem id balsameti spatium passuum longitudine numero circiter ducentorū, latitudine verò non multo plus

Ee 3 dimi.

dimidio: terreis aggeribus sine calce ac lapidibus
 circumseptum. Dum interea ego ista perquirerē,
 sub vicino quodā tuguriolo, in quo infantulum
 Iesum virgo latens lactabat, sacris dicendis mihi
 altare paratur: quibus per eum, qui Hierosoly-
 mis cœnobij beati Francisci in monte Sion Guar-
 dianus summi pōtificis pro Christicolis occiden-
 talibus vicem gerit, ritē peractis, duo summę pie-
 tatis in hominibus aduersæ legis argumēta anno-
 tati, quæ prætermittenda minimē duxi: Extat in
 prædicto tugurio intramurum cauata quædam
 in modum armarioli fenestella, in qua paruulum
 infantem curiosa virgo, dum sibi aliquandō fo-
 ris victum quæriraret, recondebat: ibi ardentem
 perpetuò lampadem Mauri seruant. Tenēt & ali-
 am, funiculo traiecto illi arbori, quam sese aperu-
 isse, transeuntiq; Iesu celsisse, populus credit, ap-
 pensam: arboremq; ipsam reuerenter obseruant,
 ficulneam: ipsi Pharaonis arborem appellant. Ea
 verò est, quæ à nostris sycomorus dicitur, terræ
 illius arbor peculiaris. Ex hac ego ipse ficulnea,
 quæ ingens est, tres carpsi fœtus, quorum forma,
 mediocris est piri, sed mollitie ac gustu insipidi,
 ficum æmulantur: nec, vti ceteri omnes fructus
 arborei, ex recentioribus ramulis huius arboris
 fœtus nascuntur, sed ex veterum ramorum trun-
 cis procreati vbertim exiliunt: velut ex vno in-
 terdum ramulo compressa profiliūt multa pru-
 na. Tres eas, quas collegi, bac̃tras ad vos feren-
 das, licet ficas, seruo. Prandium interea dum ista
 perlustramus paratur, sub dio tamen, in putealis
 eiusdem fontis margine, qui balsametum infelix
 irrigabat quondam. Dilcumbimus solo vnâ, ex
 ipsius Guardiani oriētalīs ore, vice pontificis no-
 stri, venia, Mahometæi & Christicolæ: sed carnes
 illi,

illi, nos pisces epulabamur. Minuta hæc, vt quodd
eo die post sumptas epulas de illius aquæ bonita-
te periculum fecerim, inferere queam, recenseo.

Cum ex piscium varij generis satietate ingens me *Aqua fons*
sitis vrgeret, (quanuis ex medicorū consilio aqua *tis Balsam*
mihi esset, ob quasdam valetudines, interdictū & *meti*.

piscibus) ter ad saturitatem vsque, quisnam in eo
fonte lotus fuisset, memor, ex aqua illa ita plenis
faucibus potavi, vt hydropico similis, turgidus
effectus, cingulum soluere coactus fuerim. Ili-
coq; senti, mihi summoperè profuisse. Totā præ-
tereā illius anni Quadragesimam cum pisciū vsu
Nili fluminis aquā solam interdum, interdum vi-
no commixtā, bibi: nec stomacho vnq; qui me se-
pissimè fatigabat, aut alicui corporis parti iactu-
ram mihi attulisse cognoui. Est prætereā leuitatis *Aqua Nili*
ac saporis aqua Niliaca, meo iudicio, laudabilis.

Quas dotes illi aquæ ex feruore radiorum solis,
quibus per torridæ zonæ furentes æstus labens
decoquitur, arbitror contingere. Neque enim du-
bium est, siue de lunæ mōtibus vltra æquinoctia-
lem iacentibus, siue aliundè Nilus deueniat, quin
per Aethiopum regiones Nili fluentia decurrant:
ex quorum montibus Nilum sumere incremen-
tum incolæ prædicant. Nam cum ad nos diē pro-
ducturus, æquinoctialem circulum per arietis
cornua sol trāsiens ascendit, niuales Aethiopum
adurens montes, niues liquefacit: quas ad imas
valles cadentes Nilus recipit, & æstate præter cæ-
terorum fluminū naturā intumescit, Aegyptios
agros arenosos irrigat, ac fertiles reddit, qui aliās
ob terræ siccitatem nullum producerent fructū:
pluit enim rarò. Sapientum omniū de ortu atq;
incremento Nili accuratè disceptationes perlēgi:
sed ortus ipsius ita incertus ab indigenis relin-

Ee 4

quitur,

quitur, veluti ab illis haftenus. Allocutus enim sum diuersarū Indiae regionum incolas Aethiopesq; plures, quorum ingens multitudo in Cairo vrbe negociatur: nec eorum quisquam, cum per ipsorū terras labi Nilus dicatur, credibile quicquam refert: fabulatur tamen multa. Incrementi autem certam esse atq; vnicam eam, quam attulimus, rationem, rerum experiētia prudētiores, & qui prouinciarum naturam indagāunt, affirmāt. Neq; arenas in ostijs Nili boreali flatu aggregatas, aut Etesijs, vt pleriq; volunt, aut aliam vllam de allegatis historicis rationibus causam esse, quod Nilus retrocedat, dici patiuntur. Nunc verò, quandoquidem in huius fluminis mētionem incidimus, non erit absonum de ordine ab Aegyptijs circa Nili tumores seruato, nouisq; Niliacorum crocodilorum casibus mihi per incolas enarratis, pauca recensere. Cairi ciuitas oblonga est, sed angusta, ad Nili ripam protenta. Intra Nilum autem vrbi insula adiacet duorum circiter milliarium, cuius initium, impetum Nili suscipiens, muris in acutum incipientibus, & se in latum statim porrigentibus, munitum est. In cuius acuta proiectura turris extat lapidea, in qua per alnas eorum, quas piccos appellant & quartas ac digitos, signa sunt circuncisa. Est eorum alna, vestrā Hispanā, quam varam vester populus vocat, spithamā grandi minor. Columnæ huic, æstate iam aduentante, multi assident: vt qui primus Nilum crescere denunciauerit, pinguem strenam assequatur. Itidemq; fit quotidie, donec tumescere desinat. Ast fluuius ad altitudinem quatuordecim piccorum, id est, alnarū, surgente, superare ripas Nilus, & per campos ac fossias manu factas sese protendere, prouinciāque inundans irrigare incipit. Est Nili vtilis inunda-

tio, ad mensuram vsq; illius columnæ piccorum duorum & viginti: si verò eam exuperet, id rarò tamen accidit, damna potiùs quàm vtilitatem affert. Cætheius propterea Soldanus is, quem senem dicunt, de quo suprà mentionem fecimus, fossam eduxit nouam, quæ incrementum illud, si quandò accadat, in se recipiat: & ad desertas alias regiones superuacaneam aquam abducatur, ac fertiles eo anno reddat. Infra urbem verò per fossas diuiditur Nilus antiquus, (quarum aliquas Cæsarem construxisse memoria proditum est) munitissimis aggeribus à fronte, nè torrentis aquæ impetus illas disrumpat, constructis. Quælibet autem fossarum suum habet ad mare Aegyptium exitum. Prouincias, per quas incrementi tempore aquæ Niliacæ fluunt, irrigant & pingues faciunt. In omnibus prætereà fossarum alueis auium pisciumq; multifariam generatur multitudo, aliturq; sed præcipuè in paludibus maxima. Varia præter pisces & aues monstra in eius alueo nutriuntur: inter q̃ Crocodilus quadrupes tã aquaticum, quàm terrestre. Quòd nō habeat vnde egerat, præterquàm per os: quòd solus inter bruta lachrymetur: quòd fugiat, si recto illum oculo quis inspexerit: sequatur verò, si meticulosum obuium senserit, ac interimat: aliaq; huiuscemodi multa multi retulere: propterea missa hæc omnia facere cōstituo. Quæ autem ego inter nauigandum ab accolis nautis noua perdidici, mens est differere. Ab vrbe Cairo ad mare vsque, non semper noxios esse crocodilos referunt: ab vrbe autem aduerso Nilo, quanto altiùs versùs montana nauigatur, tanto violentiores ferocioresq; aqua & terris esse aiunt. Plerasque eius rei causas mihi interroganti adduxerunt in medium: Pri-

*De croco-
dilis scito
digna.*

E e 5 mùm,

mum, quod ea Nili pars, quæ inter urbem & mare iacet, piscibus, tum in Nilo enutritis, tum ex mari prodeuntibus, quibus crocodili vescuntur, semper abundet: propterea piscibus contentos, in terram illos non longè à ripa descendere, hominibus aut quadrupedibus damna illaturos, prædicant. Cum autem & inferiores crocodili, & piscatorum ingens multitudo, piscium turbas ad superna trāsire, quin illos retibus intercipiāt, paucas patiantur: crocodili qui superiores Nili partes incolunt, atrociori fame urgētur: ita famelica rabie arreptos, in terram descendere illos, inquirunt, adoririq; ac perimere quicquid obuium sit. Quædā præterea præmij spes magnos crocodilos capientibus proposita, facit, ut multo pauciores audeant à Nili ripis longius prodire: cuique enim ad urbem Cairū crocodilū grandiorē afferenti, aurei nummi de fisco præbentur decē. Quamobrem crocodilis grandibus circa urbem, ut alibi leonibus, ursis, ceterisq; brutis animalibus violentis ac rapacibus, dulci habendæ pecuniæ spe, multę infidiæ parantur. Tunc autem crocodili noxiores sunt, damnaq; ad vicina rura exeuntes maiora inferunt, quādo redijt ad aluē Nilus: cum nanque sint eo tempore Nili ostia magis arenosa, ob humiliorem aquæ in ipsis faucibus profunditatem, minor marinorū piscium copia per fluentia Nili ascendit. Indè fame compulsos, cum Niliaci pisces illis ad saturitatem non suppetant, victum ipsos terra quæritare aiunt. Hic euenisse prædicant accolæ, quod Nilo ad alueum deducto, sæpè lateāt in insidijs obuoluti cœno crocodili in ripæ ora, in eorum locorum vicinia, ad quæ Niliaci rurales, aut oppidani fœminas aquę capiendæ gratia mittunt: immissoq; per ancillam cantharo in aquæ de-

*Varij cro-
codilorum
astus.*

decursum, crocodilum, inquit, transilire, & foeminam dentibus, quos habet rapacissimos, manu, qua cantharum immisit, rapere, ac in fluvium in caput tractam dilacerare. Camelum, equum, iuuenecam, & quodcunque genus quadrupedis ei occurrit, cum in terram famelicus exit crocodilus grandior, ictu caudæ adeò acriter ferit, ut illud, cruribus fractis, prostret, ac demùm interimat. Tanta est enim illius caudæ vis, ut fregisse quatuor vno ictu grandioris animalis crura repertus sit aliquandò. Emergit aliud imminens periculum decrementi tempore Nilum pernauigantibus. Cum enim contra Nili torrentem ascenditur, deficiente vento, sæpiùs contis quàm remis agitur: nauemq; ascendentem crocodili latenter sequuntur: & nautam, cum crocodilus videat conto ad expungendam nauem totum fixo pectore inhaerere, ictu caudæ conto acriter discusso, præcipitem cadere in fluvium facit: ac vix delapsum rapit, & vorat. Sponda etiam manibus apprehensa ingressum plerunquè tentasse, aut nauim deuoluere fuisse conatos, asserunt. Tanta est eorum rabies fame urgente. Est crocodilorum alia à quadrupedibus in progressu natura: cum enim è Nilo in terrâ lōgiùs profiscuntur, alia nesciunt regredi via, q̃ per ea vestigia, quæ in arena venientes reliquerunt: propterea cum descendisse crocodilum incolæ præsentunt, celeri cursu cum ligonibus & ramorum fascibus accurrunt: in eaq; semita fossam profundam effodiunt, ac ramis illam superimpositis arena contegunt, nè rediens crocodilus insidias sentiat: dehinc per vestigia crocodilum quæritant: sic repertum, strepitu & lituorum aneorumq; tinnitu

tu in fugam versum insequuntur. Ità in foueam delabentem aut perimunt, aut laqueis irretitum ad urbem portant. Diximus enim, decem aureorum præmium, esse grandes crocodilos viuos afferenti propositum. Paucis antequàm ego adijssem diebus, vnum allatum fuisse viuum mihi retulit magnus interpres, quem vix duo possent cameli simul, vti boues araturi, coniuncti, tergo sufferre. Alius eodem tēpore magnæ molis crocodilus in regione quæ Nilo' adiacet, nomine Saëtum, tres infantes in quodam rure Niliaco è cunis raptos deglutiuit. Captus tamen, modo quo diximus capi solere, fuit interemptus: euulsosq; infantes vix adhuc exanimis fuisse sepultos, referebatur. Ijsdem diebus ex vtero alterius irretiti ac trucidati arietem ferè integrum voratum, ac vnam dilaceratæ mulieris manum, armilla adhuc extante ænea, se extraxisse quidã accolæ perhibebant. Habitos enim, quando cunq; curæ nō sit ad urbem eos afferre, excoriant: cū vtile ad multa medicamenta crocodilorum abdomen esse didicerint. Nec desunt etiam, qui corium illorum quærissent, quod est adeò durum, vt neque sagitta transfigi possit. Testudinei nanque conchylis ferè duritiem æmularur: quanquàm non eam habeant à natura corporis formam: est quippe crocodilus lacerto, quem vestrum idioma Lagartum appellat, persimilis, sed rostro porcino, collo reductissimo, dentibus albentibus, feris, oblongis, dorso squamis (vt diximus) durissimis armato, cauda breui, crassa, in turbinem à corpore desinenti, non vti in cæteris quadrupedibus, sed vti in piscibus cernimus: lacertis breuibus, vnguibus rapacissimis: vrsinas diceretis crocodili manus, pedesq; nisi huic essent squamei, illi autem villosi: colore flauo, ventre verò

subalbido, nec tantæ duritiei. Crocodilos præ-
tereà zelotypos & amantissimos vxorum, aiunt
Aegyptij: quod hoc experimento comprobârunt.
Iisdem ferè temporibus, quibus ego regiones il-
las peragrabam, nautæ quidam ad nauigando cum
cernerent crocodilos coeuntes in insula Niliaca,
quam fluuij decrementum siccam reliquerat, ad
eos cum ingenti strepitu ac minitantibus similes
descendunt. Indè masculus primo impetu perter-
ritus, relicta vxore resupina, sese præcipitem in
fluuium dedit. Resupinat enim illâ masculus, &
in ventrem deuoluit: cum ipsa ob crurum breui-
tatem per se minime queat, atque ita relictam
eius vxorem nautæ interimunt, auferuntq;. Cum
verò masculus redisset, vxore non reperta, con-
spectoq; in arena sanguine, peremptâ & ablatam
coniectatus, ad nauim aduerso Nilo ira concitus,
velutî rabidus, despumans natando percurrit:
ratem vnguibus tenacissimè compréhedit, omni
conatu nititur suû oblitus, nautas perempturus,
intra nauim profilire. Verùm enim fustibus ac te-
lis nautæ illum in caput alij, alij in digitos quibus
sese suspendebat, ita concusserunt, vt attritis ma-
nibus, capite quassato, relinquere prouinciam, quâ
sumpserat, coactus fuerit. Timuere tamen nau-
tæ non mediocriter. De crocodilis & incremen-
to Nili, iam nimis multa. Quarè vt ad iter, vnde
vagans exilieram, rediens, epistolam claudere
tandem valeam, quid mihi post hæc cum Solda-
no successerit, exarabo. Nono Kal. Martij in sum-
ma populi corona & Mameluchorû spectaculo,
ad Soldanû tertio vocor. Accedentem me huma-
nissimè ac serena fronte cōpellat: sese denuò, su-
a q; omnia palàm offert: vestem cōcordiæ signum
mihi iubet afferri: oratoribus nanque omnibus à
Sol-

à Soldano ex ipsius arce discedentibus, ex more gentis, vestis exhibetur. Sed cymatilis tantum, aut ex simplici serico, linea tela supplicato. Mihi autem, ut fraternum insolubile foedus, me iacente, vobiscum iniisse adstantes suspicarentur, ex auro intexto miraque arte, uti videbitis, cum Arabicis literis insutis laboratam, arminijsque candentibus magno emptis suffultam, dono dedit. Aulicis deinde suis, ut sic indutum per urbem ad usque meum contubernium comitarentur, imperavit. Per latam quandam planitiem ex industria inter principum Mahometæ legis sepulcra, quæ nemini Christiano perambulare licet impune, ab ipsismet ducor. Illa non pyramidea, ut Aegyptij quondam construere solebāt, sed haud secus ac generales suæ Meschitæ structura fabricantur. Intra hæc suo & ipsi Mahometæ, quem paracletum à Christo vaticinatum garriunt ac fabulantur, sacerdotes instituunt, qui suo ritu sacra ibi in ipsorum peragant memoriam. Circumeunt autem superba hæc dominorum sepulcra, clientum ac filiorum & pellicum sub dio tumuli: ad suorumque quisque sepulcra quotquoque die Veneri signato (is enim est Mahometorum dies festus) sacra pro ritu eorum dicturus graditur: sepulcræque asspersione frigentis aquæ, cum ramis frondentibus & odoratis herbis, defunctorum umbris hæc profutura credentes, suo more salutant. Ego igitur ea via domum rediens, expedita per famulos à manibus, quæcunque postulaueram, chirographa recepi. Ad discessum me iam accingo. Impensa Soldani, nauigia parantur. Nilum Alexandriam versus denavigaturus, tertio Kal. Martij, letus, iisdem qui me adduxerant, mecum redeuntibus, conscendo.

do. Alexandriam quarto nonas Martias perrexī.
A prorege honorificè suscipior. Id enim per
præcursores à suo principe in mandatis habuit:
aliter nanque eam minimè curam fuisset comple-
xus, cū nihili penitus faciant omne Christia-
norum genus: seseq; solos viuere in orbe terra-
rum qui strenui sint atque imperio digni, arbi-
trentur: ludibrioq; sibi cedere ducant, Christia-
no cuiquam honorem exhibere. Sed attendite
catholici principes, cur nos Barbarum ac sylue-
stre ab incunabulis hoc genus hominum ita par-
uipendat, quibus ve argumentis innixa gens hæc
imperita, nullius virtutis particeps, immersa
cœnosæ libidini, detestandis erroribus implici-
ta, rationis penitus expers, hoc de se, illud de no-
bis, sibi posse persuadere existimet. Quater par-
ua manu ingentes Turcarum copias Mameluchi
profligârunt: propterea de se nimium sibi cre-
dunt. Christicolas autem omnes duabus rationi-
bus penitus cōtemnunt. Cū nanq; mercatores,
qui ad eos assidue cōmeant, ingentesq; opū acer-
uos inutilium aromatum & effœminantiū viriles
animos gemmarū permutandarū gratia impor-
tant, opprobriosa ferre passim ludibria, ignomi-
nias, contumelias, iniurias, lucri gulosa rabie ca-
ptos videant: cū nacti occasionem quamcunq;
leuem, nobiles etiā Venetos (quos Barbari, quia
ex vicino ceteris negociatoribus opulētiores esse
cognoscunt, Christianorum principes arbitran-
tur) catenis, carceribus, tormentisq; interdum,
vt eos expilent, quotidie premant: patienterque
omnia lucri causā tolerare conspiciant, viles es-
se ac nullius momenti homines, Christianos
omnes autumant. Sed tum præcipue, quod in
Christianorum principum dedecus cedit, fronte
rugo.

rugosa nasoq; adunco quantulumcūque plebeij,
 prætereuntibus nobis irident ac subſannant, &
 eam quam ſibi imbiberunt arrogantiam confir-
 mant, quandò ipſis ſubit in mentem, ſe noſtrę fi-
 dei domum initialem, nobis inuitis & ſilentibus,
 ſub ſua ditione per tot iam ſecula impunè, indiès
 collabentem, retinuiſſe: nec auſos vnquàm Chri-
 ſtianos fuiſſe, de illa è manibus eorum redimen-
 da, cogitare. Iure igitur merito nos, qui rerū do-
 mini quondàm eſſe ſolebamus, ab immaniſſimis
 & truculentis Barbaris ità negligimur. Hæc vo-
 lui, catholici principes, in epiſtolæ calce recen-
 ſere: non quò putem orationis meæ calcaribus
 addere quicquam poſſe vobis, qui à primis vn-
 guiculis de expurganda, tutanda, protendendaq;
 quam profitemini, religione ſentētiam induiſtis.
 Nulli enim alteri rei magis vnquàm, poſt intra
 Europæ limites ſtratas Maurorum vires, inuēgi-
 lāſtis, quàm de traijciendo in Mahometæos in
 Africam exercitu: feciſſetis que iandudūm, ſi per
 aliorum inſatiabilem & inexhauſtam imperij cu-
 piditatem licuiſſet. Sed ira concitus, cūm iſta vi-
 deam noſtra accidere deſidia, remq; Chriſtianam
 indiès magis ac magis inſectis ſeditionibus in-
 deterius labi conſpiciam, impatiens euomo. In-
 tercludatur tandē exundās nimium hic noſter
 riuulus. Galeaceas adhuc ſtare in ancoris eaſdem,
 quæ me tranſmiſerant, reperi. Dum hæ ſua per-
 agunt cōmercia, in Europā renauiigante Venetias
 verſus nauigiolo, cui me credere nō fuit conſili-
 um, tertiā hanc ad catholicā veſtrā maiestātē do.
 Cætera ego ipſe viua voce, ſi per piratas, per ma-
 riſ irā, per incolumitatē licuerit, corā relaturus.
 Felicibus intereā viuant aurbus, precor. Ex vrbe
 Alexādria Aegyptia, quarto Nonas April. M.D.II.

DAMIANI

